


BS 335 M35 1899 GTU Storage



L. E. Wilson.

Kusaie, March 19th 1903.





BUK

IN

SAM KO.



NEW YORK:

AMERICAN BIBLE SOCIETY, INSTITUTED IN THE YEAR MDCCCXVI.

1899.

[Marshall Islands Psalms, 12mo.]



60300

18619 18919

B5 335 M35 /899

SAM KO.

SAM 1.

MÕNÕNÕ armij eo e jab etal ilo L bebe an ro dri jerawiwi, im e jab jutčk ilo ial eo an ro dri nana, im e jab jijot ilo jikin jijot an ro dri kajirere.

2 A ej lõnlin ilo kien Jeova; im ej lemnok kin kien eo ran im

boñ.

3 E naj einwõt wijki eo emwij kallipe iturin river in dren, eo ej jebar leen ilo ien eo an; im bwilikon e jamin morar; im e naj jerammon kin men otemjej ej komoni.

4 Ro dri jerawiwi re jab einwot, a rej einwot kilin wit eo koto ej

bőklok.

5 Kin men in ro dri jerawiwi re jamin jutčk ilo ekajet eo, ak dri nana ilo jar an ro dru wanik.

6 Bwe Jeova e jela ial eo an dru wanik; a ial eo an ro dri jerawiwi

e naj joko.

SAM 2.

ETKE dri ailiñ ko rej aol, im armij ron rej lemnok kin men eo ejelok kobon?

2 Kiñ ro i lõl rej mõke kajutõk ir; iroij ro rej jimor bebe nae Jeova, im nae Dri kabit eo An, im ba,

3 Emon jen mijkoki lokjeir, im jolok to ko air jen kij.

4 Eo ej jijõt ilõñ E naj tõñ: Iroij

e naj kajirekake ir.

5 Inem E naj konono ñon ir ilo An illu, im naj kalelñoñ ir ilo An libopne.

6 Ak ña ij kairoij ao Iroij ion Zaion, ao tol ekwojarjar.

[Marshall Islands.]

ar ba ñon io, Kwe nejio man, ranin I ar keutak Yuk.

8 Kwon kajitok iba, im I naj lewoj dri ailiñ ko ñon Yuk bwe ren Am jolit, im ijo ko retoloktata i lõl bwe ren Am wato.

9 Kwo naj loja ir kin mal wawen alal, Kwo naj kokkure ir im joko

einwõt jäbi dreka.

10 Im kiō, O kiñ ro, komin meletlet; iroij in ekajet in lõl, komin katak.

11 Komin jerbal ñon Jeova ilo mijok, im lõnlin kin wurirrir.

12 Komin mejenmaik Nejin eo, bwe en jab illu, im komin joko jen ial eo, bwe An illu e naj môkôj an urur. Emõnõnõ ro otemjej rej liki E.

SAM 3.

Sam an Devid, ke e ar ko jen Absalom nejin.

JEOVA, eorlok ro rej matortor io; eloñ rej jutok nae io.

2 Előñ re ba kin aő, Ejelok lomor kin e iben Anij. Sela.

3 A Kwe, O Jeova, kwe ao likepijñok, ao aibujuij, im Eo ej leliñlok bőra.

4 Ij lamij ñon Jeova kin ainikio, im Ej uak io jen tol eo An ekwojarjar. Sela.

5 I ar babu im kiki; I ar ruj, bwe

Jeova ej kejbãrok iő.

6 I jamin lelñoñ kin eloññoul tausan armij, ro rej ber im jumae io iturio.

7 Kwon jutčk O Jeova, Kwon lomor io, O ao Anij; bwe Kw'ar drenlok roñon ro otemjej rej kijirat io. Kw'ar ruji ñiin ro dri jerawiwi.

8 Lomor ej ber iben Jeova: am 7 I naj kwalok kien eo: Jeova e ainemon en ber ion ro drom. Sela.

SAM 4.

Ñon eo ej lale al: ilo ken kajonjon ko eor toair. Sam an Devid.

ILO ao kir, Kwon ronjake io, O ao Anij ewanik; ilo ao jorran Kw'ar kõtlok iõ; Kwon joij ñõn ið, im ronjake að jar.

2 O kom nejin armij, ietočn ami ukot ač aibujuij non jok? Ietočn ami yokwe men eo ejelok tokjen,

im kabukot riop? Sela.

3 A komin jela bwe Jeova e ar kãlet eo emõn bwe en An: Jeova e naj roñjake ið ñe ij kir ñon E.

- 4 Komin wurirrir im jab jerawiwi; komin konono ilo buruemi ion kiniemi im kejeklokjen. Sela.
 - 5 Komin katok men in katok ko

remon, im liki Jeova.

- 6 Előñ re ba, Wőn e naj kwalok emon non kim? O Jeova, kwon kamramlok kim kin maram in meiõm.
- 7 Kw'ar letok lõnlin ilo buruo, elap jen air lõnlin ne elõnlok air korn im wain.
- 8 Ilo ainemõn I naj babu im kiki, bwe Kwe mõke, O Jeova, kwoj kõmon bwe in ber ilo mour.

SAM 5.

Ñon eo ej lale al ion Nehilot. Sam an Devid.

7 WON ronjake nan ko ao, O K Wow longand Jeova; kwon kili ao kalomonlokjen.

2 Kwon karonjake ainiken ao jon. O Jeova ao Kiñ, im ao Anij; bwe I

naj jar ñon Yuk.

3 Kwo naj ron ainikio ne erantak, O Jeova; ilo rantak I naj kajime ao jar ñon Yuk, im I naj ekil.

4 Bwe Kwo jab juon Anij ej lonliñ ilo jerawiwi, im nana e jamin

jokwe ibom.

- 5 Ro dri jua re jamin jutčk iman mejom: Kwoj drike ro otemjej rej kõmõnmõn nana.
- 6 Kwo naj kokkure ro rej konono riop; Jeova e naj kijirate armij e bötöktök im jela mon.
- 7 A ña, I naj dreloñ iloan mweo imom ilo joij ko Am relon; im ilo im jok kiokio.

ao mijok Yuk I naj kabuñ iman Am tempel ekwojarjar.

8 O Jeova, kwon tel iõ ilo Am wanik kin ro rej kijirat io: Kwon kajime Am ial iman meja.

9 Bwe ejelok mol ilo loñir; nana wot iloir; burueir rej einwot lup e

waloni; rej etaoik kin loir.

10 O Anij, kwon liakelok ir: ren buñ kin bebe ko air; Kwon ubakelok ir ilo nana ko air relõn: bwe r'ar kabata nae Yuk.

11 A ro otemjej rej liki Yuk ren lõnlin; ren kelok kin lõnlin in drio, bwe Kwoj kouk ir: ro rej yokwe etőm re naj lőñliñ Yuk.

12 Bwe Kwe, O Jeova, kwo naj kainemon dru wanik; kin joij Kwo naj kabol e einwõt kin juõn likepiiñők.

SAM 6.

Ñon eo ej lale men in kajoñjoñ ion ken ka drualitok. Sam an Devid.

JEOVA, kwon jab enoik ič ilo Am illu, im ilo am illu ebwil Kwon jab kajeik iő.

2 O Jeova, kwon tiriamokake iõ. bwe I mõralok: O Jeova, kwon kaejmour io; bwe dri ko drio re wurirrir.

3 Bareinwöt að elap an wurirrir:

a Kwe O Jeova, ietoon?

4 O Jeova, kwon jeblaktok, Kwon kõtlok aõ: O Kwon lomor jõ kin Am tiriamokake.

5 Bwe ilo mii eielok ememei Kwe; ilo lũp wõn e naj kamolol

6 Ij mõk kin aõ ñir; boñ otemjej I naj kabebe kinio; I naj kaju kinio kin ao dren in kemjalal.

7 Meja etőp kin buromőj; e ridtolok kin ro otemjej rej kijirat io.

8 Komin ilok jen ña, kom otemjej dri komonmon nana, bwe Jeova e ar ronjake ainiken ao jon.

9 Jeova e ar roñjake ao akwelap;

Jeova e naj bõk aõ jar.

10 Ro otemjej rej kijirat io re naj jok im wurirrir: re naj jeblaklok

SAM 7.

Sam in jebwäbwe an Devid, eo ej al ñôn Jeova kin nan ko an Kuŝ dri Benjamin.

O JEOVA ač Anij, I ar liki Yuk; Kwon lomor ič jen ro otemjej rej matčrtčr ič, im Kwon kčtlok ič.

2 Bwe en jab kekel að mour einwôt juðn laiðn, kekele im ejelok dri

10mor

3 O Jeova ao Anij, elañe I ar komon men in; elañe eor nana ilo peio;

4 Elañe I ar nawõnan nana ñõn eo e joij ñõn iõ; elañe I ar rakimi eo ej kijirāt iõ im ejelok unin;

5 Eo ej kijirāt ið en matörtör að im böke: aet en juri að mour ion löl, im likit að wðj ilo brij. Sela.

6 O Jeova, kwon jutök ilo Am illu: Kwon mõke koutiej Yuk nae illu an ro rej kijirāt ið. Kwon ruj ñōn ið; Kw'ar kwalok ekajet.

7 Im jar an dri ailiñ ko ren kabol Yuk; kin ir Kwon jeblak ñon ijo

eutiej.

8 Jeova e naj ekajet dri ailiñ ko: O Jeova kwon ekajet iô kin aô wãnik, im kin aô jime ilo ña.

9 O komon bwe nana an ro dri nana en joko, im kabin eo e wanik: bwe Anij ewanik Ej melejon buru ko im lemnok ko.

10 Aő likepijñők iben Anij, eo Ej

lomor eo ejime ilo buruen.

11 Anij ej ekajet dru wanik, im Anij ej illu ran otemjej.

12 Elañe E jab oktôk E naj jeme An jãji; emwij An kiele libon im kapoje.

13 Im E ar alej ken iri ko ñon e: E naj komon mori kijeek ko

An.

14 Lo e naj iñtan kin nana, im ej etaik nana, im keutak riop.

15 E ar kõmõn roñ im kõbije, im ej buñ na ilo roñ eo e ar kõbije.

16 An nana e naj itok ilo boran, im an lej e naj buñ ion moñen.

17 I naj kamolol Jeova kin An emõn; im kin al I naj nebar etan Jeova eutiejtata.

SAM 8.

Ñon eo ej lale al ilo Gittit. Sam an Devid.

O JEOVA am Iroij, e nañin aibujuij etôm i aolepen lôl: Kw'ar likit Am aibujuij ilôñin lôñ ko.

2 Jen loñin ajiri im niñniñ ro Kw'ar kapoj kajur, kin ro rej kijirāt Yuk; bwe Kwon kajeklokjen dri kijirāt eo im dru kwi.

3 Ke ij lale lõñ ko Am, jerbal an arriim; aliñ im iju ko Kw'ar kõ-

monmoni;

4 Ta armij bwe Kwon kememej e? Im nejin armij bwe Kwon itok ñon iben?

5 Bwe Kw'ar kötaik e jirik jen enjel rön, im kabelbil e kin aibujuij

im wuj.

6 Kw'ar kairoij e ion jerbal ko an peiŏm! Kw'ar likit men otemjej iomin neen.

7 Šip otemjej, im kau ko, kab kiru

ko rawia i ene jemaren;

8 Bao ko i mejatoto, im iik ko i lojit, im jabrewõt men eo ej itoitõk ilo ial ko in lojit.

9 O Jeova ao Iroij, e nañin aibujuij etôm i aolepen lol.

SAM 9.

Non eo ej lale al ion Mutlaben. Sam an Devid.

I NAJ kamolol Jeova kin aolepen buruõ; I naj kwalok jerbal in bwilõn ko Am otemjej.

2 I naj lõñliñ im bunburuõ kin Yuk; I naj wiktak etõm ilo al, O

Kwo utiejtata.

3 Ke ro rej kijirāt ið rej oktőklik, re naj buñ im joko iman mejom.

4 Bwe Kw'ar kajime ač ekajet im men eo ruč; Kw'ar jijčt ion tron im

Kw'ar ekajet emol.

5 Kw'ar kowe dri ailiñ ko, Kw'ar môn eo enana, Kw'ar jeorlok etair in drio im in drio.

6 Kin dri kijirāt, kokkure ko an rejemlok ñon in drio: im Kw'ar kokkure jikin kwelok ko air; air ememej ejoko ibeir.

7 A Jeova e naj jijõt im Kiñ ñõn

3

in drio: E ar kapojõk An tron kin ekajet.

8 Îm E naj ekajet lõl ilo wänik, E naj kõmõn ekajet ñõn dri ailiñ ko ilo jime.

9 Bareinwõt Jeova e naj jikin eutiej an ro dri kamakoko, jikin eutiej ilo ien ko ien iñtan.

10 Im ro re jela etőm re naj liki Yuk; bwe Kwe O Jeova, kw'ar jab

illok jen ro rej bukot Yuk.

11 Komin wijtak ilo al ñon Jeova, eo Ej jokwe i Zaion: komin kwalok ñon dri ailiñ ko jerbal ko An.

12 Ke Ej kajitők kin bőtőktők, Ej kememej ir; E jab meloklok an

dri iñtan jõñ.

13 O Jeova, kwon tiriamokake ið ; lale að iñtan kin ro rej kijirāt ið, Kweo kwoj kwotöke jen kejem ko an mij.

14 Bwe in kwalok wijtak eo Am otemjej ilo kejem ko an köra nejin Zaiön: I naj löñliñ ilo lomor eo

Am.

15 Ro dri ailiñ rej ruñulok ilo roñ eo r'ar kõbije; ilo jen rej noje em-

wij bo neir.

16 Jeova e ar kõmõn bwe ren jela E; e ar kõmõn ekajet. Dri jerawiwi e bo ilo jerbal an pein. Higgaiõn. Sela.

17 Dri jerawiwi re naj oktoklik ñon jikin nana, im dri ailiñ ko

otemjej rej meloklok Anij.

18 E jamin meloklok dri jeramel ñon in drio: kejatrikrik an dri eta e jamin joko in drio.

19 O Jeova kwon jutõk; armij en jab kajur; Kwon ekajet ro dri ailiñ

ko iman mejõm.

20 O Jeova kwon likit lelñoñ ioir: bwe ro dri ailiñ ko ren jela ir armij wõt. Sela.

SAM 10.

O JEOVA, etke Kwoj jutčk etolok? Etke Kwoj tilekek ilo ien intan ko?

2 Ilo jua an drī jerawiwi ej matörtör dri jeramel: ren bo ilo bebe ko r'ar lemnok kaki. 3 Bwe dri nana ej jualöñlôñ kin kônan ilo buruen, im dri ankwonak ej nebar im kajirere kin Jeova.

4 Dri jerawiwi kin an mejen jua ej ba, E jamin bukot: ilo an lem-

nok otemjej ejelok Anij.

5 Ial ko an rebin ien otemjej: ekajet ko Am reutiej jen iman mejen: kin an ro dri kijirat otemjej, ej ukwilok ir.

6 E ar ba ilo buruen, I jamin makõtkit; bwe I jamin jorran ñõn

ebeben im ebeben.

7 Loñin eobrôk kin jinjin im mon ko im kaiñtan; jorran im nana iomin loen.

8 E jijöt ilo jikin tilekek ko an jikin kwelok ko redrik; ilo jikin tilekek ej urõte eo ejelok ruõn; mejen rej tilekek im jumae dri jorran.

9 Ej ber ilo jikin tilekek einwöt laiön ilo ron: ej tilekek bwe en jibwe dri jorran: ej jibwe dri jorran ke ej ane ilo an jen.

10 Ej kumwil, ej barikrik, im dri jorran rej buñ kin ro an dri ka-

jur.

11 E ar ba ilo buruen, Anij e ar meloklok: E ar binej mejen; E jamin lo in drio.

12 O Jeova kwon jutčk; O Anij kwon kwotčke peičm; Kwon jab

meloklok ro dri jorran.

13 Etke dri jerawiwi e ar kejekron Anij im ba ilo buruen, Kwo jamin

kajitõk kake?

14 Kw'ar loe; bwe Kwoj lo nana im bale in nawŏnan kin peiŏm; dri jorran ej mõke likite ñŏn Kwe; Kw'ar jibŏñ dri atajinemjen.

15 Kwon ruje pein dri jerawiwi im dri nana: Kwon kabukot an nana ñon ien Kwoj lo ejelok.

16 Jeova ej Kiñ in drio im in drio; ejoko dri ailiñ ko jen eneo An.

17 O Jeova kw'ar roñ an dri jorran kõnake: Kwo naj kabin burueir, Kwo naj karoñlokjen;

18 Bwe Kwon ekajet ro ratajinemjen im dri jorran, bwe armij jen brij en jab bar kejorran.

SAM 11.

Non co ej lale al. An Devid.

AR liki Jeova: ekijkan ami ba ñon io, Kwon kalok ñon am tol einwôt bao?

2 Bwe, lo ro dri jerawiwi rej kiele libon, r'ar likit air mori ilo kwol, bwe ren libon ilo marok ñon ro eilme burueir.

3 Elañe lontak ko re joko, ro re-

mon ren it?

4 Jeova ej ber ilo tempel eo An ekwojarjar; tron an Jeova ilo lõñ: mejen ej lale, kilin mejen ej melejoñ ro nejin armij.

5 Jeova ej melejoñ eo ej wanik; im An ej kijirāte dri jerawiwi im

eo ej yokwe lej.

6 Ej kowut ion dri jerawiwi jen ko, kijeek im brimston, aire kijeek, men kein iloan air kõp.

7 Bwe ewanik Jeova; ej yokwe wanik; ro rejime re naj lo mejen.

SAM 12.

Non eo ej lale al ion ken ka drualitok. Sam an Devid.

JEOVA kwon lomor, bwe dru wanik rejemlok, bwe dri tiljek re joko jen ro nejin armij.

2 Rej konono nan in riop, armij iben dri turin; tieir etao, im burueir romeõñe ke rej konono.

3 Jeova e naj kokkure tieir etač otemjej, im lo eo ej konono men ko

relap.

4 Ro r'ar ba, Kin loem kim naj bok anjo; tiem ibem wot: won e

naj iroij iom?

5 Jeova e ba, Kiô I naj jutôk kin iñtan an dri jorran, kin jõñ an dri jeramel: I naj likit e ijo ejelok uota jen eo ej birlokwe e.

6 Nan ko an Jeova rokwojarjar, einwõt silver emwij karreo e ilo ubaj brij, karreo e alen jiljilimjuon.

- 7 O Jeova, kwo naj lale ir, Kwo naj kejbarok ir jen ebeben in non in drio.
- 8 Ro dri jerawiwi rej etetal ijo jabrewõt, kin koutiej nana iben ro nejin armij.

SAM 13.

Non eo ej lale al. Sam an Devid.

JEOVA ietočn? Kwo naj meloklok ið fiðn in drio ke? Ietočn Kwo naj binej mejčm jen ña?

2 Ietočn I naj likit bebe ko ilo ač im buromõj ilo buruõ ran otemjej? Ietoon eo ej kijirat io e naj utiej

jen ña?

3 O Jeova ao Anij, Kwon lale, Kwon karonjake io, Kwon kamaramlok meja, elañe jab ein drein I naj kiki ilo mij.

4 Ñe ab eo ej kijirat io ej ba, Na I ar bõk anjo jen e, im ro dri jumae ið rej lönlin kake bwe ij maköt-

kit.

5 A ña, I ar liki Am joij; buruo e naj lõñliñ ilo Am lomor.

6 I naj al ñon Jeova, bwe E ar wujleptok emõn ñõn iõ.

SAM 14.

Non eo ej lale al. Sam an Devid.

DRI bwebwe e ar ba ilo buruen, Ejelok Anij. Re nana, r'ar kõmõnmõn jerbal ko renana otem nana; ejelok juon iair ej komon emõn.

2 Jeova e ar reitok jen lõñ ko ñõn ro nejin armij, bwe En lo elañe jabrewot eo e meletlet, im bukot Anij.

3 Ir otemjej re bwir, rej jimor ini buől; ejelok juőn ej kőmőn emőn,

ejelok juõn.

4 Ta, re jaje kake, ro otemjej rej jerbal ilo nana ke? Rej mõña ro droč einwõt rej mõña bred, im jab kir ñon Jeova.

5 Ijo elap air mijok; bwe Anij ej

ber ilo ebeben an ro remon.

- 6 Kom ar kajok bebe an ro dri jeramel: a Jeova e likepijñôk eo air.
- 7 Won e naj lelok lomor ñon Israel jen Zaion? Ne Jeova ej kejeblaktok dri jebokwe ian ro dron, Jekob e naj lonlin, im Israel e naj buñburuen.

SAM 15. Sam an Devid.

O JEOVA, won e naj ber ilo imon kaber eo Am? Won e naj jokwe ilo Am tol ekwojarjar?

2 Eo ejime an etetal, ej kõmõn wanik, im e konono mol ilo bu-

ruen.

3 Eo e jab rurue kin loen; im e jab kõmõn nana ñõn jeran, im e ar jab kwotõke nan in kinakelok dri turin.

4 Ilo mejen ej kejekron eo armij in jolok, a ej koutiej ro rej mijok Jeova. Eo e ar kanojnij in kokkure e moke, a e jab ukwelok kake. 5 Eo e jab bok jimair elap kin moni e ar lelok; im e jab bok moni im jumae eo ejelok ruon. Eo ej komonmon men kein e jamin makotkit.

SAM 16.

Miktam an Devid.

K WON kejbãrok ið, O Anij, bwe I ar liki Kwe.

2 I ar ba ñon Jeova, Kwe ao Anij, ao emon e jab ñon Kwe.

3 Kin ro remon rej ber ilo lol, ir re

wappen im ij monono kake ir.

4 Ro rej kaiur ir ñon bar juon anij, iñtan ko air re naj orlok. I jamin lutoklok men in lelok limeir in botoktok; I jamin konono etair kin tio.

5 Jeova é að jolit im að ken irak. Kwo naj koorlok að men in jolit.

6 Joñok ko r'ar wutlok ñon ið ilo jikin mönönö ko. Aet e kanuij emön að men in jolit.

7 I naj kamõnõnõik Jeova eo E ar bebeik iõ. Aet aõ ej katakin iõ ilo

boñ ko.

8 I ar likit Jeova imað ien otemjej; kin An ber í anbijmaroñið I jamin makðtkit.

9 Kin men in buruo e monono, im ao aibuij ej lonlin, koniekio barein-

wõt e naj ber im jab uõta.

10 Bwe Kwo jamin likit að ilo Hedis; im Kwo jamin likit Eo Am bwe En lo köt. 11 Kwo naj bakajen ñon io ial in mour. Ibom lonlin elaptata; i anbijmaroñom men ko men in monono ñon in drio.

SAM 17.

Jar an Devid.

O JEOVA kwon roñjake wânik, Kwon lale ao lamij; Kwon eoroñ ao jar e jab ilok jen tio etao.

2 Aő ekajet en walok jen imam.

Mejõm ren lo men ko rejime.

3 Kw'ar melejoñ buruð. Kw'ar lotok ið ilo boñ; Kw'ar melejoñ ið im Kwoj lo ejelok. Emwij að bebe bwe loñið en jamin bwir.

4 Kin jerbal ko an armij ron, ilo nan in tiom, I ar kejbarok io jen

ial ko an ro relej.

5 Buñten neið r'ar drebij ial ko

Am. Neiő re jañin jir.

6 I ar kir ñon Kwe, bwe Kwo naj uak io, O Anij. Kwon ukot lojiliñom ñon io, im karonjake ao konono.

7 Kwon kalaplok joij ko Am, O Kwe, kwoj lomoren ro rej liki Yuk jen ro rej jutôk jumae iô kin anbijmaroñôm.

8 Kwon kejbārok ið einwôt iju in mejôm; Kw'ar noj ið ilo lurin

peiom:

9 Jen ro renana rej rakimi ið, jen ro re kanuij kijirāt að im kabol ið. 10 Air keoio e ar kabol ir; kin

loñir rej konono im jua.

11 R'ar kabol kim kið ilo buñten neem. Rej likit mejeir bwe ren jolöllok kim fiðn brij.

12 Ej einwöt juön laiön, e kanuij kõnan kekel; im einwöt juön laiön emön ridtön eo ej ber ilo jikin tilekek ko.

13 Kwon jutčk, O Jeova, kwon ilok iman mejen, Kwon jolčllok e; Kwon lomoren ač jen ro renana

kin jāji ne Am;

14 Jen armij rön kin pelöm, O Jeova, jen armij in löl in, ro air jolit ilo mour in, im lojiir Kwoj kobrök kin air men in aurök. Re mat kin nejiir, im rej likit maton in dren im kalikar lontak ko in lol mweieir ñon niñniñ ro air.

15 Ak ña, I naj lo mejom ilo kwojarjar, I naj jokone ne ij ruj ilo wāwom.

SAM 18.

Non dri lale al. Sam an Devid, korijeran Jeova, e ar konono ñon Jeova nan ko an al in, ilo ran eo ke Jeova e ar lomoren jen pein ro otemjej dri kijirāt e, im kab jen pein Saul; im e ar ba,

IJ yokwe yuk, O Jeova, ao ka-jur.

2 Jeova ao dreka, im ao me, im ao dri lomor; ao Anij, ao dreka ekajur. I naj liki E: ao likepijnok im drun að lomor, að imðn bar eutiej. 3 I naj kir ñon Jeova, eo ej tellokon bwe ren nebar E. Ein drein naj lomor io jen ro rej kijirat io.

4 To ko to in mij r'ar kabol io, im ibij ko in nana r'ar kemjõk ið.

5 To ko in Hedis r'ar lorok io; jen

ko jen in mij r'ar itok joo.

6 Ilo ao jorran I ar kir ñon Jeova, im I ar lamij ñon ao Anij. E ar ronjake ainikio jen tempel eo An, im að kir e ar dreloñ ilo lojiliñin.

7 Inem e irik lõl in im e wurirrir. lontak in tol ko re makotkit, im

irik ir, bwe Ej illu.

8 E ar wonlinlok bat jen ilo baudin im kijeek jen loñin e ar kokkure: melle ko r'ar urur kake.

9 E ar kabarikrik lõñ ko, im wõnlõltok, im kabin marok iomin neen.

10 Im E ar uwe ion kerub im E ar kāki; aet E ar kāki mokoj kin pā ko pein kõto.

11 E ar likit marok jikin tilekek eo An, juon imon kaber iturin marok in dren ko, kõro ko remjil in

12 Kin romak iman kõro ko remjil re elalok, wut rebin im melle in

kijeek.

13 Im Jeova e ar jorur ilo lõñ ko, im Eo eutiejtata E ar kwalok ainiken; wut rebin im melle in kijeek.

14 Im E ar jilkinlok mõri ko An, im kijibliklok ir, aet, jarom ko relõñ im kokkure ir.

15 Inem r'ar walok river ko, river im Ej kowappen ao ial.

in, kin Am enoik ir, kin menono in kõto jen baudõm.

16 E ar jilkintok jen lõñ, E ar bõk iõ: E ar kekake iõ jen dren ko re-

lõñ.

17 E ar lomorio jen dri jumae io ekajur, im jen ro r'ar kijirat io, bwe r'ar kajur wot jen ña.

18 R'ar wõnmae iõ ilo ran in aõ jorran: a Jeova e ar ao jokwon.

19 E ar tel ið iloan jikið erabőkbők: E ar lomorió bwe E ar mőnonokake jo.

20 Jeova e ar nawonao ekar ñon ao wanik, ekar non peio rerreo E ar nawonao.

21 Bwe I ar kejbãrok ial eo an Jeova, im I ar jab bwir im illok ien ao Anii.

22 Bwe ekajet ko otemjej An r'ar imaő, im I ar jab jolok kien ko An

ien ña.

23 Bareinwöt I ar wäppen iben, im I ar kejbarok io jen ao bwir.

24 Inem Jeova e ar nawonao ekar ñon ao wanik, im ekar ñon peio erreo iman mejen.

25 Kwo naj kwalok Yuk im joij ñon ro rejoij, Kwo naj kwalok Yuk im wappen non ro re wappen.

26 Kwo naj kwalok Yuk im kwojarjar ñon ro dri kwojarjar, im Kwo naj kwalok Yuk im makoko ñon ro r'ankeke.

27 Bwe Kwo naj lomoren armij ro re jorran; a mejen ro re jua Kwo naj jolollok.

28 Bwe Kwo naj tili lamp eo ao: Jeova ač Anij e naj kamramlok ač

marok.

29 Kin Kwe ij etőr ion juön jar an armij; im kin ao Anij ij uwe ilonin juon worwor.

30 Kin Anij, ial eo An ewappen; nan in Jeova emwij melejoñ e; E juon likepijnok non ro otemjej rej liki E.

31 Bwe won Anij, a Jeova wot? Im won e dreka elañe jab am Anij?

32 Anij ej kanuknuk ið kin kajur,

33 Ej komon neio einwot neen kiru hind; im Ej likit iõ ilo jikiõ reutiej.

34 Ej katakin peið bwe ren iri, inem peio re kiele juon libon jini-

bor.

35 Kw'ar bareinwõt letok likepijñok eo an Am lomor, im pein anbijmaroñom e ar drebij io: Am joij e ar koutiej iõ.

36 Kw'ar kalaplok bunten neið

iomiö, im neiö r'ar jab jir.

37 I naj lukworkwor ro dri kijirāt ið, im töbrök ir; im I jamin oktök mae ien naj kokkure ir.

38 I naj jebôk ir, im re jamin maron in jerkak; re naj bun iomin

neiő.

39 Bwe Kw'ar kanuknuk iô kin kajur ñon keitak; Kw'ar kotaik iomio ro r'ar jerkak jumae io.

40 Kw'ar bareinwőt kejeblaklok ro dri kijirat jen na, bwe in mon

ro rej kijirāt iö.

41 R'ar lamij a ejelok air dri lomor; aet ñon Jeova a E ar jab uak ir.

42 Inem I ar kokkure ir einwõt bonolnol iman koto: I ar kadrioijlok ir einwõt birikõt in ial ko.

43 Kw'ar lomor ið jen kabata ko au armij ron; Kw'ar koutiej io bwe in boran dri ailiñ ko; juon ailiñ I ar jab jela e naj jerbal ñon io.

44 Ne emwij air ron kin na, re naj bokake ña; ro drua maijet re naj

mõke kõtaik ir ñõn ña.

45 Ro drua maijet re naj weaklok jen ña, im re naj itok im wurirrir jen air jikin tilekek.

46 Jeova ej mour wot; im e monono ao dreka, im en utiej Anij an aõ lomor.

47 Aet Anij ej irenwone kin ña,

im kõtaik armij iomiõ.

48 Ej lomorio jen ro dri kijirat io; aet, Kwoj koutiej io jen ro rej jerkak im jumae io: Kwoj lomorio jen armij eo elej.

49 Inem I naj kamolol Yuk, O Jeova, i bwiljin dri ailiñ ko; im I

naj al im nebar etom.

50 Ej letok lomor elap ñon Kiñ eo

An; im Ej kwalok joij ñon dri kabit An, non Devid im ro nejin non in drio.

SAM 19.

Non dri lale al. Sam an Devid.

I ÕN ko rej kennan kin aibujuij 🚺 an Anij, im mejatoto ej kwalok jerbal an pein.

2 Ran ñon ran e naj katorlok nan, im boñ ñon boñ e naj kwalok jela-

lokjen.

3 Ejelok air ba, im ejelok nan; je

jab roñ ainikeir.

4 A air ken joñok e ar ilok ilo aolepen lõl, im nan ko air ilo mõton lol eliktata. Ilo ir E ar kalek imőn kaber ñőn al.

5 Eo einwőt juon leo belen ej drioijtok jen bo eo an; ej lõñliñ einwöt juön dri kajur ej etőr ilo

iaikwii.

6 An drioijlok jeu jabon lõn ko, im an itok ñon jemlokon ko air, im ejelok ej tilekek jen bwil eo an.

7 Kien Jeova e wappen im ej karok an: nan in katak an Jeova e bin im ej kameletlet ro re jaje.

8 Nan ko nan in kaiñi an Jeova re jime im re kalõnlin buruer: kien ko an Jeova rerreo im rei kamramlok mejer.

9 Mijők Jeova e kwojarjar, im ej ber ñon in drio: ekajet ko an Jeova re mol wot, im ir otemjej rejime

otem jime.

10 Re men in yokwe emôn jen gold, im jen előñ gold e kanuij aurok; im re toñel jen honni im bőliñliñ re wutlok jen nien hönni.

11 Bareinwöt rej kamramlok korijerom: ro rej bokake ir elap wonair.

12 Wôn e maroñ in jela bwir ko an? Kwon karreoik iō jen bwir ko re jab alikar.

13 Bareinwõt Kwon kejbãrok korijerom jen jerawiwi ko re mokarkar; inem I naj wappen im ejelok ruő kin bwir ko relap.

14 Nau ko jen loō, im lemnok ko ilo buruo, ren emon iman mejom, O Jeova að dreka im að Dri lomor.

SAM 20.

Non eo ej lale al. Sam an Devid.

JEOVA en eoroñ yuk ilo ran in jorran; etan Anij an Jeköb en koutiej yuk.

2 En jilkinwoj men in jibõñ jen mweo imõn, im kakajur yuk jen

Zaion.

3 En kememej men in lelok ko am otemjej, im bŏk jurtak ko am men in urur. Sela.

4 En lewoj einwõt ilo buruõm, im

kamol bebe ko am otemjej.

5 Jen lõñliñ ilo Am lomor, im ilo etan Anij jen leliñlok flag ko am. Jeova en kamol jar ko ar otemjej.

6 Inem I jela bwe Jeova ej lomoren Dri kabit eo An: E naj eoroñ E jen lõñ ko An rokwojarjar kin kajur in lomor an anbijmaroñŏn.

7 Jet armij rej liki jariõt ko, im jet rej liki ors ko; a kij je naj ka-

buñbuñ etan Jeova ar Anij.

8 R'ar jirlok im buñ; ak kij jar jerkak im jej jutôk jime.

9 O Jeova, kwon lomor. Kiñ eo en roñjake kij ñe jej kir.

SAM 21.

Ñon eo ej lale al. Sam'an Devid.

K IÑ eo e naj löñliñ ilo Am kajur, O Jeova; im ilo Am lomor e nañin lap an löñliñ.

2 Kw'ar lelok ñon e an buruen konan, im Kw'ar jab drebij jen e men in kajitok an loen. Sela.

3 Bwe Kwoj wõnmae e kin men in mõnõnõ ko an emõn: Kwoj likit ilo bõran kraun in gold emõn.

4 E ar kajitők ibőm kin mour, Kw'ar lelok ñőn e: aitokőn ran ko ñőn in drio im in drio.

5 Aibujuij eo an elap ilo Am lomor; nebar im wõj Kwoj likit ion.

- 6 Bwe Kwoj likit e monono otem monono non in drio; Kwoj kamononoik e kin lonlin iman mejom.
- 7 Bwe kiñ eo ej liki Jeova, im kin joij an Eo eutiejtata re jamin kamõkite.
 - 8 Peiom e naj kabukot ir otemjej

rej am dri kijirāt: anbijmaroñom e naj kabukot ro rej drike yuk.

9 Kwo naj likit ir einwõt juõn ubaj ej urur ilo ien am illu, Jeova e naj wõrõñõlok ir ilo An illu, im kijeek e naj tili ir.

10 Kwo naj kokkure leir jen lõl, im ineir jen iben ro nejin armij.

11 Bwe r'ar bebe kin nana nae Yuk; r'ar lemnok kin men ko renana re jab maroñ kake.

12 Bwe Kwo naj kõmõn bwe ren oktõklik; Kwo naj kapojõk to in

libon ko Am nae mejeir.

13 Kwon utiejtata O Jeova, ilo Am kajur; ein drein kim naj al im nebar Am kajur.

SAM 22.

Non dri lale al. Ilo Aijelet has-Shahar. Sam an Devid.

AÕ Anij, aõ Anij, etke Kw'ar ilok jen ña? Etke Kwoj etolok jen lomoriõ, im jen ainiken aõ lamij?

2 O ao Anij, ij kir ilo ran, im Kwo jab konan uak, im ilo bon, im jab

kejeklokjen.

3 A Kwe kwo kwojarjar, O Kwe kwoj jokwe ilo wijtak ko an Israel. 4 Ro jemem r'ar liki Yuk, r'ar liki Yuk im Kw'ar lomorir.

5 R'ar lamij ñon Kwe, im ar lomorir. R'ar liki Yuk im r'ar jab

jok.

6 A ña juön likakrök im jab eman; armij rön rej kitötökake iö, im ro dri ailiñ rej drike iö.

7 Ro otemjej rej lo ið rej kajirere kake ið; rej kamerrelok tieir, rej

jibolul bõrair im ba;

8 Kwon lelok yuk ñon Jeova: En lomoren, En lomoren, bwe e ar loñ-liñ kin e.

9 A Kwe eo E ar bök ið jen lojien: Kw'ar kömön bwe in liki ke I ar ber ion etin jinð.

10 Emwij jolok io na iom jen lojien; Kwe ao Anij jen lojien jino.

11 Kwon jab etolok jen ña, bwe ebak jorran; bwe ejelok dri jibôñ iô.

12 Előñ kau koman r'ar ber itu-

9

riō; kau koman re kajur jen Besan | naj moña im kabuñ. Ro otemjej r'ar kabol ið.

13 R'ar kabellok loñir nae io, einwõt juõn laion ej kekel im nijnij.

14 Rej katorlok ið einwôt dren; dri ko drið rej ir; buruð einwôt bwil ej unlok ilo enbwinio.

15 Að kajur ej aimerlok einwőt mõtõn jäbi dreka; loõ ej edrep ñon ñatte, im Kw'ar bôk ið ñôn bôñôlñől in mij.

16 Bwe kiru rorror r'ar ber iturio; jar an dri nana r'ar kabol io; rej wakare neio im peio.

17 I maroñ in bwini drio otemjej;

rej lo ið im kalimjekið.

18 Rej ajej nuknuk ko ao ñon dron, im r'ar komon kakole ko kin aõ kobe.

19 Kwon jab etolok jen ña, O Jeova; ao Dri jibon, kwon kijorur im jibõñ ið.

20 Kwon lomor ao jen jaji, mij-

loku jen pein kiru rorror.

21 Kwon lomor ið jen loñin laiðn; aet, jen drun kau ko rawia, Kw'ar

22 I naj kwalok etőm ñőn ro jeiő im jatič; ilo bwiljin jar an armij I

naj nebar Yuk.

23 Komeo kom mijok Jeova, komin nebar E: aolepen inen Jekõb komin kaibujuij E: aolepen inen Israel komin mijõk E.

24 Bwe E ar jab kejekron ak drike iñtan an ro rej iñtan, im E ar jab noje mejen jen e, a ke e ar kir ñon

E, e ar roñjake.

25 Jen Kwe ao men in nebar iloan jar eo elap: I naj kõlla aõ nan in kalimur iman mejen ro rej mijok E.

26 Ro etā burueir re naj mõña im mat, re naj nebar Jeova, ro rej kabukot E. Buruemi en mour ñôn in drio.

27 Jabon lõl otemjej re naj kememej im oktok ñon Jeova, im ro nukin ailiñ ko otemjej re naj kabuñ iman mejom.

28 Bwe ailiñ eo an Jeova; im E iroij ion ro dri ailiñ ko.

rej wonlollok non bonolnol re naj barikrik iman mejen, aet, eo e ban kejbãrok an ilo mour.

30 Juon inen e naj korijer ñon E. Re naj kennan kin Jeova ñon ebe-

ben eo e naj lore.

31 Re naj ilok im kwalok wanik eo An ñon juon bwijin armij e naj lotak, bwe emwij an komon e.

SAM 23.

Sam an Devid.

EOVA ao Sepherd, I jamin aik-J wij.

2 Ej kababu ið ilo melaj in ujoij e maroro. Ej tel ið iturin dren ko

3 Ej karok aő. Ej tel iő ilo ial ko

rejime kin etan.

4 Aet, meñe ij etal ilo komlôl in anonin mij, I jamin mijok jabrewõt nana, bwe Kwoj ber iba; Am alal im jokwonom, rej kainemon

5 Kwoj kapoj juon tebel imao iman mejen ro rej kijirāt ið. Kw'ar kabit bora kin oil; ao kop ej eloñmejirjir.

6 Emõn wõt im joij re naj lor iõ ran ko otemjej ij mour, im I naj jokwe ilo imõn Jeova ñõn in drio.

SAM 24.

Sam an Devid.

N Jeova lõl im kobõn, ene im ro A rej jokwe iloan.

2 Bwe E ar kajure ilőnin lometo, im kabine ion ibij ko.

3 Won e naj wonlinlok ilo tol in Jeova? Won e naj jutok ilo jikin kwojarjar eo An?

4 Eo erreo pein, im buruen ekwojarjar: eo e ar jab koutiej an ñon riop, ak kanojnij im e jab mol.

5 E nai bok men in monono jen Jeova, im wanik jen Anij an lomor

6 Eñin ebeben eo ej kabukot E, ro rej bukot mejom, O Anij an Jekob.

7 Komin leliñlok bőrőmi, O komeo 29 Ro otemjej re matok jon lõl re aur ko; im komin linlok komeo aur ko jen in drio, im Kiñ in aibujuij e naj dreloñ iloam.

8 Wõn eo Kiñ in aibujuij? Jeova ekajur im e monmon. Jeova ekajur in tõrinae.

9 Komin leliñlok börömi, O komeo aur ko, aet, komin leliñlok ir, komeo aur ko jen in drio; im Kiñ in aibujuij E naj dreloñ iloam.

10 Won eo Kiñ in aibujuij? Jeova an jar in torinae, E Kiñ in aibu-

juij. Sela.

SAM 25.

Sam an Devid.

NON Kwe O Jeova, ij leliñwoj

2 O ao Anij, I ar liki Yuk, Kwon jab likit io bwe in jok; ro rej kijirat io Kwon jab likit bwe ren kimjaje kin ña.

3 Yokwe, ejelok juön ian ro rej kötar Yuk e naj jok. Re naj jok ro rej kömön men in mon im ejelok

unin.

4 Kwon kwalok ñon io ial ko Am, O Jeova, kwon katakin io kin ial ko Am

5 Kwon tel ið ilo Am mol, im katakin ið; bwe Kwe Anij ej lomor ið. Ij kötar Yuk iomin aolepen ran.

6 O Jeova kwon kememej Am men in tiriamokake, im Am joij im mol ko, bwe men kein jen in drio.

7 Kwon jab kememej bwir ko aō ke I ar ajiri, ak jerawiwi ko aō. Ilo Am joij im mol Kwon kememej iō, kin Am emōn, O Jeova.

8 Jeova ej emõn im wänik, inem E naj katakin ro dri jerawiwi ilo

ial eo.

9 Ro etă burueir E naj tel ir ilo wănik, im dri etă burueir E naj katakin ir ilo ial eo An.

10 Ial ko otemjej an Jeova re joij im mol, ñon ro rej kejbarok bujen eo im kien ko An.

11 Kin etőm, O Jeova, kwon jolok

aõ bwir bwe elap.

12 Won armij eo ej mijok Jeova? E naj katakin e ilo ial eo E naj kalete. 13 An e naj ber ilo emon, im inen e naj bok ene an jolit.

14 Bebe etino an Jeova iben ro rej mijők E, im E naj kwalok ñőn ir bujen eo An.

15 Meja ñon Jeova ien otemjej, bwe E naj kotlok neio jen aujir eo.

16 Kwoj oktök ñön jö im tiriamokake jö, bwe ña jj mõke jaö, im jorran.

17 Jorran ko an buruð relaplok: O Kwon böktok ið jen iñtan ko að.

18 Kwon kalomõnlokjen kin aõ jorran im aõ iñtan, im jolok jerawiwi ko aõ otemjej.

19 Kwon lo ro rej jumae iõ, bwe relõñ, im rej kijirāt iõ kin kijirāt

elej.

20 O Kwon kejbãrok að im lomorið; Kwon jab likit ið ñðn jok, bwe ij liki Yuk.

21 Wanik im jimwe ren kejbarok

iõ, bwe ij kõtar Yuk.

22 O Anij, kwon lomoren Israel jen jorran ko an otemjej.

SAM 26.

Sam an Devid.

K WON ekajet iõ, O Jeova, bwe I ar etal ilo aõ wänik: I ar bareinwöt liki Jeova, im jab makõtkit. 2 Kwon kalimjek iö, O Jeova, im

kamol ið; Kwon melejoñ lemnok ko að im buruð.

3 Bwe Am yokwe ejoij iman meja; im I ar etal ilo mol eo Am.

4 I ar jab jijöt iben armij dri riöp; im I jamin etal iben ro dri jela mon.

5 Ij drike jar an ro rej kõmõn nana, im I jamin jijõt iben ro dri jerawiwi.

6 I naj amini peio ilo erreo, ein drein I naj kabol lokatok eo Am, O Jeova.

7 Bwe in kwalok kin ainiken kamolol im kenannek jerbal ko Am otemjej re men in bwilŏñ.

8 O Jeova, ij yokwe mweo imôm, im jikin ijo Am aibujuij ej beriwôt.

9 Kwon jab bõklok aõ iben ro dri

jerawiwi, ak ao mour iben armij re bőtőktők.

10 Ilo peir kejorran, im anbijmaroñir re obrôk kin wonan nana.

11 A kin ña, I naj etal ilo aõ wānik; Kwon lomorio im tiriamokake ið.

12 Neiő ej jutők ilo jikin jabőn wõt juõn; ilo jar ko I naj nebar Jeova.

SAM 27.

Sam an Devid.

TEOVA ao maram im ao lomor, wõn eo in mijõk e? Jeova kajur an ao mour, won eo in lelñoñ kake?

2 Ke ro dri komon nana r'ar itok nae iõ bwe ren kañi koniekio, aet ro dri kijirāt io, im ro dri jumae io, r'ar tibñil im buñ.

3 Meñe juon jar elap e naj ber im jumae io, buruo e jamin lelñon; meñe torinae e naj walok nae io, im ein drein I naj beran kake.

4 Juon ao kar kajitok iben Jeova, men in I naj kabukot; bwe in jokwe ilo imõn Jeova ran ko otemjej ne ij mour: bwe in lo wôleo an Jeova, im bwe in kajitôk ilo tempel eo An.

5 Bwe ilo ran in jorran E naj kejbarok io ilo etino i mweo imon: ilo jikin ko rekab an imõn kaber eo Au E naj noj iõ, E naj leliñlok iõ ion juon dreka elap.

6 Im kið naj koutiej bora jen ro rej jumae im kabol ič; im I naj katok iloan imõn kaber eo An men in katok in lõñliñ: I naj al, aet, I naj al im nebar Jeova.

7 O Jeova, kwon roñ ñe ij lamij kin ainikiő; Kwon tiriamokake iő im uak iő.

8 Ke kw'ar ba, Kwon bukot meja, buruo e ar ba ñon Yuk, O Jeova I naj kabukot mejõm.

9 Kwon jab noj mejom jen ña; Kwon jab ubakelok korijerom kin illu. Kw'ar ao Dri jibon; Kwon jab jolok io, ak jab illok jen na, O Anij an ao lomor.

10 Bwe jema im jino r'ar illok jen ña, a Jeova e naj bôk iô.

11 Kwon katakin ið kin lal eo Am, O Jeova, im tel io ilo ial e alikar kin ro rej kijirāt ið.

12 Kwon jab ketők ið ñon ankil an ro rej kijirāt io, bwe ro dri kennan riop r'ar jutok nae io, im ro rej buñañon lei.

13 I naj kar karutôk menwa, elañe I ar jab tõmak in lo mol an Jeova ilo ene an ro dri mour.

14 Kwon kotar Jeova, kwon kajur, im buruom en beran wot, aet, kwon kotar Jeova.

SAM 28.

Sam an Devid.

NÕN Kwe O Jeova, I naj kir: aõ dreka, Kwon jab ronjammon ñon io, bwe elañe Kwoj ikon ñon ið, I naj einwöt ro rej wonlöllok ñon iloan roñ eo.

2 Kwon ronjake ainiken jar ko ao, ñe ij lamij ñon Yuk, fie ij kwotoke peiő nőn jikom ekwojarjar otem kwojarjar.

3 Kwon jab kekake iõ iben ro dri jerawiwi; ak iben ro rej komon nana, ro rej konono ainemõn iben ro dri turir, a nana ilo burueir.

4 Kwon lelok ñon ir ekar ñon air jerbal, im ekar ñon nana an komon ko air. Kwon lelok ñon ir einwot jerbal in peir; Kwon nawonair kin wonan ekar.

5 Bwe re jab kalomonlokjen kin jerbal ko an Jeova, ak men ko E ar komon kin pein; E naj kokkure ir im jab kalek ir.

6 Emonono wot Jeova, bwe E ar

ronjake ainiken jar ko ao.

7 Jeova ao kajur, im ao likepijñok, buruo e ar liki E, im emwij jiboñ io: kiu men in buruo elap an lõnlin, im kin ao al I naj nebar E.

8 Jeova air kajur, im E juon me ebin in lomor ñon ro An dri kabit. 9 Kwon lomoren ro dri ailiñ eo Am, im kejerammõn am jolit. Bareinwöt Kwon najirik ir im baur ir ñon in drio.

SAM 29. Sam an Devid.

K OMIN lelok ñon Jeova, O kom ro nejin dri kajur, komin lelok

ñon Jeova wuj im kajur.

2 Komin lelok ñon Jeova wijtak etan e tellokon kake; komin kabuñ ñon E ilo wolio in kwojarjar. 3 Ainiken Jeova ion dren ko; Anij in aibujuij ej jorur, Jeova ej ion dren ko relõñ.

4 Ainiken Jeova ekajur; ainiken

Jeova eobrôk kin wuj.

5 Ainiken Jeova e bwilok sidar ko, aet, Jeova e bwilok non moton ko wijki sidar ko an Lebanon.

6 Ej komon bwe ren kaki einwot kon in kau; Lebanon im Sirion einwõt juõn kau koman awia.

7 Ainiken Jeova ej kijbil urur in

kijeek.

8 Ainiken Jeova ej kamõkit ene jemaren; Jeova ej kamôkitkit ene

jemaren in Kedesh.

9 Ajniken Jeova ej komon bwe dir kokora ren keutak, ej jolok bwilikon wijki ko; im ilo tempel eo An men ko otemjej re ba, Komin wiitak.

10 Jeova e ar jijõt einwõt Kiñ ke ibij liplip eo; aet, Jeova ej jijõt im

Kiñ ñon in drio.

11 Jeova e naj letok kajur ñon ro dri ailiñ An; Jeova e naj kejerammon ro dron kin ainemon.

SAM 30.

Juon sam. Al in lelok im mweo. An Devid.

NAJ koutiej Yuk, O Jeova, bwe Kw'ar kejerkak iö, im Kw'ar jab likit ro dri kijirāt ið bwe ren lonlin ion.

2 O Jeova, kw'ar bőkliñtok aő jen Hedis; Kw'ar kejbarok að mour bwe in jab wonlollok non iloan roñ eo.

3 O Jeova ao Anij, I ar kir ñon Kwe im Kw'ar kãejmour io. O Jeova kw'ar bökliñtok aö jen Hedis: Kw'ar kejbarok ao mour bwe in jab wönlöllok ñon iloan roñ eo.

4 Komin al im nebar Jeova, O

komeo kom ro remon, im kamolol etan ekwojarjar.

5 Bwe An illu e jirik wõt ien; ilo An joij mour; bwelen joñ e naj berwõt ilo boñ, a lõñliñ e naj itok ñe ejibőñ.

6 Kin ña, ilo ao jerammon I ar ba,

I jamin makõtkit in drio.

7 Kwe O Jeova, kin Am joij Kw'ar likit ao tol, bwe en jutok im bin. Kw'ar noj mejom, inem I ar abnono.

8 I ar kir ñon Kwe, O Jeova, im

ñon Jeova I naj akwelap.

9 Ewi tokjen drao, O Jeova, ne ij wonlollok non ron eo? Bonolnol en nebar Yuk ke? En kwalok Am mol ke?

10 O Jeova, kwon ronjake im tiriamokake iő; Jeova kwon aõ Dri

jibőñ.

11 Ñon ña Kw'ar ukot ao joñ ñon eep; Kw'ar jelate ao nuknuk in buromõi, im Kw'ar kañõr iõ kin

12 Bwe ao aibujuij en al im nebar Yuk, im jab kejeklokjen, O Jeova, ao Anii, I nai kamolol Yuk ñon in drio.

SAM 31.

Non dri lale al. Sam an Devid.

JEOVA ij liki Yuk; kwon kõmon bwe in jamin jok. Kwon kõtlok iõ ilo Am wanik.

2 Kwon lelõltok lojiliñom ñon io: Kwon kõtlok iõ kiõkiõ: Kwon einwõt dreka ekajur ñõn iõ; juõn imon kouk in lomor io.

3 Bwe Kwe ao dreka, im ao me; inem kin etőm Kwon tel iő im ba-

kajen aõ ial.

4 Kwon kötlok ið jen aluk eo r'ar kapojčk ñčn ič ilo etino, bwe Kwe aõ me ekajur.

5 Non peiom ij lewoj ao jitob; Kw'ar wiaik io, O Jeova, kwo Anij in mol.

6 Ij drike ro rej lemnok kin men in jekron ko an riõp, a ña ij liki

Jeova. 7 I naj löñliñ im mönönö ilo Am

13

ran: Kw'ar jela iñtan ko aô.

8 Im Kw'ar jab ketők iő ilo pein eo ej kijirāt iŏ, Kw'ar likit neiō ijo erabőkbők.

9 Kwon tiriamokake iõ, O Jeova, ij jorran. Meja etop kin buromoj. aet ao im enbwinio.

10 Bwe ao mour ejokolok kin buromõj, im yiõ ko aõ kin jabjenmenőan: aő kajur ejokolok kin aő nana, im dri ko drio re morlok.

11 Kin ro otemjej rej kijirate io, I ar men in kinak, aet, ñon ro dri turu e kanuij laplok im men in lelñoñ ñon ro re jela io. Ro r'ar lo io inabij r'ar ko jen jõ.

12 R'ar meloklok iő einwőt juőn dri mij, re jab lemnok kake. Ña

einwõt jäbi erup.

13 Bwe I ar ron ke elon r'ar riop nae io; lelñoñtata e ar kabol io, ke r'ar bebe iben dron nae io, r'ar kalomonlokjen bwe ren boklok ao

14 A I ar liki Yuk, O Jeova, I ar

ba, Kwe ao Anij.

15 Ien ko ač ilo peičm. Kwon kõtlok iõ jen pein ro rej kijirat iõ, im jen ro rej matortor io.

16 Turin meiőm en romak ion korijerom; Kwon lomor io ilo Am

17 Kwon likit iõ bwe in jab jok, O Jeova, bwe I ar kir ñon Yuk. dri nana ren jok, ren kejeklokjen ilo Hedis.

18 Tieir rej riop, ren ban konono, ro rej jualõñlõñ im konono nae ro remon, kin jua im kakitoto.

19 O eñanin lap Am emôn eo Kw'ar kejbarok non ro rej mijok Yuk, eo Kw'ar komonmon non ro rej liki Yuk, iman ro nejin armij!

20 Ilo likepijñŏk an mejŏm Kwo naj noj ir jen bebe ko an armij. Kwo naj kejbarok ir ilo etino ilo juon imon kaber jen iri an lo ko.

21 E monouo Jeova, bwe E ar kwalok ñon io An joij e men in bwilon, i jikin kwelok ekajur.

22 Kin ña, I ar ba ilo ao kijorur, buruemi.

tiriamokake; bwe Kw'ar lo ao jor- Emwij bukwelok io jen iman meiom: mekarta Kw'ar roniake ainiken að akwelap ke I ar kir non

> 23 O komin yokwe Jeova, komeo dri'mon otemjej An; Jeova ej kejbarok ro re tiljek, im elap An nawonan eo ej jerbale jua.

24 Komin bin im buruemi ren beran, kom otemjej komij kejatrik-

rik kom ilo Jeova.

SAM 32.

Sam an Devid. Maskil.

 $\mathrm{E}^{ ext{M\~O} ext{N\~O} ext{N\~O}}$ eo emwij jolok bwir eo an, im kalibubu an k $ext{o}$ m $ext{o}$ n nana.

2 Emõnõnõ armij eo Jeova e jab watok jerawiwi ñon e, im ilo bu-

ruen ejelok mon.

3 Ke I ar ikõñ, dri ko drið remorlok kin að ñijñij iomin aolepen ran. 4 Bwe ran im boñ peiom e ar erro ioo, enbwinio emoralok einwot kin dret ilo ien mauan. Sela.

5 I ar kwalok ñon Yuk ao bwir, im ao jerawiwi I ar jab noje; I ar ba, I naj kwalok ao jebwabwe non Jeova, im Kw'ar jolok nana an ao bwir. Sela.

6 Kin men in ro drom otemiei ren jar non Kwe ilo ien eo ne re maron in lo Yuk. Emol, ñe dren ko relap relõñlok re jamin tõbar e.

7 Kwe ao likepijnok; Kwo naj kejbarok io jen jorran: Kwo naj kabol io kin al ko al in lomor. Sela.

8 I naj kajelaik yuk im katakin yuk ilo ial eo kwo naj etal ie: I naj bebeik yuk ke meja ej lo yuk.

9 Kwon jab einwõt ors, ak einwõt mul, ejelok meletlet ibeir; im men ko men in kalitlit ir ken drebij, im to ko ken drebij ir, elañe ein juon re jamin kebakwoj yuk.

10 Előñ iñtan re naj iben ro renana, a eo ej liki Jeova, tiriamo e

naj kabol e.

11 Komin monono ilo Jeova, im lõnlin, komeo dri'mõn im lamij kin lõñliñ, kom otemjej im ejime

SAM 33.

JOMIN lõñliñ ilo Jeova, kom dru wanik: lõnlin ekar non ro remon.

2 Komin kamolol Jeova kin arp, komin al im nebar E kin salteri

joñoul toan.

3 Komin al ñon E kin juon al ekal, komin kabel im kajõñjõñ kin ainiken elap.

4 Bwe nan an Jeova ejime wõt, im aolepen jerbal eo An emwij ko-

mõne ilo tiliek.

5 Ej yokwe wanik im ekajet; lol

eobrok kin joij an Jeova.

- 6 Kin nan in Jeova, ar komonmon lõn ko, im ir otemjej relõn kin atloon lonin.
- 7 Ej kokweloktok dren ko otemjej in lometo einwõt juõn be; Ej likit dren ko imlõl ilo mo ko einwőt imőn mweiuk.
- 8 Aolepen lõl in en mijõk Jeova. Ro dri löl otemjej ren lelñoñ kin E. 9 Bwe E ar ba, inem emwij kômone: E ar jiron inem e ar jutok im bin.

10 Jeova ej kokkure bebe ko an ro dri ailiñ ko, Ej komon bwe lemnok ko an armij en ejelok tokjeir.

11 Bebe an Jeova ebin ñon in drio. Lemuok ko an buruen ñon ebeben

otemjej.

12 Emonono ailiñ eo elañe an Anij Jeova: armij ro E ar kalet ir bwe ren jolit eo An.

13 Jeova ej reilöltok jen lõñ, ej lo

ro nejin armij otemjej.

14 Jen jikin eo ej ber ie, Ej reilőltok ñon armij otemjej rej ber i lol.

15 Eo ej komonmon burueir otemjej. Ej lale jerbal ko air otemjelok.

16 Ejelok lomoren kiñ kin jar an elõñ armij; jab lomoren juõn armij ekajur kin kajur an elap.

17 Juon ors men in jekron kin lomor, im e jamin lomoren jabrewőt

armij kin kajur eo an elap.

18 Lo mejen Jeova ion ro rej mijěk E, im ro rej kôtar An tiriamokake ir.

19 Bwe En lomoren air jen mij, im kejbarok ir ilo mour iomin ien ñitta.

20 Am e ar kötar Jeova: E am Dri jibõñ im am likepijñõk.

21 Bwe buruem re naj lõñliñ ilo E, bwe kim ar liki etan ekwojarjar.

22 Am tiriamokake, O Jeova, en ber iom, einwöt kim ar kötar Yuk.

SAM 34.

Sam an Devid ke e ar ukõt an meletlet iman Abimelek, eo e ar ubakelok e, inem e ar ilok.

NAJ wijtak Jeoya ien otemjej; An nebar e naj ber i loñio ien otemjelok.

2 Aõ e naj kimjāje ilo Jeova; ro eta burueir re naj ronjake im re naj

lõñliñ.

3 O komin koutiej Jeova, im jen jimor leliñlok etan.

4 I ar kabukot Jeova, im E ar uak iõ, im E ar lomor ið jen að mijök otemjej.

5 R'ar reiliñ ñon E, im emwij kamramlok ir, im turin mejeir re

jamin jok.

6 Dri jeramel in e ar kir, im Jeova e ar roñjake, im lomoren jen jorran ko an otemjej.

7 Enjel an Jeova ej ber iturin ro re mijõk E, im lomorir.

8 O kwon erjoñ im lo bwe Jeova e

joij; emõnõnõ eo ej liki E.

9 O komin mijok Jeova, komeo dri'mõn ro An; bwe ejelok aikwij iben ro remičk E.

10 Kon in laion rej aikwij im kwūli, a ro rej bukot Jeova re jamin aikwij jabrewõt men emõn.

11 Kom ro nejiõ, komin item roñjake io; I naj katakin kom mijok Jeova.

12 Won armij eo ej yokwe mour, im e kõnan elõñ ran bwe en lo emon?

13 Kwon drebij loom jen nana,

im tiom jen konono etao.

14 Kwon illok jen nana im kömön emõn, kwon kabukot ainemõn im lukwõrkwõre.

15 Mejen Jeova ñon ro remon, im lojiliñin rebellok ñon air kir.

16 Turin mejen Jeova e nae ro rej kõmõn nana, bwe en kokkure ememej ir jen lõl.

17 Ro dri'mõn r'ar kir im Jeova e ar roñjake, im lomorir jen jorran

ko air otemjej.

18 Jeova ej ebak ñon ro eruj burueir, im Ej lomoren ro reta wot ilo air.

19 Előñ iñtan an ro remőn, a Jeova ej lomorir jen ir otemjej.

20 Ej kejbãrok drin otemjej, ejelok jair im e moruj.

21 Nana e naj kokkure ro dri jerawiwi, im ro rej kijirat ro remon naj liakelok ir.

22 Jeova ej lomoren an ro dri korijeran, im ejelok ian ro rej liki E naj liakelok ir.

SAM 35.

Sam an Devid

O JEOVA kwon jumae ro rej jumae iö; Kwon torinaek ro rej torinaek iö.

2 Kwon bők likepijñők im ken tőrak, im jutők im jibőñ iő.

3 Kwon nuri möri, im ber ilo ial nae ro rej lukwörkwör iö; Kwon ba ñön aö, Ña am Dri lomor.

4 Ren jok im kananaik ir rej kabukot aö; ren jeblaklok im kairer ir ro rej bebe nana nae iö.

5 Ren einwöt kilin wit iman köto, im enjel an Jeova en jebök ir wöt.

6 Air ial en ilo marok im jirlok, im enjel an Jeova en lukwõrkwõr ir.

7 Bwe ke ejelok unin r'ar noj air jen nae iŏ ilo juŏn roñ; ke ejelok unin r'ar köbij roñ nae aŏ.

8 Kokkure en walok nae e ñe e jaje kake; jen eo e ar noje en jibwe e môke, kin kokkure en buñ na iloan.

9 Im ao e naj monono ilo Jeova, e naj lonlin ilo An lomor.

10 Driō otemjej re naj ba, Jeova, wōn ej einwōt Kwe, kwoj lomoren dri jeramel im dri alkwij jen eo ej rakini? 11 Ro dri kennan im re jab jime rej jutők; rej kajitők iba kin men ko I jaje kake.

12 Rej nawonao nana kin emon

ñon air kaliajlol ao.

13 A ña, ke r'ar nañinmij, nuknuk ko aŏ renana, I ar kejorran aŏ kin jitlok, im aŏ jar e ar jeblaktok ñŏn ubŏ.

14 I ar komon einwot elañe e ar jera ak jatio, I ar kumliklik im joñ

einwõt eo ej jõñot jinen.

15 A ke I ar ajkupkup r'ar mõnõuõ, im kweloklok; ro dri nana r'ar kweloktok nae iõ im I ar jaje kake; e ar jab jokwõr air kekel iõ.

16 Einwõt ro dri kajirere ilo kwojkwoj ko, r'ar kijdrekein ñi nae iõ.

17 Iroij, ietočn Am reitok? Kwon lomoren ač jen kokkure ko air, eo e jitenburu iba jen laičn ko.

18 I naj kamolol Yuk ilo jar eo elap, i bwiljin elõñ armij I naj ne-

bar Yuk.

19 Ro rej jumaé ið ilo riðp ren jab lðñliñ ioð; ro rej kijirát ið im ejelok unin, ren jab rumrum kin mei,

20 Bwe re jab konono ainemõn; a rej kine nan ko nan in etaő nae ro

rej ber i ene im tot wot.

21 Aet, r'ar kanuij walöñi lönir nae iő: r'ar ba, Aha, Aha, mejem r'ar loe.

22 Kw'ar loe, O Jeova; kwon jab ikŏñ. O Jeova kwon jab etolok jen ña.

23 Kwon ruj, Kwon ruj ñon ao ekajet; aet ñon men ko ao, ao Anij im ao Iroij.

24 Kwon ekajet ið, O Jeova, að Anij, ilo Am wānik, im jab likit bwe ren löñliñ ioð.

25 Ren jab ba ilo burueir, Aha, ein drein am könan; ren jab ba, Kim ar wöröñölok e.

26 Ren jok im kairer ir iben dron, ro rej löñliñ kin aö jorran. Ren könök jok im kananaik ir, ro rej koutiej ir möke nae iö.

27 Ren lamij kin lößliñ, im ren mönönö wöt, ro rej yokwe men ko aŏ remön, aet, ren ba ien otemjej,

Ren koutiej Jeova eo E monono kin jerammön an korijeran.

28 Inem loo e naj konono kin Am wanik, im kin Am nebar iomin aolepen ran.

SAM 36.

Non eo ej lale al. Sam an Devid korijeran Jeova.

WIR an dri nana e ba ilo buruo, D Ejelok mijõk Jeova iman meien.

2 Bwe ej etaők e mőke iman mejen, bwe ren jab lo nana eo an im kijirate.

3 Nan ko an loñin renana im mon: e jokwor an meletlet im komon emon.

- 4 Ej kine nana ilo kinien; ej likit e mõke ilo ial e jab emõn; e jab drike nana.
- 5 Am joij im yokwe, O Jeova ej ber i lõñ ko: Am tiljek ej tõbar
- 6 Am emõn ej einwõt tol ko an Anij; ekajet ko Am einwõt lometo elap. O Jeova kwoj kejbarok armij im kiru.

7 E nañin aurők Am joij im yokwe, O Anij! im ro nejin armij ron re naj ko ñon lurin peiom.

8 Re naj kanuij jokone kin mweien mweo imom relonlok; im Kwo naj kairak ir kin river eo river in mõnono ko Am.

9 Bwe ibom unin dren in mour; ilo maram eo Am kim naj lo ma-

10 O kwalok wõt Am joij elap ñõn ro re jela Kwe, im Am wanik non ro ejime burueir.

11 Neen jua en jab iten jumae io, im pein dri nana en jab ubaklok iõ.

12 Ijo ro re komon nana r'ar buñ, emwij jolõllok ir, im re jamin maroñ in jerkak.

SAM 37.

Sam an Devid.

TWON jab aliñðrñðr kin ro rej komon nana, im kwon jab juumare nae ro rej jerbal ilo jab wanik.

2 E naj mõkõj in bukwe ir einwõt ujoij; im re naj aimerlok einwõt mar e maroro.

3 Kwon liki Jeova im komon emon; kwon jokwe ilo ene im lore

tiljek.

4 Kwon bareinwőt lőñliñ ilo Jeova, im E naj lewoj men in kajitôk ko an buruõm.

5 Kwon karebillok am ial ion Jeova, kwon bareinwõt liki E, im

E naj komone.

6 Im E naj kwaloktok am wanik einwöt maram, im am ekajet ein-

wõt ke loliñ al. 7 Kwon kakijeik yuk ilo Jeova, im kõtare im jab kijorur. Kwon jab aliñorñor kin eo e jerammon an ial, kin eo ej kõmõnmõn bebe ko

renana.

8 En jokwôr am illu, im kwon illok jen e; im kwon jab aliñorñor in komon nana wot.

9 Bwe ro rej komon nana re naj joko; a ro re kotar Jeova re naj

jolit ene eo.

10 Bwe jirik wot ien, im eo enana e naj joko; aet, kwo naj kalimjeke jikin im e naj ejelok.

11 A ro etă burueir re naj jolit ene eo, im re naj kalõñliñ ir mõke kin

ainemõn elõñlok.

12 Eo dri nana ej bebe nae dru wanik, im ej kijdrekein nae e.

13 Jeova e naj tõñ kake, bwe Ej lo an itok wot ran eo an.

14 Ro dri nana r'ar nuri jaji eo, im r'ar kiele libon eo air, bwe ren jolôllok ro dri jeramel im ro re aikwij. bwe ren mon ro dri jime ilo air ial. 15 Jāji eo air e naj wākāri burueir

wõt, im e naj bwilõk libon eo air.

16 Emõnlok mõtõn jirik wõt iben ro remon jen mweiuk elap an eloñ dri nana.

17 Bwe naj ruje pein ro dri nana, ak Jeova ej kejbãrok ro remôn.

18 Jeova e jela ran ko an ro rewanpen, im air jolit e naj ñon in drio.

19 Re jamin jok ilo ien eo enana, im ilo ran ko ran in ñitta re naj mat. 20 A ro renana re naj joko, im ro

rej kijirāte Jeova re naj einwõt ma- | 40 Im Jeova ej jibõñ ir, im lomor tõk in lam ko. Re naj monlok, im ilo batat re naj etor wõt.

21 Ro renana rej karoñ im jab bar lelok, a eo ewanik e joij in komon im ej lelok.

22 Bwe ro rej mônônô ilo E re naj jolit ene eo, im ro rejerata kin E naj bukwelok ir.

23 Jeova ej kabin etal ko an juon eman, im E monono kake an ial.

24 Meñe e buñ, jamin jolöllok e wot, bwe Jeova ej drebij e kin pein.

25 I kar ajiri im kiō I lõlap, a I jañin lo dri'mon ke r'ar illok jen e, ak inen ke r'ar oor kijeir.

26 Iomin aolepen ran ej komon joij im lelok; im inen emonono wot.

27 Kwon illok jen nana im kõmon emon, im ber non in drio.

28 Bwe Jeova ej yokwe ekajet, im E jab illok jen ro remon An: naj kejbarok ir non in drio, a naj bukwelok inen ro renana.

29 Ro remon re naj jolit ene eo, im jokwe iloan ñon in drio.

30 Loñin dri'mon ej konono kin meletlet, im loin ej konono kin ekajet.

31 Kien Anij ej ilo buruen; ejelok buñten neen e naj jir.

32 Dri nana ej kejare dri'mon, im ei bukot bwe en mon e.

33 Jeova e jamin likit e ilo pein, im E jamin liakelok ñe ekajet e.

34 Kwon kõtar Jeova im kejbãrok ial eo An, im E naj koutiej yuk in jolit ene eo. Ne bukwelok ro dri nana kwo naj loe.

35 I ar lo dri nana ilo kajur elap. im e ar edrete einwőt juön wijki e maroro im jañin kötepe.

36 A ejoko, im lo e jab ber; yokwe I ar kabukot e, im I ban lo e.

37 Kwon kakõle armij ewappen, im kalimjek eo ejime, bwe mour in drio ñon armij in ainemon.

38 A kin ro dri bwir, naj kokkure ir jimor; ilo jemlokõn ro dri nana naj bukwelok ir.

39 A lomor an ro remon jen Jeova, E air me ekajur ilo ien jorran.

ir. Ej kötlok ir jen ro renana im lomor ir, bwe r'ar ko im ber ilo E.

SAM 38.

Sam an Devid in kakememej.

JEOVA kwon jab kowe io ilo Am illu, im Kwon jab kajeik ið ñe ebwil Am illu.

2 Bwe môri ko Am r'ar wãkāri iô, im peiőm e kanuij kabij iő.

3 Ejelok köniekiö ebin kin Am illu: ak ejelok mour ilo dri ko drio kin aõ bwir.

4 Bwe bwir ko ao r'ar kijone bora. Einwöt inek erro rerrolok jen ña.

5 Kinij ko ao re buol im re kot kin að anapap.

6 Ij metők im I kanuij kumliklik, ij etetal im jõn iomin aolepen

7 Bwe ibiö re obrök kin bwil, im ejelok keie ilo kõniekiö.

8 Ij barôk im kanuij eobôp: I ar rorror kin abnono in buruo.

9 Iroij, aolepen ao konan iman mejom; im ao fiirfiir I ar jab noi ien Kwe.

10 Buruő e kűmkűm wőt, aő kajur ejokolok, kin maram in meja, e bareinwõt joko jen ña.

11 Ro r'ar yokwe im jeraik ið re jutok im jibil jen ao intan, im ro nuku re jutôk etolok.

12 Bareinwöt ro rej kabukot að mij rej komon jen ko nae io, im ro re kabukot ao jorran re konono men in kokkure ið, im kine etað ko iomin aolepen ran.

13 A ña einwőt armij e roñjammon, I ar jab ronjake, im ij einwot armij e ban konono, eo e jab walõñi loñin.

14 Aet ña einwôt juôn armij e jab roñ, im ilo loñin ejelok nan in kowe.

15 Bwe ilo Kwe O Jeova, ij kejatrikrik iö; kwo naj uak, O Iroij aõ

16 Bwe I ar ba, Ne ab ren lönlin kin ña; ke neiő ej jirlok, re koutiej ir mõke nae iõ.

17 Bwe I nañin ajkupkup, im að buromoj ej ien otemjej imao.

18 Bwe I naj kwalok ao bwir, I naj buromõj kin að jerawiwi.

19 A ro rej kijirāt ið re mour wot, im rekajur: im ro rej drike ið ilo jab wānik, relõñlok.

20 Bareinwõt ro rej nawõnan nana kin emon, re dri jumae io, bwe I

lore men eo emon.

21 Kwon jab illok jen ña; O Jeova; O ao Anij, kwon jab etolok jen ña. 22 Kwon kijorur im jibõñ iõ, O Jeova ao Dri lomor.

SAM 39.

Non eo ej lale al, non Jedutun. Sam an Devid.

AR ba, I naj lale ial ko ao, bwe in jab bwir kin loo; I naj kejbarok loñio kin ken drebij ke dri nana e iman meja.

2 I ar einwõt I ban konono, I ar jab ba men eo emõn, im aõ buromõj

elaplok.

3 Buruo ebwil ilo ña; ke I ar kalomonlokjen urur e jo, inem I ar konono kin loo.

4 Jeova kwon kajelaik iõ kin jemlokon ao mour, im kin joñoñ ran ko ao ta eo. Kwon kajelaik io ekij-

kan I mõjino.

5 Lo, Kw'ar komon ran ko ao einwőt drilpen pã ko. Im að mour einwöt ejelok imam. Emol armij otemjej ne remontata, rewan wot. Sela.

6 Emol jabrewõt armij ej etal einwot ilo men in ewan. Emol re makõtkit im ejelok tokjen; ej koorlok mweiuk ko im e jaje won eo e naj

7 Im kio, Iroij, ta eo ij kotare? Aõ kejatrikrik ilo Kwe.

8 Kwon lomor ið jen bwir ko að otemjej: Kwon jab komon io bwe in men in kajok an dri bwebwe.

9 I ar einwöt I ban konono, I ar jab walôñi loñio, bwe Kwe Kw'ar kõmõne.

10 Kwon kadruaklok Am kaiñtan io jen na; ij etor kin an peiom drenlok ið.

11 Ke Kwoj kajeik juon armij kin enoik ko bwe e dri jerawiwi, Kwoj komon bwe an woleo en joko einwot kin drile: emol armij otemjej einwöt men in wan.

12 Kwon ronjake ao jar O Jeova, im eoroñ að kir; Kwon jab ikôñ ñe ij jõñ, bwe ña drua maijet ibõm, dri itoitõk einwõt ro jima otemjej.

13 O Kwon reilok jen ña bwe in mononolok mokta jen ao ilok jen

ijin im joko wõt.

SAM 40.

Non eo dri lale al. Sam an Devid.

AR kõtar Jeova im jab kijorur, im E ar mõllok ñõn iõ, im roñ-

jake aõ jar.

2 E ar kwotoke io jen juon ron e kanuij nana, jen birkõt in kle ebiruru, im E ar likit neið ilo juðn dreka, im kabin etal ko aõ.

3 Im E ar likit juon al ekal ilo loñio, yokwe, nebar ñon ao Anij. Előñ re naj loe im mijők, im naj

liki Jeova.

4 Emonono armij eo ej liki Jeova wõt, im e jab lale ro dri jua, ak ro

rej jebwabwe ñon riop ko.

5 O Jeova ao Anij, eloñ men in bwilon, jerbal ko Kw'ar komone, kab lemnok ko Am ñon kim: re ban kilajrők ir ñőn Kwe; elañe I naj konan kwalok im konono kaki, relõñ jen maroñ in bwini.

6 Jurtak im men in katok, Kwo jab lõñliñ kaki: lojiliñiõ Kw'ar kebellok. Men in katok ko rej tili, im men in katok kin jerawiwi, Kw'ar jab kajitok.

7 Inem I ar ba, Lo ij itok; ilo Buk

eo elimlim emwij jeje kin ña.

8 I lõnlin in kõmõnmõn ankil Am, O aõ Anij, aet kiõm ej ber iloan buruő.

9 I ar kwalok wanik ilo jar eo elap: lo I jamin bor tio: O Jeova

kwo jela.

10 I ar jab noj Am wanik ilo buruo; I ar kwalok Am tiljek im Am lomor; I ar jab noj Am joij im Am mol jen jar eo elap.

11 Kwon jab drebij Am tiriamo- edrep ñon e, im kio ej babu inem kake ko jen ña, O Jeova. Am joij im Am mol ren kejbarok ið ien

otemjej.

12 Bwe men ko renana relõñ jen maroñ in bwinir, r'ar kabol io. Bwir ko að r'ar lukwörkwör ið im bok io, inem I ban reilinlok. Relõñ jen kwől ko kolan bõra, im buruő e ar kijelok.

13 Kwon joij O Jeova, im lomorio; Kwon kijorur in jibõñ iõ O Jeova. 14 Ren jok im kairer ir, ro rej kabukot að bwe ren mon e. Ren jenliklik im kananaik ir, ro rej mõnõnõ in kokkure iõ.

15 Ren men in jeebeplok kin air jok, ro re ba ñon io, Aha! Aha!

16 Ro otemjej rej kabukot Yuk, ren lõnlin im mõnõnõ ilo Kwe; ro rej yokwe Am lomor, ren ba ien otemjej. En utiej Jeova!

17 A ña I jeramel im aikwij, a Jeova ej lemnok kin iő. Kwe að Dri jibőñ im að Dri lomor: Kwon

jab rumij, O ao Anij.

SAM 41.

Ñon eo ej lale al. Sam an Devid.

E^{MÕNÔNÔ} eo ej lale ro dri jera-mel; Jeova e naj lomoren ilo

ran in jorran.

2 Jeova e naj kejbarok e im kaitoklok an mour, im e naj jerammon ilo lõl, im E jamin ketők e ñőn ankil an ro rej kijirāte.

3 Jeova e naj lale e ilo kinien ñe e mojino: Kwoj komon aolepen bed

eo an ilo an nañinmij.

4 I ar ba, O Jeova kwon tiriamokake ið; Kwon kãejmour ið, bwe I ar jerawiwi nae Yuk.

5 Ro rej kijirāt ið, rej konono nana nae iõ, im ba, Nat e naj mij

im etan en joko wot?

6 Im elañe ej iten lolok iő, ej konono riop; buruen ej aini nana ñon e mõke. Ne ej inabijlok ej kwalok e.

7 Ro otemjej dri kijirāt io rej unojrikrik iben dron nae io; nae io rej kine men ko men in kokkure io.

8 Juon naninmij enana, re ba, ej

e jamin bar jerkak.

9 Aet, jera eo e jitenburu iba, eo I ar liki, im e ar mõña jimõtõn kijiõ, e ar bibilok jimwin neen nae iõ.

10 A Kwe O Jeova, kwon tiriamokake iõ, im kejerkak iõ, bwe in nawonair.

11 Kin men in I jela Kwoj lõñliñ ilo ña, bwe eo ej kijirāt io e jab jua-

12 Ak kin ña, Kwoj baur io ilo ao wanik, im likit ið iman mejðm non

in drio.

13 Emõnõnõ wõt Jeova, Anij in Israel jen in drio im ñon in drio. Amen im Amen.

SAM 42.

Non eo ej lale al. Maskil an ro nejin Kora.

NNWÕT kiru hart e kanuij kõ-Pinan river ko in dren, ein drein ao e kanuij konake Yuk, O Anij.

2 Aõ emaro kin Anij, kin Anij eo dri mour; ñat I naj iwij im walok

iman mejen Anij.

3 Aõ dren in kemjalal e ar kijiõ ran im boñ, ke re ba fion io ien

otemjej, Ewi am Anij?

4 Men kein ij kememej im lutoklok ač iloč, ekijkan ač kar ilok iben jar eo im tellok ir ñon imon Anij. 5 Etke jolollok yuk O ao? Etke kwoj abnono ilo na? Kwon kejatrikrik yuk ilo Anij, bwe I naj nebar E juon ien kin lomor an mejen. 6 O ao Anij, emwij jolollok ao ilo ña: kin men in I kememej Yuk jen ene'n Jordan, im jen Hermon ko im tol Maizar.

7 Imlõl ej kir ñõn imlõl kin ainiken aire ko Am; no ko otemjej Am. im ibij ko Am r'ar uweliñlok ilôñiô. 8 A Jeova e naj jiron joij eo An ilo ran, im ilo boñ al eo An e naj iba: aet juon jar non Anij in ao

mour.

9 I naj ba ñon Anij ao dreka, Etke Kw'ar meloklok ið? Etke ij etal im jõñ kin an dri kijirāt kamakokoik iõ?

10 Einwöt juon jäji ilo drio, ro dri

ien otemjej ñon io, Ewi am Anij?

11 Etke jolõllok yuk, O aõ, im etke kwoj abnono ilo na? Kwon kejatrikrik yuk ilo Anij, bwe juon ien I naj nebar E; Eo ej mour an turin meja im ao Anij.

SAM 43.

WON ekajet io O Anij, im ak-WON ekajer 10 Samma waile ao akwail nae ro dri ailiñ eo re dri jerawiwi: O Kwon lomorio jen armij eo dri mon im e jab wanik.

2 Bwe Kwe Anij an ao kajur; etke Kw'ar jolok io? Etke ij etal im liajlol kin an dri kijirāt matortor io?

3 O Kwon jilkintok Am maram im mol, ren tel ið; ren kötöbar ið ñon am tol in kwojarjar, im imon kaber ko Am.

4 Inem I naj itok ñon imon lokatok in Anij, ñon ao lonlin e kanuij lap: im kin arp I naj nebar Yuk, O

Anij, ao Anij.

5 Etke jolöllok yuk O aô, im etke kwoj abnono ilo na? Kwon kejatrikrik yuk kin Anij, bwe juon ien I naj nebar E, eo mour in turin meja im ao Anij.

SAM 44.

Non eo ej lale al. Sam an ro nejin Kora. Maskil. IM ar ron kin lojilinim, O Anij; ro jimam r'ar kennanek kim, ta jerbal eo Kw'ar komoni ilo

ran ko air, ilo ran ko remotelok. 2 Kw'ar kadrioijlok ro dri ailiñ ko kin peiőm, im Kw'ar kallip ir ie; Kw'ar kokkure ro dri ailiñ ko, im

Kw'ar kejibliklok ir.

3 Bwe r'ar jab bok ene eo kin jaji eo air, im peir e ar jab lomorir: a anbijmaroñom im peiom, im maram in turin mejom, bwe Kw'ar kõñiajoik ir.

4 Kwe ao Kin, O Anij, kwon kaini

men in lomor ñon Jekob.

5 Kin Kwe kim naj jibellok ro rej jumae kim: kin etom kim naj juri ro rej jerkak nae kim.

6 Bwe I jamin liki ao libon, im iaji eo ao e jamin lomorio.

jumae iõ re kinaklok iõ, ke re ba | 7 A Kw'ar lomorem jen ro rej jumae kim: Kw'ar kajok ro rej kijirãt kim.

> 8 Ilo Auij kim ar jualõñlõñ iomin aolepen ran; im kim naj kamolol etom non in drio. Sela.

> 9 A kiō Kw'ar jolok kim, im kananaik kim, im Kw'ar jab ilok iben jar in torinae ko am.

> 10 Kwo kejeblaktok kim jen eo dri jumae; im ro rej kijirate kim rej rakimi kim ñon ir moke.

> 11 Kwo lelok kim einwőt šip ko kijen armij; im Kw'ar kejibliklok kim iben ro dri ailiñ ko.

> 12 Kwo wiakake ro drom kin ejelok, im Kw'ar jab mweielok kin wonair.

> 13 Kwoj komon bwe kimin men in kinak iben ro dri turum; men in kejekron im kitőtőkake ñőn ro rej kabol kim.

> 14 Kwoi komon bwe kimin nan in kinak iben ro dri ailiñ ko; juôn men in jibolul bõrair iben jar in armij rõn.

> 15 Iomin aofepen ran air kananaik ið ej imað; im jok e ar kalibubu

turin meja:

16 Kin ainiken eo ej kinaklok im kitőtőkake, kin eo ej dri kijirát im dri irenwone.

17 Aolepen men in e ar itok iom, a kim ar jab meloklok Yuk; im kim ar jab kõmõn men in riõp ilo buien eo Am.

18 Buruem e jab oktõklik, im buñten neem r'ar jab jirlok jen Am

ial;

19 Bwe Kwon kokkure kim ilo jikin kiru rawia, im kalibubu kim kin lurin mij.

20 Elañe kim ar meloklok etan am Anij, ak erlokwe peem ñõn

juon anij e drua maijet.

21 Anij e jamin kabukot men in ke? Bwe E jela men ko retino in buru.

22 Aet kin Kwe rej mon kim iomin aolepen ran, rej bwini kim einwõt šip ko drien mij.

23 Kwon ruj, etke Kwoj kiki, O

Jeova? Kwon jerkak, Kwon jab am dreo, bwe E am Iroij; im kwon jolok kim ñon in drio.

24 Etke Kwoj noj turin mejom, im meloklok am jorran im matortõr kim?

25 Bwe am ej kumliklik ñon boñolñol, lojiem ej edrep ñon lol.

26 Kwon jerkak ñon jiboñ kim, im lomorem kin Am tiriamokake.

SAM 45.

Non dri lale al ion Sosannim. Non ro nejin Kora. Maskil. Al kin yokwe ko.

URUO elõñmejirjir kin men eo 🥦 emõn. I konono men ko I ar komoni kin Kiñ eo: loo ej einwot pen an juon armij e minene in jeje.

2 Kwe kwoj wõlio jen ro nejin armij; emwij lutõklok joij emõn ilo tiom, inem Anij e ar kamononoik

Yuk ñon in drio.

3 Kwon kãnôr am jāji ion ibim, O Kwe eutiejtata; Am wuj im Am

utiei.

- 4 Im ilo Am utiej Kwon uwemanlok im jeban, kin Am mol im inemon im wanik: im anbijmaronom e naj katakin Yuk men ko rejet
- 5 Mõri ko Am rekõñ, ro dri ailiñ ko re buñ iomin Yuk; rej ilo buruen ro rej kijirāt Kiñ eo.

6 Am tron O Anij, e in drio im in drio; septer in wanik septer in ailiñ

eo Am.

7 Kw'ar yokwe wanik im drike jerawiwi, inem Anij, Am Anij e ar kabit Yuk kin oil in lõnlin eutiej jen ro rej ber ibom.

8 Nuknuk ko Am otemjej rewoj kin mõrr im aloes im kassia, jen imon iroij in aivori, ken kajonjon ko eor toair r'ar kamõnõnõik Yuk.

9 Kõra ro nejin kiñ rej ian kõra ro Am reutiej; i anbijmaroñom ej

jutok liroij ilo gold in Ofir.

10 Kwon rofijake, O Nejin kora, im kalomõnlokjen im eoroñ; kwon meloklok dri ailiñ ro am im imôn jemõm.

11 Ein drein Kiñ eo e naj konake ljemlokon lol; Ej kabwilok libon

kabuñ ñon E.

12 Im nejin kõra dri Tair e naj ijo im jurtak iben: ro dri mweie wõt ian ro dri ailiñ re naj bukot am joij.

13 Kõra eo nejin kiñ iloan mweo imon iroij e aibujuij wot: nuknuk

ko an e litlit kin gold.

14 Naj tellok e ñon Kiñ eo im konõk nuknuk ko retiltil: virjin ro jiron rej lore; naj telwoj ir non kwe.

15 Kin monono im lonlin naj tel ir; re naj dreloñ ñon iloan mweo

imon iroij an kiñ eo.

16 Ro nejom man re naj binej jenkwon ro jemom, ro kwo naj likit ir

iroij i aolepen lõl.

17 I naj kakememej etőm ilo ebeben otemjej; kin men in ro dri ailiñ ko re naj kamolol Yuk ñon in drio im in drio.

SAM 46.

Ñon eo ej lale al. An ro nejin Kora. Ilo Alamot.

NIJ amuij likepijñők im kajur; Dri jibõñ e kanuij ebak ilo iñtan ko.

2 Inem kim jamin mijok meñe lol ej ein juon, ak meñe kamokit tol ko ñon iloan lometo;

3 Meñe dren ko an re ñirñir im lijemormor, meñe tol ko re makotkit kin an ibijlok. Sela.

4 Juon river im ai koan re naj kalõnlin jikin kwelok an Anii: jikin kwojarjar an imon kaber ko an Eo eutiejtata.

5 Anij e iloan, e jamin makõtkit; Anij e naj jibôñ e, im men in ñe

erantak.

6 Ro dri ailiñ ko r'ar aol, ailiñ in kiñ ro re makôtkit: E ar konono im lõl e unlok.

7 Jeova an jar in torinae ko ibem ; Anij an Jekob amuij likepijnok. Sela.

8 Komin iten lojerbał koan Jeova: ta kokkure ko E ar komoni ilo lol.

9 Ej kejemlok tőrinae ko ñőn

eo, im bukwe mõri, E tili jariõt ko kin kijeek.

10 Komin beriwõt im jela bwe Na Anij; I naj utiej i bwiljin dri ailiñ

ko, I naj utiej ilo lõl.

11 Jeova an jar in tõrinae ko ibem; Anij an Jekob ao likepijnok. Sela.

SAM 47.

Ñon eo ej lale al. Sam an ro nejin Kora.

KOMIN kaitak peomi, kom dri ailiñ ko otemjej: komin lamij ñon Anij kin ainiken anjo. 2 Bwe Jeova eutiejtata Ej aiet wot: E kiñ elap ion aolepen lõl in.

3 E naj kamakokoik ro dri ailiñ ko iomin kim; im jar ko air iomin

4 E naj kalet amuij jolit ñon kim; men eo emônpotata an Jekôb, eo E ar yokwe. Sela.

5 Anij e ar wonlinlok kin lamij;

Jeova kin ainiken jilil.

6 Komin al im nebar Anij, komin al im nebar; komin nebar amuij Kiñ, komin al im nebar.

7 Bwe Anij e Kiñ in aolepen lôl; komin al im nebar kin jelalokjen.

8 Anij e Kiñ ion ro dri ailiñ ko; Anij ej jijõt ilo tron eo An ekwoiariar.

9 Iroij an ro dri ailiñ ko r'ar kweloktok bwe ren dri ailiñ an Anij in Ebream. Bwe likepijñôk ko ilo lôl in an Anij: E kanuij utiej.

SAM 48.

Juon al. Sam an ro nejin Kora.

LAP Jeova, im ren kanuij nebar L E, ilo jikin kwelok an amuij Anij, ilo tol eo An ekwojarjar.

2 E wõlio kin An utiej, men in lõnlin in aolepen lõl, tol Zaion ilo katin ko eãñ, jikin kwelok an Kiñ eo elap.

3 Anij e ar mõke kwalok E ilo imon iroij ko an bwe en likepijñok.

4 Bwe lo, kiñ ro r'ar kweloktok; r'ar jimor jokolok.

5 R'ar loe, inem r'ar bwilon kake; r'ar kanuij mijok: r'ar kijorur in ilok.

6 Wurirrir e ar jibwe ir ijo, im iñtan einwőt an juön kőra ej iñtan kin an bõroro.

7 Kwoj rupe wa ko an Taršiš kin

kõto jen rear.

8 Einwöt kim ar roñjake, ein drein kim ar loe; ilo jikin kwelok an Jeova in jar in tõrinae ko, ilo jikin kwelok an am Anij: Anij e naj kabin e ñon in drio. Sela.

9 Kim ar lemnok kin Am joij, O

Anij, i bwiljin tempel eo Am.

10 Einwöt etőm O Anij, ein drein air nebar Yuk ñon jemlokon ko jemlokon lol. Anbijmaroñom e obrok kin wanik.

11 Tol Zaion en monono, kora ro nejin Juda, ren lõñliñ kin ekajet

ko Am.

12 Komin etal iturin Zaion, im kabol e, bwini imon bar ko an.

13 Komin kalimjek worwor ko an; komin lale imon iroij ko an, bwe komin kenannek ebeben eo

14 Bwe Anij in E amuij Anij ñon in drio: E naj amuij dri tel ñon ien

SAM 49.

Ñon eo ej lale al. Sam an ro nejin Kora.

KOMIN roñjake men in, kom ro dri ailiñ ko otemjej; komin eoroñ, kom otemjej kom dri jokwe ilo lõl.

2 Ro retă im ro reutiej, dri mweie

im dri jeramel jimor.

3 Loñio e naj konono meletlet; im kalomonlokjeu in buruo e naj kin jelalokjen.

4 I naj eoroñ juôn wan jõñok, im

kwalok ao nan etino kin arp.

5 Etke in mijõk ilo ran ko renana, ñe jab wänik an ro rej matortor io ej kabol iö?

6 Ro rej liki air kajur, im jualõñlõñ kin elõñ mweiuk ko mweieir:

7 Ejelok juon iair e maron in wiaik jätin man, im e ban lelok ñôn Anij binmour kiu e.

8 Bwe e aurok binmour eo an, im ren likit e ñon in drio,

im bwe en jamin lo kõt.

10 Bwe ej lo an ro dri meletlet mij, dri bwebwe im dri jelalokjen re jimor joko, im likit mweiuk ko mweieir ñon bar jet.

11 Ilo burueir eor air lemnok, mo ko imweir re naj ber ñon in drio, im jikir ñon ebeben otemiej: rej naetan ene ko air kin etair wõt.

12 A armij e jab beriwot ilo nebar.

e einwõt kiru ko remij.

13 Eñin, air ial, e men in bwebwe ibeir: ak elikir armij rej nebar air in nan. Sela.

14 Emwij likit ir juon bwij non Hedis; mij e naj air dri lale, im ñe e jiboñ ro dru wanik re na iroij ioir im air wõlio e naj etõp kin Hedis, bwe en ejelok jikin.

15 A Anij e naj binmour ao jen kajur an Hedis, bwe E naj bok io.

Sela.

16 Kwon jab mijok ne juon armij e mweielok, ñe wuj an mweo imôn elõñlok.

17 Bwe e naj mij, e jamin bõklok jabrewőt; an aibujuij e jamin wonlöllok iben.

18 Meñe ke e ar mour, e ar nebar an; im armij rej nebar yuk ñe kwoj kõmõn emõn ñõn kwe mõke.

19 E naj ilok ñon ebeben an ro jiman; re jamin lo maram ñon in drio.

20 Armij eo eutiej im dri jajelokjen, ej einwõt kiru re joko.

SAM 50.

NIJ, aet Anij Jeova e ar konono, 🚺 im kir lõl in jen tak al ñõn tulok al.

2 Jen Zaion, men e wappen an wõlio, Anij e ar romaktok.

3 Amuij Anij e naj itok im E jamin kejeklokjen; kijeek e naj kani iman, im e nai kanuij einwõt lañ

4 E naj kir ñon loñ ko im ñon lol, bwe En ekajet ro dri ailiñ An.

5 Komin kokweloktok ñon iba

9 Bwe en mour wôt ñôn in drio, | ro remôn Am, ro r'ar kômôn bujen iba kin katok.

> 6 Im lõñ ko re naj kwalok An wanik, bwe Anij e moke dri ekajet eo. Sela.

7 Komin ronjake, O ao dri ailin, im I naj konono, O Israel im I naj kennan ñon yuk: Na Anij, aet am

8 I jamin kowe yuk kin katok ko ami; im men in katok ko ami re

tili, rej imao ien otemjej.

9 I jamin bok kau koman jen mweo imõm, ak goat koman ko jen worwor ko ami.

10 Bwe kiru otemjej i bwiljin wijki ko rej aõ, im kau ko ilo iuon tausan tol ko.

11 I jela bao ko otemjej ilo tol ko reutiej, im kiru ko rawia ilo ene ko rej að.

12 Elañe I kwûli. I jamin kenannek yuk, bwe lõl ej aõ kab men ko

e obrôk kaki.

13 Na in mõña kõnieken kau koman ko ke? ak irak bőtőktőkin

14 Komin lelok ñon Anij jurtak in kamolol, im kõlla ñõn Eo eutiejtata men ko kw'ar kanôjnij kaki.

15 Im kwon kir ñon io ilo ran in jorran: I naj lomoren vuk im kwo naj nebar ið.

16 A ñon ro dri nana, Anij ej ba; Ta ibom bwe kwon kwalok kien ko Aō, im bōk ñōn loan loñōm bujen eo Aô?

17 Bwe kwoj drike katak, im kwoj

jolok ilikom nan ko Ao.

18 Ke kw'ar io juon dri kwot, kw'ar bok ñon buruen, im kw'ar komaõ iben ro dri lüñ.

19 Kw'ar lelok loñom ñon nana, im loom ej komonmon etao.

20 Kwoj jijõt im konono nae jeôm, kwoj ba nan in riôp kin

nejin jinõm.

21 Kw'ar komon men kein im I ar kejeklokjen; kw'ar lemnok Na kanuij einwôt yuk; a Na I naj enoik yuk, im kilajrok bwir ko am iman mejõm.

22 Inem komin kalomönlokjen kin men in, komeo komij meloklok Anij, ñe ab in kekel kom, im ejelok dri lomor.

23 Jabrewőt eo ej katok kin kamolol ej kaibujuij Iő, im ñőn eo ej kajime an konono, I naj kwalok an Auij lomor.

SAM 51.

Nondri lale al. Sam an Devid, ke Netán dri kanan e dreloñlok ñon iben, elikin an babu iben Batseba.

K WON tiriamokake iö, O Anij, ilo Am joij elap: ilo Am tiriamo in yokwe relõñ, Kwon jolok bwir ko aö.

2 Kwon kanuij kwolkwol io jen ao nana, im karreoik io jen ao jerawiwi

0 D.m

3 Bwe ij kwalok bwir ko aō, im jerawiwi eo aō ej imāo ien otemjej.

4 Nae Yuk, nae Yuk wõt I ar bwir; im I ar kõmõn men in enana iman mejõm: bwe ren kowãnik Yuk ne Kwoj konono, im enjelok ruõm ne Kwoj ekajet.

5 Lo emwij komonmon io ilo jab wanik; im ilo jerawiwi jino e ar

etaik iõ.

6 Lo, Kwoj kõnan mol iloan armij, im ilo mõtõn etino Kwo naj kajelaik iõ meletlet.

7 Kwon kokwojarjar ið kin hissöp, im I naj erreo; Kwon kwolkwol ið im I naj mouj jen sno.

8 Kwon karoñolok iö kin mönönö im löñliñ, bwe dri ko Kw'ar ruji ren lioeo.

9 Kwon noj mejõm jen bwir ko aő; im Kwon jeor aő jerawiwi otemjei.

10 Kwon kömönmön buruð erreo ilo ña, O Anij; im kökal að ejime iloan.

11 Kwon jab jolok ið jen iman mejöm; im Kwon jab bök jen ña Am Jitöb Kwojarjar.

12 Kwon kejeblaktok ñon ið löñliñ in Am lomor; im baur ið ilo buru anemkwoj.

10 T T 11 / 11

13 Inem I naj katakin ro dri bwir

ial ko Am; im ro dri jerawiwi re naj ukwelok ñon Yuk.

14 Kwon lomoriö jen ruön bötöktök, O Anij kwe Anij an aö lomor, inem loö e naj al im lamij kin Am wänik.

15 O Jeova kwon kebellok tiö, im loö e naj kwaloklok Am nebar.

16 Bwe Kwo jab bunburuõm kin katok, ak I naj kar lewoj: Kwo jab mõnõnõ kin men in katok rej tili.

17 Jurtak ko an Anij buru erup; buru erup im eta O Anij, Kwo jamin

kejekron.

18 Kwon kōmōnmōn emōn ilo Am joij ñōn Zaiōn; Kwon kalek worwor ko an Jerusalem.

19 Inem Kwo naj mönönö kin men in katok ko rewänik; kin men in katok ko re tili, ko re tili im jab bukwi. Inem re naj katok kin kau koman ko ilo lokatok eo Am.

SAM 52.

Non eo ej lale al. Maskil an Devid ke Doeg dri Idom e ar item kenannek Saul, im ba ñon e, Devid e ar itok non imon Ahimelek.

ETKE kwoj jualčnilon ilo komon nana, O armij ekajur? An Anij tiriamo ej ber ien otemjej.

2 Loom ej kine nana wot, einwot juon naip ekoñ, e jerbal kin mon.

3 Kwoj yokwe nana jen emon, im riop jen konono wanik. Sela.

4 Kwoj yokwe nan ko nan in woronolok, O kwe loen mon.

5 E naj ein drein an Anij kokkure yuk ñon in drio; E naj kwotoke yuk, im kekake yuk jen im nuknuk am, im kotepe yuk jen enen mour. Sela.

6 Ro dru wânik e naj loe, im mijők, im re naj tőñkake e im ba,

7 Lo eñin armij eo e ar jab likit Anij an kajur, a e ar liki mweien előñlok, im kakajur e mőke ilo an nana.

8 A kin ña, I einwõt wijki oliv e maroro, ilo imõn Anij; ij liki an Anij tiriamokake ñõn in drio im in drio.

9 I naj kamolol Yuk ñon in drio, bwe Kw'ar komone, im I naj kejatrikrik ið ilo etðm; bwe e emðn iman ro remðn Am.

SAM 53.

Non eo ej lale al: ion Mahalat. Maskil an Devid.

DRI bwebwe e ar ba ilo buruen, Ejelok Anij. Re köt, r'ar kömön nana men in jöjöik. Ejelok juön ej kömön emön.

2 Anij e ar reilöltok jen löñ ion ro nejin armij bwe En lo elañe jabrewot eo e jelalokjen, im kabukot

Anij.

3 Ir otemjej r'ar jeblaklok, ir otemjej rej jimor brijrij; ejelok juon ej komon emon, e jab juon wot.

4 Ejelok jelalokjen iben ro rej kõmõn nana ke? Ro rej käñi ro droõ einwõt air mõña bred, im re jab kir

ñon Anij.

5 Ijo r'ar kanuij lelñoñ im ejelok unin lelñoñ ie: bwe Anij e ar kejibliklok dri ko drin eo ej nitbwili yuk; Kw'ar kajok ir, bwe Anij e ar jolok ir.

6 O emõn elañe lomor an Israel e ar itok jen Zaiön! Ñe Anij e naj kejeblaktok matõn iri ian ro dron, inem Jekõb e naj lõnlin, im Israel

e naj monono.

SAM 54.

Non eo ej lale al, ion ken kajonjon eor toair. Maskil an Devid, ke dri Zip r'ar item ba non Saul, Devid e jab tilekek ibem ke?

K WON lomorio O Anij kin etom, im ekajet io kin Am kajur.

2 Kwon ronjake ao jar, O Anij; Kwon eoron nan ko jen lonio.

3 Bwe ro drua maijet r'ar jerkak nae ið, im ro dri lej r'ar kabukot að ; r'ar jab likit Anij imair. Sela.

4 Lo Anij ao Dri jibon; Iroij e ian

ro rej baur ið.

- 5 E naj nawonair ro rej kijirāt ið kin nana; Kwon kokkure ir ilo Am mol.
- 6 Kin jurtak men in yokwe, I naj katok ñon Kwe; I naj kamolol etom, O Jeova, bwe e emon.

7 Bwe E ar lomorið jen jorran otemjej; im meja r'ar lo að könan kin ro rej kijirāt ið. SAM 55.

Ñôn eo ej lale al, îlo ken kajôñjôñ cor toair. Maskil an Devid.

K WON eoroñ ao jar, O Anij, im Kwon jab tilekek jen ao akwelap.

2 Kwon lale ið im uak ið. Ij abnono ilo að lotan, im ij nornor;

3 Kin ainiken ro dri kijirāt, kin matörtör an ro dri nana: bwe rej jotok ioö jab wänik, im kin illu rej matörtör iö.

4 Buruo ej intan ilo na, im lelnon

ko in mij r'ar buñ ioo.

5 Mijōk im wurirrir r'ar itok ioō, im lelñoñ elap e ar kamaloñ iō.

6 Im I ar ba, O emõn iba elañe peið einwöt pein muli, inem I naj kälok im kakije.

7 Lo I naj jebwabwe etolok; I naj

jokwe ilo ene jemaren. Sela.

8 I naj kaiur ið im ko jen köto

elap, im jen lañ ko. 9 O Iroij, kwon kokkure im kijbil

loair, bwe I ar lo jab wanik elej im akwail ilo jikin kwelok eo.

10 Ran im boñ rej etal iturin ion worwor ko an; nana im kejorran rei iloan.

11 Jerawiwi ej ber iloan, matortor im mon re jab ilok jen ial ko an.

12 Bwe e ar jab juon dri jumae, e ar kinaklok io, elañe ein drein I naj kar maroñ in kijenmij kake: im e ar jab juon e ar drike io ej koutiej e moke nae io: elañe ein drein I naj kar tllekek jen e.

13 A kwe, juon armij einwot ña,

jera im jitenburu iba.

14 Emõn wõt amro kar bebe iben dron, im kim ar etal ñõn imõn Anij iben jar eo.

15 Kokkure ko ren iloir: ren wönlöllok ñön iloan roñ eo: bwe jerawiwl ilo mweo imweir, ilo bwiljir.

16 Kin ña, I naj kir ñon Anij, im E naj lomorio.

17 Jota, ke ejiboñ, im ke e loliñ al, I naj lotan im ñorñor, im E naj roñjake ainikio.

18 E ar lomorio ilo ainemon jen

26

ketak eo e ar jumae io, bwe eloñ ro r'ar tõrinaek iõ.

19 Anij e naj ronjake, im naj kejorran ir, aet Eo ej ber jen ien ko remotelok. Sela. Armij ro ejelok ukot ibeir, im re jab mijõk Anij.

20 E ar erlokwe pein nae ro r'ar iben ilo ainemõn; e ar kananaik

bujen eo an.

21 Loen e ar meoeo jen butter, a buruen tõrinae wõt: nan ko an ebiruru jen oil, a re jāji ko emwij nuri.

22 Kwon jolok inek eo am ion Jeova, im E naj baur yuk: E jamin likit ro remõn bwe ren makõtkit.

23 A Kwe, O Anij, kwo naj drorlõllok ir ñõn iloan roñ in kokkure; armij ro rej yokwe bôtôktôk im mon re jamin mour jimõtõn ran ko ran in armij, a ña I naj liki Yuk.

SAM 56.

Non eo ej lale al; ilo Jonat-elem rehokim. Sam an Devid: Miktam. Ke dri Pilistia r'ar bok e i Gath

WON tiriamokane bwe armij eo e kõnan wõrõñõ-WON tiriamokake io, O Anij, lok io; iomin aolepen ran ej iri im matortor io.

2 Ro rej kijirāt ið re konan worðñőlok iő aolepen ran; bwe relőñ rej jua im iri nae iõ.

3 Ien ko ñe ij lelñoñ I naj liki Yuk.

- 4 Ilo Anij I naj nebar An in nan. I ar liki Anij, I jamin mijok, ta eo kôniek e maroñ in kômôn nae iö?
- 5 Iomin aolepen ran rej kankeke nan ko að, lemnok ko air otemjej re nae iõ kin nana.
- 6 Re kweloklok, re tilekek, re kili buñten neið, im ein drein air kötar nae aõ.
- 7 Re naj ko kin air jab wanik ke? Ilo illu Kwon jolöllok ro dri ailiñ ko, O Anij.
- 8 Kwoj bwini jebwabwe ko ao, Kwoj likit dren in kemjalal ko aõ ilo boto eo Am; re jab ilo buk ne Am ke?

9 Ien eo ro dri kijirat io re naj jenliklik ilo ran ñe I naj kir: men in I jela bwe Anij e ñon io.

10 Ilo Anij I naj nebar Anin nan; ilo Jeova I naj nebar An in nan.

11 I ar liki Anij, I jamin mijok; ta eo armij re maroñ in komon ñon

12 Kanojnij ko Am ioo O Anij, I naj lewoj men in katok ko, im kamolol Kwe.

13 Bwe Kw'ar lomoren að jen mij: Kwo jamin lomoren neio jen buñ ke? bwe in etal iman Anij ilo maram in mour.

SAM 57.

Ñon eo ej lale al: ilo Al-tasheth. An Devid; miktam; ke e ar ko jen Saul iloan roñ eo.

WON tiriamokake io, O Anij, Kwon tiriamokake io; bwe ao ej ko ñon Kwe; aet ilo lurin peiom I naj tilekek, mae ien iñtan kein ren joko.

2 I naj kir ñon Anij eutiejtata, ñon Anij eo Ej komonmon men otemjej

ñon io.

3 E naj jilkintok jen lõñ ko, im lomorio, ke eo e konan woronolok io ei kajirere. Sela. Anii e nai jilkintok An tiriamo im mol.

4 Aő ej iben laiőn ko: ij babu i bwiljin ro emwij tili ir, aet ro nejin armij, ñi ko ñiir rej môri ko, im loir juon jaji ekoñ.

5 Kwon utiejlok jen lõñ ko, O Anij, Am aibujuij en ilôñin aole-

pen lõl in.

6 R'ar kapoj juon jen non bunten neiő, aő e kumliklik, r'ar kőbij roñ imač, emwij air mčke buň na iloan. Sela.

7 Buruő ebin O Anij, buruő ebin; I naj al, aet I naj al im nebar.

- 8 Kwon ruj, ao aibujuij, kwon ruj salteri im arp: ña mõke I naj ruj ñe e rantak.
- 9 I naj kamolol Yuk, O Jeova, ilo jar ko an armij: I naj al im nebar Yuk iben ro dri ailiñ ko.

10 Bwe Am tiriamo elap ñon loñ ko, im Am mol ñon mejatoto.

ko; Am aibujuij en ilõñ jen aole- jur rej kweloklok nae ið: jab kin pen lõl in.

SAM 58.

Non dri lale al. Al-Tashheth. An Devid: Miktam. MOL ami konono wanik ilo

kejeklokjen ke? Kom ekajet ilo wanik ke, O komeo ro nejin armij?

2 Jab, ilo buruemi kom jerbale jerbal ko renana: kom paun ilo lõl

kokkure in peomi.

3 Ro renana re drua maijet jen loji; re jebwãbwe jen ien air lotak. im re konono riop ko.

4 Air uno ekarek einwőt eo an juon serpent; rej einwot kiru adder

ej binej lojiliñin.

5 Eo e jab eoroñ ainiken ro dri karel, ñe re meletlet im karel

6 Kwon ruje fli ko ilo lonir, O Anij: kwon ruji im jolok ñi ko relap an laion ko emon ridtair.

7 Ren monlok einwot dren eo etorlok mõkõj: ñe ej kajime mõri ko an, ren einwot ke emwij bukwelok ir.

8 Ren einwot kiru snel, eo ej unlok im joko; einwõt ko an juõn

kõra eo e jab lo al eo.

9 Mokta jen pot ko ami re maroñ in iñjake kaliklik ko, E naj bôklok ir kin aire ko, ro rej ikor im ro remat einwöt juön.

10 Dru wanik e naj lonlin ne ej lo irenwone eo; e naj katutu neen ilo

bötöktökin dri nana.

11 Ein drein armij re naj ba, Emol eor wonan non ro remon: emol e juon Anij ej ekajet ilo lol.

SAM 59.

Non dri lale al. An Devid Miktanf, ke Saul e ar jilkinlok, im r'ar kili mweo imon bwe ren mon e.

AO Anij kwon lomorio jen ro dri kijirāt io; Kwon lelinlok io jen ro rej jerkak nae io.

2 Kwon kõtlok iõ jen ro rej jerbale nana, im lomorio jen armij ro re kõnake bõtõktõk.

11 Kwo utiej O Anij iloniu lon 3 Bwe lo rej kejar ao; ro rekaao bwir, jab kin ao jerawiwi, O

> 4 Rej etőr im kapoj ir mőke, im ejelok ruő: Kwon ruj im jibőñ ið

5 Aet, Kwe O Jeova Anij in jar in torinae ko, Anij in Israel, Kwon jerkak in lolok ro dri ailiñ otemjej: Kwon jab tiriamokake jabrewot dri ketők enana. Sela.

6 Rej jeblaktok ke ejota, rej keroro einwõt kiru rorror: rej etetal

iturin jikin kwelok in.

7 Lo rej katorlok jen loñir; jãji ko ilo tieir; bwe re ba, Won eo ej roniake?

8 A Kwe O Jeova kwo naj tôñkake ir; Kwo naj kajirere kake ro

dri ailiñ ko otemjej.

9 O aô Kajur, I naj kôtar Yuk; bwe Anij e ao imon bar eutiej.

10 Anij in ao tiriamo E naj wonmae io; Anij e naj likit bwe in lo ao kõnan ion ro dri kijirāt ið.

11 Kwon jab mon ir ne ab ro droo ren meloklok; Kwon kejibliklok ir kin Am kajur, im jolollok ir, O Jeova amuij likepijñok.

12 Kin bwir an loñir, im nan ko an tieir ren jibwe ir ilo air jua, im kin air kanojnij in riop eo re ba

13 Kwon kokkure ir ilo Am illu, kokkure bwe ren joko wot: im ren jela bwe Anij ej Iroij ilo Jekob ñon jemlokõn lõl in. Sela.

14 Im ke ejota ren jeblak, im ren keroro einwõt kiru rorror im etetal

iturin jikin kwelok eo.

15 Re naj jebwabwe bojik kin kijeir, im berwôt iomin aolepen boñ elañe re jab mat.

16 A I naj al kin Am kajur, yokwe, I naj kalaplok al kin Am tiriamo ñe ejiboñ bwe Kw'ar að imõn bar eutiej, im juõn likepijñok ilo ran eo ran in ao jorran.

17 Non Kwe O ao Kajur, I naj al im nebar; bwe Anij e að imðu bar eutiej, Anij in tiriamokake ið.

'SAM 60.

Non dri lale al. Ion Shushan Eduth: Miktam an Devid. Kin katakin, ke e ar torinaek Aram-Naharaim im Aram-Zoba, im Joab e ar jeblak im mõn ilo komlõl in salt joñoul im ruo tausan.

ANIJ kw'ar jolok kim, Kw'ar rupe kim, Kw'ar illu, O Kwon bar karok kim.

2 Kw'ar kamõkit ene eo, Kw'ar nat e: Kwon karbin e ijo erup bwe e makõtkit.

3 Kw'ar kwalok ñon ro drom men ko rebin: Kw'ar kairak kim wain in jebwal.

4 Kw'ar lelok juon flag non ro rej mijok Yuk, bwe ren kwalok e kin

Am mol. Sela.

5 Bwe kõtlok ro rej jitenburu ibom, Kwon lomorem kin anbij-

maroñom im uak kim.

6 Anii e ar konono ilo An kwojarjar, I naj jualõnlin; I naj kijbil Sikem, im joñe komlôl in Sukkot.

7 Gilead e Aõ, im Menassa ej Aõ; Ipraim bareinwõt ej ken tõrak in bora: Juda ej Ao septer.

8 Moab ej Aõ jäbi in kwolkwol; ilo Idom I naj jolok juj eo Ao: Pilistia, kwon lamij kin Na.

9 Won e naj añinlok io ña iloan jikin kwelok ekajur? Won e naj añinlok ið ñön Idöm?

10 Kw'ar jab jolok kim ke, O Anij? Im Kwo jab ilok iben jar in tõrinae

ko am.

11 Kwon letok jibõñ nae eo dri jumae, bwe ejelok tokjen an armij jibőñ.

12 Kin Anij kim naj beran in kõmon: bwe E eo e naj juri ro rej kijirate kim.

SAM 61.

Non dri lale al, ilo ken kajõñjõñ eor toair. Sam an Devid.

WON ronjake ao kir, O Anij, Kwon eoroñ ao jar.

2 Jen jemlokon lõl I naj kir ñon Kwe, ñe buruô e kijelok: Kwon añinlok ið ñðn dreka eutiej jen ña. 3 Bwe Kw'ar juon jikin tilekek

ñon io, juon imon bar ekajur jen ro

dri kijirāt.

4 I naj jokwe ilo imon kaber eo Am ñon in drio, I naj ko ñon ken tõrak in peiõm ko. Sela.

5 Bwe Kwe O Anij, kw'ar roñjake ao kanojnij ko: Kwo naj letok non

iõ jolit an ro rej mijõk etõm.

6 Kwo naj kaitoklok mour an kiñ eo: yiô ko an re naj einwôt ebeben im ebeben.

7 E naj ber iman Anij ñon in drio: O Kwon kapoj tiriamo im mol bwe

ren kejbãrok e.

8 Ein drein I naj al im nebar etőm ñon in drio, bwe in kamol ao nan in kalimur ran im ran.

SAM 62.

Non dri lale al. Ion Jedutun. Sam an Devid.

O ej kotar Anij wot: jen E ej A itok lomorio.

2 E wõt aõ dreka im aõ lomor: E ao imon bar eutiej; I jamin kanuij makõtkit.

3 Ietoon ami naj teltiltok juon armij, bwe komin mon e, aolepemi einwöt worwor in dreka emöllok. ak worwor in alal enanin ubel?

4 Ir rej bebe wõt bwe ren jolõllok e jen an utiej; rej monono kin riop ko, rej kamõnõnõik kin loir a rej kokol ilo burueir. Sela.

5 Aö kwon kõtar Anij wõt, bwe

aõ kõtõmene e jen E.

6 E wõt aõ dreka, im aõ lomor: E ao imon bar eutiej, I jamin makotkit.

7 Iben Jeova ao lomor im ao aibujuij: dreka an ao kajur im ao like-

pijñők ilo Anij.

8 Komin liki E ien otemjej, O armij ron; komin kwalok buruemi iman: Anij e likepijñok ñon kim. Sela.

9 Armij reta re men in jekron, im armij reutiej men in riop: ilo ken paun re naj wonlinlok; re jimor emera jen wan.

10 Komin jab liki matőrtőr, im en jab utiej buruemi kin rakimi: elañe mweiuk elõñlok komin jab kanuij yokwi.

11 Anij e ar konono juon alen, ruo

alen I ar ronjake men in; bwe ka- tino, non ro rewappen; emokoj air

jur iben Anij.

12 Bareinwöt ibőm O Jeova e tiriamo; bwe Kwoj lelok ñon armij otemjej ekar ñon komon ko air.

SAM 63.

Sam an Devid, ke e ar ber i ene jemaren an Juda. ANIJ kwe ao Anij; I naj kanuij kabukot Yuk: ao ej maro kin Kwe, koniekio ej onkake Yuk ilo ene emera im kamõk, ijo ejelok dren ie.

2 Einwöt I ar lo Yuk ilo jikin kwojarjar eo, in lo Am kajur im

aibujuii.

3 Bwe Am joij emon jen mour,

tio re nai nebar Yuk.

- 4 Ein drein I naj kamolol Yuk ke ij mour; I naj kwotoke peio ilo etőm.
- 5 Aõ e naj mat einwõt kin marro im matôk, im loo e naj nebar Yuk kin tien lõñliñ.
- 6 Ke ij kememej Yuk ilo kinio, im kalomõnlokjen kin Kwe ilo mmij ko ke eboñ.
- 7 Bwe Kwe ao dri jibon, im ilo lurin peiom I naj monono.
- 8 Aõ e kanuij lore Yuk, anbijmaroñom ej baur io.
- 9 A ro rej bukot ao bwe ren kokkure, re naj ilok ñon moton lol retãtata.

10 Naj lelok ir ñôn kajur in jāji;

re naj kijen jakol ko.

11 A kiñ eo e naj lõñliñ ilo Anij; ro otemjej rej kančjnij kin E re naj jualonlon, naj binej lonin jabrewot eo ei konono rion.

SAM 64.

Non dri lale al. Sam an Devid.

WON ronjake ainikio ilo ao lotan; Kwon kejbarok ao mour jen mijok dri kijirat eo.

2 Kwon noj ið jen bebe etino an ro rej komon nana, jen iruij an ro

enana air jerbal.

3 Ro r'ar jeme loir einwõt jäji, im r'ar alej mõri ko air, nan ko remeo.

4 Bwe ren libon, ilo jikin ko re- im jota.

libon e im jab mijok.

5 Rej kaberaulok ir mõke ilo juõn bebe enana; rej komao kin kapojok jen ko ilo etino; re ba, Won e naj loi?

6 Rej kabukot jerawiwi ko; re ba, Kim ar kamwijlok bukot e kanuij emon, im lemnok iloan jabrewot, im burueir r'imlôl.

7 A Anij e naj libon ir, kin juon

mõri re naj lil mõkõj.

8 Ein drein naj lõkatipe ir, loir re naj jumae ir: ro otemjej rej lo ir re

naj jibolul borair.

9 Armij otemjej re naj mijok; im re naj kwalok jerbal an Anij: im re naj kalomonlokjen ilo meletlet kin kõmõn ko An.

10 Ro remon re naj monono ilo Jeova, im naj liki E; im ro otemjej ejime burueir re naj jualõñlõñ.

SAM 65.

Non dri lale al. Juon Sam. Al an Devid. TEBAR ej kõtar Yuk O Anij, i Zaion; im non Kwe re naj kamol kalimur eo.

2 O Kwe kwoj roñjake jar, ñôn Kwe koniek otemjej e naj itok.

- 3 Jerawiwi ko rej bôk anjo jen ña. kin bwir ko am, Kwo naj karreolok ir.
- 4 Emonono armij eo Kwoj kalet e, im kebakwoj e, bwe en jokwe iloan worwor ko Am; kim naj jokone kin an mweo imom emon. kin jikin kwojarjar in tempel eo Am.
- 5 Kin men ko men in lelñoñ Kwo naj uak kim ilo wanik, O Anij in am lomor: Kwo men in liki an jemlokon lol in otemjej, im otemjej etolok i lometo.

6 Eo kin An kajur Ej kabin tol ko; emwij kāñor E kin maroñ:

7 Eo ej kakejeklokjen ñirñir in lomalo ko, ñirñir in no ko air, im iruij an bwijin armij ron.

8 Bareinwőt ro rej ber ijo etoloktata remjok kin kakole ko Am; Kwoj kalõnlin etallok ko an jibon

30

9 Kwoj lotok löl in im kaimlolo e, Kwo kanuij kamorur e: river an Anij elöñ kin dren: Kwoj lelok ñön ir korn, ñe ein drein Am kapojök ene.

10 Kwo kanuij kaimlolo jukur ko an, Kwo kõtaik mõtõn ko reutiej, Kwo kabirurui kin wut ko, Kwo keierammõn men ko rej edrek.

11 Kwoj kabelbil yio eo kin Am joij, im ial ko Am re kabeliñliñ matok.

12 Re buñ ion melaj ko an ene jemaren, im tol ko redrik re kāñŏr kin lõñliñ.

13 Melaj ko re libubu kin bwij ko bwijin šip: komlõl ko re libubu kin korn; rej lamij kin lõñliñ, re bareinwõt al.

SAM 66.

Ñon dri lale al. Juon al. Juon Sam.

KOMIN lamij ñon Anij kin loñliñ, aolepen lol.

2 Komin al im kwalok an etau aibujuij: kaibujuij im nebar E.

3 Komin ba ñon Anij, e nañin men in lelñoñ jerbal ko Am! Kin Am kajur elap ro rej kijirate Yuk re naj moke kotaik ir ñon Kwe.

4 Aolepen lõl e naj kabuñ ñõn Kwe, im naj al ñõn Yuk: re naj al

ñon etom. Sela.

5 Komin item lo jerbal ko an Anij, E men in lelñoñ ilo An kōmŏn ñŏn ro nejin armij.

6 E ar ukot lometo bwe en ene emera: r'ar ela im etetal ilujen river

eo ; ijo kim ar lõñliñ ilo E.

7 E kiñ in drio kin An kajur: mejen rej lale ro dri ailiñ ko: ro dri kabata ren jab koutiejlok ir mõke. Sela.

8 O komin kamönönöik am Anij, komeo ro dri ailiñ ko, im kömön bwe ren roñjake ainiken nebar E.

9 Eo ej drebij am ilo mour, im E jab likit bwe ren kamõkit neem.

10 Bwe Kwe O Anij, kw'ar melejoñ kim: Kw'ar melejoñ kim einwöt air melejoñ silver.

11 Kw'ar kadreloñlok kim ñon jök E.

9 Kwoj lotok lõl in im kaimlolo e, | iloan jen eo : Kw'ar likit inek erro Kwo kanuij kamorur e: river an | ion ibim.

> 12 Kw'ar kõmõn bwe armij ren uwe ion bõrõm: kim ar ilok ilo kijeek im dren: a Kw'ar kadrioijtok kim ñõn ilo mweiuk elõñlok.

> 13 I naj iwij ñon mweo imom kin men in katok re tili: I naj kolaik

kalimur ko að.

14 Kalimur ko tio r'ar ba, im loo e

ar konono ke I ar jorran.

15 I naj katok ñon Kwe kin jurtak ko rej tili, men ko remattok kin ñoj in šip koman ko, I naj katok kin kau koman ko im goat ko. Sela.

16 Komin iten ronjake, kom otemjej komij mijök Anij, im I naj kwalok ta eo E ar komon non ao.

17 I ar lamij ñon E kin loñio, im loô e ar nebar E.

100 e ar nebar E. 18 Elañe ij lale jerawiwi ilo buruõ,

Jeova e jamin eoroñ iö. 19 A emol Anij e ar roñjake iö; E

ar lale ainiken aö jar.

20 Emõnõnõ Anij eo E ar jab kejeor aõ jar, ak An tiriamo jen ña.

SAM 67.

Ñon dri lale al. Ho ken kajôñjôñ eor toair. Juôn Sam. Juôn al.

ANIJ en tiriamokake kim, im kejerammen kim, im kemeu bwe mejen en romak iom. Sela.

2 Bwe ren jela Am ial ilo lõl, Am

lomor ilo ailiñ ko otemjej.

3 Bwijin armij ron ren nebar Yuk O Anij, bwijin armij otemjej ren nebar Yuk.

4 O ro dri ailiñ ko, ren mõnônô im al kin lõñllñ: bwe Kwo naj ekajet bwijin armij rõn kin wänik, im iroij ion ro dri ailiñ ko ilo lõl. Sela.

5 Bwijin armij rön ren nebar Yuk O Anij; bwijin armij otemjej ren nebar Yuk.

6 Löl e ar letok an löñlok, aet am Anij wöt, E naj kejerammön kim.

7 Anij-e naj kejerammön kim, im jemlokön löl otemjej re naj mijök E.

SAM 68.

Non dri lale al. Sam an Devid. Juon al.

ANIJ en jerkak: ro dri kijirāte En jokwe ijo? Aet ren jibliklok; ro rej drike E jokwe ie ñon in drio. ren ko jen iman.

2 Einwöt ubakelok bat, ein drein Kwon ubakelok ir. Einwöt bwil ej unlok ilo kijeek, ein drein ro renana ren joko iman Anij.

3 Ro remõn ren mõnônõ, ren lõñliñ iman Anij; aet ren lõñliñ im

mõnõuõ.

- 4 Komin al ñon Anij, komin al im nebar etan; komin komon ial eutiej ñon Eo ej uwelok ilo ene jemaren ko, kin etan JAH, im jualonlon iman.
- 5 Jemen ro ejelok jemeir, Dri ekajet an ro ejelok leo beleir, E Anij ilo imon kwojarjar.
- 6 Anij ej likit ro rej möke iair ilo nukiir ko; Ej kadrioijtok ro dri prison ñon ilo jeban; a ro dri kabata rej jokwe ilo ene jemaren ijo ejelok dren.

7 O Anij, ke Kw'ar ilok iman armij ro drom, ke Kw'ar etal im driblok

ene jemaren eo. Sela.

8 Lõl e ar wurirrir; lõñ ko r'ar wut iman mejen Anij, aet Sainai eo e ar wurirrir iman mejen Anij, Anij in Israel.

9 Kwe O Anij, kw'ar jilkintok elõñ wut, Kw'ar kabin jolit eo Am

ke e mõk.

10 Bwij eo Am e ar jokwe iloan: Kwe O Anij kw'ar kapoj Am joij ñon ro dri jeramel.

11 Iroij ej letok nan eo; limara rej

kwalok e, juon jar elap.

12 Kiñ ro an jar in törinae ko re ko, re ko, im lio ej ber ilo jikin ej ajej men in rakimi.

13 Meñe köm babu iturin worwor in šip, kom naj einwöt pein muli re libubu kin silver, im kolan bau ko kin gold emar.

14 Ke Eo eutlejtata E ar kejibliklok kiñ ro iloan, e ar einwôt ke sno

e wutlok i Zalmon.

15 Juon tol an Anij, tol Besan; juon tol im jabon eutiej, tol Besan. 16 Komeo tol ko reutiej, etke komij kili tol eo Anij e ar konan bwe En jokwe ijo? Aet Jeova e naj jokwe ie ñon in drio.

17 Jariôt ko an Anij roñoul tausan, aet tausan ko in tausan ko. Iroij ej ibeir, einwôt i Sainai, ilo

jikin kwojarjar.

18 Kwon wönliñlok ñön jikin eutiej, Kw'ar jebokwe ro dri jebokwe: Kw'ar bök jurtak ko iben armij, aet iben ro re bareinwöt kabata, bwe Jeova Anij en jokwe ibeir.

19 Emõnõnõ Iroij eo Ej ineke inek eo am, ran im ran. Aet Anij

eo Ej am lomor.

20 Anij e înon kim juon Anij in lomor; im ial ko jen mij an Jeova, Iroij.

21 Emol Anij e naj kakinijnij boran ro dri kijirate, kilin boran eo

ej etal wõt ilo ruõn.

22 Iroij e ar ba, I naj bar böktok jen Bešan, I naj bar böktok ir jen imlöl ko in lojit:

23 Bwe Kwon likit neom ilo bötöktök; bwe loen kiru rorror ko en bök an kij jen ro dri kijirate Yuk.

24 Re kar lo Am ial ko O Anij, yokwe, ial ko an ao Anij ilo jikin kwojarjar.

25 Ro dri al r'ar ilok imanlok, ro dri kajōñjōñ r'ar lori, i bwiljin kōra rōn rej pā ilo timbrel ko.

26 Komin kamõnõnõik Anij ilo jar an armij rõn, aet Iroij eo, komeo

jen unin dren ko an Israel.

27 Ijo Benjamin erik, air iroij; im bwirôk ro an Juda im dri bebe ro air; bwirôk ro an Zebulôn; bwirôk ro an Naptelai.

28 Amuij Anij e ar kaiñi am kajur; Kwon kakajur, O Anij, men eo emwij Am kõmõnmõne ñõn

kim.

29 Kin tempel eo Am i Jerusalem, kin ro re bŏktok owŏj ko ñŏu Kwe.

30 Kwon kowe kiru rawia in koba ko, kau koman reiöñ im kon in kau ko an dri ailiñ ko rej lõñliñ ilo iren, I ar juon nan in kajirere ñon tőrinae ko.

31 Bwirök rön re naj itok jen Ijipt; Itiopia e naj kaiur e im erlokwe pein ñon Anij.

32 Komin al ñon Anij, komeo ailiñ ko ailiñ in kiñ in lôl; O ko-

min al im nebar Iroji. Sela.

33 Non Eo ej uwe ion loñ ko in lõñ ko, re jen emotelok, lo Ej kwalok ainiken, ainiken ekajur.

34 Komin lelok kajur ñon Anij: an utiejtata ej ion Israel, im kajur

eo An ilo mejatoto.

35 O Anij kwoj aiet jen jikin kwojarjar ko Am: Anij in Israel ej letok kajur im bin ñon ro dron. Emonono Anij.

SAM 69.

Non dri lale al. Ion Shoshannim. Sam an Devid. 7 WON lomorio O Anij, bwe dren ko r'ar drelontok non ao.

2 Na ij malon ilo birikot ijo imlol im ejelok jikin jutčk. I ar itok ñon iloan dren ko rimlol, ijo ibij ko re kamaloñ iõ.

3 Ij mõk kin aõ jõñ, buruõ emeralok; meja re mõjinolok ke ij kõtar

aõ Anij.

4 Ro rej kijirāt ið im ejelok unin, relõñlok jen kol ko kolan bõra: ro re konan kokkure io, dri kijirat io im dri wan, re kajur wõt: inem I ar lelok men ko I ar jab böktok.

5 O Anij kwo jela ao bwebwe, im bwir ko ao I ar jab noj jen Kwe.

6 Ro rej kõtar Yuk ren jab jok kin ña, O Anij Jeova in jar in tõrinae ko: ro rej kabukot Yuk jab kananaik ir ilo ña, O Anij in Israel.

7 Bwe kin Kwe r'ar kinaklok io;

jok e ar binej turin meja.

8 I ar drua maijet ñon ro jeio im jatio; juon dri belli non ro nejin

9 Bwe ao kijejeto kin mweo imom e ar kāñiō: im kinaklok ko an ro rei kinaklok Yuk r'ar buñ ioô.

10 Ke I ar jõñ im kajeik aõ kin iitlok, eñin e men in kinak ñon io. 11 Ke I ar könök nuknuk ko eklep [Marshall Islands.] *3

12 Ro rej jijõt ilo kejem re konono kin ña; ro dri karek rej alkake iő.

13 A kin ña, ao jar ñon Yuk O Jeova, ilo ien kabuñburuom O Anij, ilo Am tiriamokake relõñ.

14 Kwon lomorio jen birikot, Kwon jab likit io in malon; ren lomorio jen ro dri kijirat io, im jen dren ko r'imlõl.

15 Ibij en jab kamaloñ iö; ijo imlõl en jab wõrõñõlok iõ, im roñ eo

en jab kili loñin ioo.

16 Kwon uak iõ O Jeova, bwe Am joij e emõn; kin Am tiriamokake relõn Kwon jujeltok nõn iõ.

17 Im kwon jab binej mejom jen korijerom, bwe na I jorran; Kwon

uak ið mökði.

18 Kwon kebaktok ñon ao im lomoren. Kwon wiaik ið kin að dri kijirāt.

19 Kwo jela ao kinak im ao jok, im air kananaik iõ; ro rej kijirãt

io, ir otemiej re imam.

20 Kinak eo e ar rupe buruo, I obrok kin erro, im I ar lale elañe jabrewõt eo en tiriamokake, a ejelok: im elañe eor dri kainemôn, a I ar lo ejelok.

21 R'ar letok ñon io at kijio, im ilo ao maro r'ar letok dren emuñ limo.

22 Air tebel imair en juon jen; im ñe re ainemõn men in en nokajir.

23 Mejeir ren top, bwe ren jab lo; im Kwon komon bwe ibir ren wurirrir ien otemjej.

24 Kwon lutčklok Am illu ioir: im Am illu ebwil en lukwörkwör ir.

25 Moko imweir ren jeebeplok, im ejelok en jokwe ilo im nuknuk ko

26 Bwe rej matortore eo Kw'ar dreñlokwe; im rej kenannek buromõj an ro Kw'ar kakinijnij ir.

27 Kwon kobaik nana ñon air nana; im ren jab dreloñ ñon iloan Am wanik.

28 Kwon jeorlok ir jen buk in mour; im jab jeje ir iben ro dru wanik.

29 A ña I jeramel im buromõj; Am lomor O Anij en likit iõ ijo eutiej.

30 I naj nebar etan Anij kin juon al; im I naj kalaplok E kin kamo-

31 Im men in e naj kabuñburuen Jeova elap jen kau, ak jen kau koman eor an drun im aki.

32 Ro r'inimon r'ar loe im monono, komeo komij bukot Anij, buruemi ren mour.

33 Bwe Jeova ej roñjake ro dri aikwij; im E jab kejekron dri prison ro An.

34 Lõñ im lõl ren nebar E, lometo ko im jabrewõt ej tobõllok iloir.

35 Bwe Anij e naj lomoren Zaion, im kalek jikin kwelok ko an Juda, im re naj jokwe ie, im e naj air wot.

36 Inen ro dri korijeran re naj bõke air jolit; im ro rej yokwe etan re naj jokwe iloan.

SAM 70.

Non dri lale al. Sam an Devid; men in kakememej.

O ANIJ, kwon kaiur Yuk in lomoriö; Kwon kaiur Yuk in jiböñ iö, O Jeova.

2 Ro rej kabukot aŏ, ren jok im kairer ir; kejebliklok ir im kananaik ir, ro rej mŏnŏnŏ in kejorran iŏ.

3 Ren jeblaklok kin air jok, ro re ba, Aha! Aha!

4 Ro otemjej rej kabukot Yuk, ren lõñliñ im mõnõnõ ilo Kwe: im ro rej yokwe Am lomor ren ba ien otemjej, Anij en laplok.

5 A ña I jeramel im aikwij; Kwon jarõptok ñõn iba, O Anij, Kwe aõ dri jibõñ im aõ dri lomor. O Jeova

kwon jabrumijtok.

SAM 71.

O JEOVA ij liki Yuk; in jamin jok ñon in drio.

2 Kwon kötlok ið ilo Am wänik, im likit bwe in ko: Kwon kajirtok lojiliñöm ñön ið im lomoriö. 3 Kwon einwõt dreka in jokwe ñon io; eo in maroñ in ilok ñon e ien otemjej: Kw'ar kaiñi in lomorio, bwe Kwe ao dreka, im ao me.

4 O ao Anij, kwon komon bwe in ko jeu pein dri nana eo, jen pein armij eo e jab wanik im elej.

5 Bwe Kwe ao kejatrikrik, O Iroij Anij, im ao men in liki jen ke I ar

ajiri.

6 Kw'ar kwotőkið jen lojien; Kw'ar bők ið jen lojien jinð; að nebar e naj kin Kwe ien otemjej. 7 Ña men in bwilðn non elon: a Kwe að likepijnök ekajur.

8 Loñio e naj obrok kin nebar Yuk, im kin Am aibujuij iomin

aolepen ran.

9 Kwon jab jolok ið ñe I naj kanuij ridto; Kwon jab illok jen ña ñe I möjinolok.

10 Bwe ro dri kijirāt ið rej konono kin ið; im ro rej kili að re bebe iben dron.

11 Im ba, Anij e ar likit e, komin lukwörkwör e im böke, bwe ejelok in lomor.

12 O Anij kwon jab etolok jen ña; O ao Anij kwon kaiur Yuk in jiboñ io.

13 Ren jok im etöp, ro rej kijirāt aö; ren libubu kin kinak, im kananaik ir rej kabukot in kokkure iö.

14 A ña I naj kejatrikrik ið ien otemjej, im I naj nebar Yuk im kalaplok að nebar.

15 Loñió e naj kennan kin Am wanik, im kin Am lomor aolepen ran; bwe I jaje bwinbwin ko an.

16 I naj itok im iba komon ko rekajur an Iroij Jeova: I naj konono kin Am wanik: Am wot.

17 O Anij kw'ar katakin ið ien að ajiri, im ñön ien in I ar kwalok kömön ko Am, re men in bwilöñ.

18 Yokwe, ñe I naj ridto im učn kolan böra O Anij, kwon jab illok jen ña, mae ien emwij ač kwalok Am kajur ñŏn bar juŏn ebeben; Am maroñ potata ñŏn ir otemjej re naj itok. 19 Am wänik bareinwöt O Anij, e kanuij utiej: Kw'ar kömön men ko relap, O Anij, wõn eo ej einwöt Kwe?

20 Bwe Kw'ar kwalok ñon kim jorran ko reloñ im renana; Kwo naj bar kãejmour kim, im naj bökliñlok kim jen imlöl ko in ene.

21 Kwon kalaplok ao lapen, im

oktök im kainemõn iõ.

22 I naj bareinwöt nebar Yuk kin ken kajõñjõñ salteri, aet Am mol, O aŏ Anij: ñŏn Kwe I naj al im nebar kin arp, O Kwe dri kwojarjar in Israel.

23 Tiố re naj kanuij lõñliñ ñe I naj al ñồn Kwe kin nebar ko, im

ao eo Kw'ar lomoren.

24 Loō bareinwōt e naj konono kin Am wānik iomin aolepen ran; bwe re jok im kairer ir, ro rej bukot in kokkure iō.

SAM 72.

Sam an Solomôn.

O ANIJ kwon lelok ekajet ko Am ñon kiñ eo, im wanik non eo neiin kiñ.

2 E naj ekajet ro dri ailiñ eo Am ilo wanik, im dri jeramel ro Am

kin ekajet.

3 Tol ko re naj böktok ainemõn ñõn ro dri ailiñ eo, im tol ko redrik, ilo wanik.

- 4 E naj ekajet ro dri jeramel an ailiñ eo, E naj lomoren ro nejin dri aikwij ron, im E naj ruprupe dri matortor.
- 5 Re naj mijok yuk ke al ej berwot, im iman aliñ, iomin ebeben otemjej.
- 6 E naj wönlöltok einwöt wut ion ujoij emwij bukwelok, einwöt wutrikrik ko re kaimlolo ene.

7 Ilo ran ko an ro remon re naj jerammon, im e naj lon ainemon mae ien joko alin.

8 E naj bareinwöt iroij jen lomalo ñon lomalo, im jen river eo ñon

jemlokön ko jemlokön löl.

9 Ro dri ene jemaren re naj barikrik jen e, im ro dri kijiräte re naj drömij böñölñöl.

10 Kiñ ro an Tarsis, im an ailiñ ko, re naj böktok men in lelok ko, kiñ ro an Siba im Shiba re naj lelok jurtak ko.

11 Yokwe kiñ ro otemjej re naj buñbero iman; ro dri ailiñ ko otem-

jej re naj korijer ñon e.

12 Bwe e naj kötlok ro dri aikwij ke rej lamij, im ro dri jeramel, ro ejelok air dri jiboñ.

13 E naj tiriamokake ro dri jeramel im ro dri aikwij, im e naj lomoren mour an ro dri aikwij.

14 E naj wiaik air jen matõrtõr im kokkure, im e naj aurõk botõk-

tőkir iman mejen.

15 Im re naj mour, im ñon e re naj lelok gold in Siba: im armij re naj jar kin e ien otemjej; re naj kamononoik e iomin aolepen ran.

16 E naj'löñ korn ilo ene ion jabön tol ko; leir e makötkit einwöt Lebanön: im ro dri jikin kwelok eo re naj edreklok einwöt ujoij in ene.

17 Etan e naj berwöt ñon in drio; etan e naj ber einwot al, im armij re naj jerammon ilo e; ro dri ailin otemjej re naj naetan dri monono.

18 Emőnőnő Jeova Anij, Anij in Israel, eo wőt Ej kőmőn men in bwilőñ ko.

19 Tm en

19 Im emŏnŏnŏ etan e aibujuij ñŏn in drio; im aolepen lŏl in en obrŏk kin an wuj. Amen, im Amen.

20 Emwij jar ko an Devid, nejin Jesse.

SAM 73.

Sam an Esaf.

E^{MOL} Anij e joij ñon Israel, ñon ro erreo burueir.

2 A kin ña, neið re kar nañin joko; buñten neið r'ar nañin jir.

- 3 Bwe I kar junmar ro re jua, ke I ar lo an ro dri nana jerammõn.
- 4 Bwe ejelok iñtan ilo air mij; ak kajur eo air ebin.
- 5 Re jab jorran einwõt armij ro jet, im jab kokkure ir einwõt ro jet. 6 Inem jua ej kabol burueir ein-

35

wot tomere, matortor ei kalibubu ir | Kwe? Im ejelok ion lol ij onkake, einwöt kobe.

7 Mejeir rebőj kin mattők, ibeir előñ jen burueir re maroñ in könan.

8 Re kajirere, im ilo nana rej konono kake matortor, re burollan wõt.

9 Rej likit loñir nae lõñ ko, im loir rei etetal ilo lõl.

10 Inem armij ro An re jeblaktok ñon ijin, im dren ko in kop eloñ emwij uñtake ñon ir.

11 Im re ba, Ekijkan Anij e jela? Eorke jelalokjen iben Eo eutiej-

tata?

12 Lo rein ro dri nana, im ilo air ainemõn ien otemiei re koorlok mweiuk ko.

13 Emol ejelok tokjen ač karreo buruo, im amini peio ilo jab ruo.

14 Bwe iomin aolepen ran ar kaiñtan iõ, im ilo jibõñ otemjej emwij kajeik iõ.

15 Elañe I ar ba, E naj ein drein ao konono, lo I naj kar komon men in mon ñon ebeben in ro nejom.

16 Ke I ar lemnok, ekijkan I naj maroñ in jelakake men in, e ar men in jorran ilo meja.

17 Mae ien ao ilok ñon jikin kwojarjar an Anij, im kalomonlokjen kin jemlok air.

18 Emol Kw'ar likit ir ilo jikin jirlok ko: Kwoj jolollok ir ñon kokkure.

19 Etke rej einwöt jeebeplok mökõj? Re joko otem joko kin men ko men in kalelñoñ ir.

20 Einwöt tõnak ke juõn eruj, ein drein O Iroij, ñe emwij Am ruj Kwo naj kejekron waweir.

21 Bwe buruo e ar buromoi, im e kar lil ubő.

22 Ein drein I ar nañin einwôt juon kiru, im jab jelalokjen; I ar einwöt kiru awia iman meiom.

23 Mekarta ña ij ibôm ien otemjej: Kw'ar drebij anbijmaroñio.

24 Kwo naj bakajen ao ial kin Am bebe, im tokelik bõk iõ ñõn aibujuij.

25 Won eo ao ilo lon ko elane jab jin loi.

a Kwe wôt.

26 Köniekiö im buruö re kijelok; a Anij e kajur in buruo, im ao men in jolit ñon in drio.

27 Bwe lo, ro retolok jen Kwe re naj joko; Kw'ar kokkure ir otemjej rej illok jen Kwe ilo lũñ ko.

28 A emon iba bwe in kebakwoj ñon Anij; I ar komon Anij Jeova ao likepijnok bwe in kennan kake jerbal ko Am otemjej.

SAM 74.

Maskil an Esaf.

ANIJ etke Kw'ar jolok kim ñon in drio? Etke Am illu ei batat nae šip ko ilo melaj eo Am.

2 Kwon kememej jar eo Am, kw'ar wiaik e jen ien ko retolok; eo Kw'ar lomoren bwe en bwijin eo Am jolit; im tol Zaion Kw'ar jokwe iloan.

3 Kwon lelifilok neom ñon men ko men in jeebeplok ñon in drio, aolepen nana dri kijirat eo e ar komon ilo jikin kwojarjar.

4 Ro dri kijirāte Yuk r'ar rorror ilo bwiljin jar eo Am; r'ar leliñlok flag ko air einwõt kakõle ko.

5 R'ar einwõt armij rej kwotõke mal ko nae wijki ko re kut.

6 Im kiö men ko otemjej r'ar tiltil kin naip rej jimor kokkure kin mal ko im kin ammer ko.

7 R'ar tili kin kijeek imõn kwojarjar eo Am: r'ar kananaik mweo. ijo etőm ej jokwe, ñőn brij wőt.

8 R'ar ba ilo burueir, Jen kokkure ir jimor: r'ar tili imon kwelok ko otemjej an Anij ilo ene eo.

9 Kim jab lo kakõle ko Am; ejelok bar juon dri kanan, im ejelok juon ibem eo e jela ietoon.

10 Ietočn O Anij, dri kijirat eo e naj kitőtőkake? Dri kijirat eo e naj blaspim etőm ñőn in drio ke?

11 Etke Kwoj kekake pelom, aet anbijmaroñom? Kwon boke jen ubom im kokkure ir.

12 A Anij ao Kiñ jen ien ko remotelok, E jerbale lomor ilo bwil-

13 Kw'ar kijbil lomalo eo kin Am | kajur, Kw'ar ruji boran drakon ko

ilo dren ko.

14 Kw'ar ruji ilo mõtõn ko bõran Livaiatan, Kw'ar lelok e ñon ro rej jokwe ilo ene jemaren eo bwe en kijeir.

15 Kw'ar belaj unin dren, im ibij;

Kw'ar karoj river ko relap.

16 Ran eo Am, boñ bareinwôt Am; Kw'ar kapojõk maram im al. 17 Kw'ar likit toreren ko in lõl;

Kw'ar komon ien manan im ien ebio.

18 Kwon kememej men in, ro dri kijirāt r'ar kitotokake, O Jeova, im jar an dri bwebwe r'ar kejekron

19 Kwon jab lelok ñon kiru awia mour an tortel dov eo Am: Kwon jab meloklok kin mour an dri jeramel ro Am ñon in drio.

20 Kwon lale bujen eo, bwe jikin ko remarok an lõl robrõk kin mo

ko imon kokkure.

21 O Kwon jab likit bwe ro emwij matortor ir ren jok im jeblak, ro dri jeramel im ro dri aikwij ren nebar etőm.

22 Kwon jerkak O Anij, kwon aituerõk kin men ko Am; kwon kememej ekijkan dri bwebwe eo ej kitőtőkake Yuk iomin aolepen ran.

23 Kwon jab meloklok ainiken ro dri jumae Yuk; iruij an ro rej jerkak nae Yuk eliñlok ien otemjej.

SAM 75.

Non dri lale al. Al-tasheth. Sam an Esaf. Juon al.

K IM kamolol Yuk O Anij, kim kamolol, bwe ebak etom; armij rej kennan kin jerbal ko Am, men in bwiloñ.

2 Ne I naj lo ien emwij bebe kake,

I naj ekajet jime.

3 Lõl im ro dri lõl otemjej re unlok: I ar kajutők jur ko an. Sela.

4 I ar ba ñon ro dri jua, Komin jab jualonlon; im non ro dri nana, Komin jab leliñlok drun.

5 Komin jab kanuij koutiej drun | 12 E naj bukwelok mour an iroij

eo ami: komin jab konono im ebin kenwami.

6 Bwe leliñlok e jab itok jen rear, ak jen kabilűñ, im jab jen rök.

7 A Anij e dri ekajet, Ej kotaik

juon im koutiej bar juon.

8 Bwe ilo pein Jeova juon kop im wain eo ej lijemõrmõr; ej elõñ kin men in karek, im E katorlok jen e: emol ro dri nana otemjej in lõl re naj uñtake, im irak men re jo.

9 A ña I naj kwalok ñon in drio, I naj nebar im al ñon Anij in

Jekob.

10 Drun ko otemjej an ro dri nana I naj bukwe, a drun ko an ro remôn naj koutiej ir.

SAM 76.

Ñon dri lale al, ion ken kajōnjon eor toair. Sam an Esaf. Juon al.

ILO Juda re jela Anij, elap etan ilo Israel.

2 I Selem bareinwöt imön kaber eo An, im mweo imon ilo Zaion.

3 Ijo E ar kabwilok mõri ko im libon; likepijñők eo im jáji im ketak. Sela.

4 Kwe aibujuij im emõntata jen tol ko in rakimi.

5 Emwij rakimi ro ekajur burueir; r'ar kiki mitõñ, im armij rekajur otemjej r'ar jab lo peir.

6 Kin Am kowe ir O Anij in Jekõb, jariõt im ors r'ar kiki mitõñ.

7 R'ar lelñoñ kin Yuk, kwe wôt, im won e naj jutok iman mejom ñe emwij Am illu?

8 Kw'ar komon bwe ren ronjake ekajet jen lõñ; lõl e ar mijõk im

kakije.

9 Ke Anij e ar jerkak ñon ekajet, in lomoren ro otemjej an lõl ro etã burueir. Sela.

10 Emol illu an armij ron e naj nebar Yuk; maton illu Kwo naj

kãñõr Yuk kake.

11 Komin kalimur im kamol e ñon Jeova ami Anij: ro otemjej rej ber iturin ren böktok men in lelok ñon eo emon ren lelñoñ kake.

ron; E men in lelñoñ ñon kiñ ro an lol.

SAM 77.

Ñõn dri lale al. Ilo wãwen Jeduthun. Sam an Esaf.

I NAJ lamij ñon Anij kin ainikio, aet ñon Anij kin ainikio, im E naj eoroñ io.

- 2 Ilo ran in jorran eo ao I ar bukot Iroij; I ar erlokwe peio ke eboñ im e jab kakije; ao e ar abwin bwe ren kainemon e.
- 3 Ij kememej Anij im abwinmõke; I lotan im aõ ej kijelok. Sela.
- 4 Kwoj drebij meja jen kiki; I lil im ban konono.
- 5 I ar kalomõnlokjen kin ran ko remotelok, yiö ko an ien ko mokta.
- 6 I kememej að al ilo boñ, I kalomðnlokjen ilo buruð im að e kanuij kabukot.
- 7 Iroij en jolok ñon in drio ke? Im E jamin bar jeraik ke?
- 8 An tiriamo e joko otem joko ñon in drio ke? An kalimur e mojinolok in drio ke?
- 9 Anij e ar meloklok kin joij ke? Ilo An illu E ar kili an tiriamokake ke? Sela,
- 10 Im I ar ba, Eñin ao mojino, a I naj kememej yio ko an anbijmaroñon Eo eutiejtata.
- 11 I naj konono kin jerbal ko an Jeova, I naj kememej men in bwilõñ ko Am jen ien ko remotelok.
- 12 I naj kalomõnlokjen kin aolepen Am jerbal, im lemnok kin kõmõn ko Am.
- 13 Am ial O Anij ilo jikin kwojarjar: won eo anij elap einwot Anij?
- 14 Kwe Anij eo Ej kömön men in bwilöñ ko; Kw'ar kwalok Am kajur iben ro dri ailiñ ko.
- 15 Kw'ar lomoren ro dri ailiñ eo Am kin anbijmaroñôm, ro nejin Jekôb im Josep. Sela.
- 16 Dren ko r'ar lo Yuk, O Anij, dren ko r'ar lo Yuk im mijŏk; imlöl ko re bareinwŏt wurirrir.

17 Kõro ko r'ar katorlok dren; mejatoto e ar kwalok ainiken; mõri ko Am re bareinwõt käki.

18 Ainiken Am jorur ilo aire ko; jarom ko r'ar kamramlok lol: ene e ar wurirrir im makotkit.

19 Ial eo Am e ar ilo lometo, im etal ko Am ilo dren ko relap, im buñten ko buñten neõm r'ar jaje kaki.

20 Kw'ar tellok ro dri ailiñ eo Am einwôt bwijin šip kin pein Moses im Aarôn.

SAM 78.

Maskil an Esaf.

O DRI ailiñ eo aő, komin eoroñ Aő kien; komin kajirtok lojiliñemi ñőn nan ko nan in loñiő.

2 I naj walōñi loñiō ilo wan jō-ñok; I naj konono kake nan ko retino jen ien mokta.

3 Nan ko kim ar roñjake im jelakake; im ro jimam r'ar kenannek kim.

4 Kim jamin noji jen ro nejiir, im naj kennanek ñon ebeben e naj itok nebar ko an Jeova, im An kajur, im men in bwilon ko E ar komonmoni.

5 Bwe E ar kajur men in kennan ilo Jeköb, im likit kien ñön Israel, eo E ar kaiñi ñön ro jimam, bwe ren kajelaik ro nejiir kaki.

6 Bwe ebeben eo enaj itok en jela kajeir, im ro nejiir re naj lotak; ro re naj jerkak im kenannek kaki ro

7 Bwe ren likit air kõtõmene ilo Anij, im jab meloklok jerbal ko an Anij, a ren bokake kien ko An.

8 Im ren jab einwöt ro jimair, ebeben e böt im e kabata; ebeben eo e ar jab likit burueir bwe ren jimwe, im air jitöb e ar jab rim iben Anij.

9 Ronejin Ipraim, eor ken törinae ibeir, im libon ko, r'ar oktöklik ilo ran in törinae.

10 R'ar jab kejbãrok bujen eo an Anij, im abwin in etal ilo kien eo An.

11 Im r'ar meloklok komon ko imon kaber ko air, im iturin mo ko An, im jerbal ko men in bwilon E ar kwalok ñon ir.

12 E ar komon men in bwilon ko iman mejen ro jimair, ilo ene Ijipt,

ilo melaj eo an Zoan.

13 E ar kijbil lomalo eo, im kõmõn bwe ren etallok iloan: im E ar kajutôk dren ko einwôt ejoij.

14 Ilo ran E ar tel ir kin kõro, im iomin aolepen boñ kin maram in

kijeek.

- 15 E ar ruje dreka ko ilo ene jemaren, im lelok ñon ir limeir eloñ jeu imlõl ko.
- 16 E ar bareinwõt bõktok katarakt ko jen dreka, im katorlok dren ko einwõt river.

17 Mekarta, r'ar etal wõt im jerawiwi nae E, im kabata nae Eo eutiejtata ilo ene jemaren eo.

18 Im r'ar melejoñ Anij ilo burueir kin air kajitok kijeir ñon air

dőr.

19 Aet, r'ar konono nae Anij, im r'ar ba, Anij e maroñ in kapojôk tebel i ene jemaren ke?

20 Lo E ar jebők dreka, inem dren ko r'ar torlok, im river előnmejiriir: E bareinwőt maroñ in letok bred ke?

21 Kin men in Jeova e ar illu, kejo kijeek nae Jekõb, im illu e ar wõñliñlok nae Israel.

22 Bwe r'ar jab tomak Anij, im

iab liki An lomor.

23 Mekarta, E ar jiroñ mejatoto ilon, im kebellok aur ko in lon.

- 24 Im E ar kowutlok manna ioir bwe ren mõña, im E ar lelok ñõn ir korn in lõñ.
- 25 Armij r'ar mõña bred an ro rekajur; E ar jilkinlok ñon ir kijeir bwe ren mat.
- 26 E ar komon bwe koto in rear en ukwe i mejatoto; im kin kajur eo An E ar kajimetok kõto jen rok.
- 27 E ar kowut kõniek bareinwõt ioir einwöt böñölñöl, im bao ko eor peir einwot bok in lometo.

28 Im E ar kowutlok e ilo bwiliin

imweir:

29 Ein drein r'ar mõña im remat, im E ar lelok ñon ir men ko r'ar kanuij oñkaki.

30 R'ar jañin jolok air dor, kijeir e

ar berwőt ilo loñir;

31 Inem illu an Anij e ar wonliñlok nae ir, im E ar mõn jet ian ro remattok ibeir, im jebők ñőn lől ro likao, ro dri kalet in Israel.

32 A jekron men kein otemjej, re jerawiwi wot, im jab tomak men

in bwilon ko An.

33 Kin men in E ar jeroane ran ko air ilo wan, im viõ ko air ilo lelñoñ. 34 Ke E ar mon ir, ien eo r'ar kabukot E, im r'ar jeblak im kajitok mõkõj kin Anij.

35 R'ar kememej bwe Anij e air dreka, im Anij eo eutiejtata air Dri

36 A r'ar etao ñon E kin loñir, im r'ar riop non E kin loir.

37 Bwe burueir r'ar jab jime iben, im r'ar jab tiljek ñon bujen eo An.

- 38 A Eo, eobrõk kin tiriamo, E ar jolok air nana, im E ar jab mon ir; aet előñ alen E ar kajeőr An illu. im E ar jab biuktok aolepen illu eo An.
- 39 Im E ar kememej bwe r'ar koniek wot, juon koto ej ilok im jab jeblaktok.
- 40 Előñ alen air kabata nae E ilo ene jemaren, im kaburomõj E ilo ene rarok eo.
- 41 Im r'ar bar oktők im melejoñ Anij; im kakitőtőik Eo ekwojarjar an Israel.
- 42 R'ar jab kememej pein, ak ran eo ke E ar lomorir jen dri kijirat eo.
- 43 Ekijkan E ar likit kakõle ko An ilo Ijipt, im men in bwilon ko An ilo ene Zoan.
- 44 Im E ar kõmõn river ko air erőm bőtőktők, river ko redrik bwe ren ban irak ie.
- 45 E ar jilkinlok ñon ibeir bwijin lõñ ko r'ar kãñi ir, im frog ko r'ar kokkure ir.
 - 46 E ar lelok air jonikon ñon lika-

krok eo, im air jerbal non lokos i ko.

47 E ar kokkure vain ko air kin wut ebin, im air wijki sikamor kin bio.

48 E ar bareinwőt lelok kiru kau ko air ñon wut ebin, im air bwijin šip ñon jarom ko rebwil.

49 E ar jilkinlok ñon ibeir bwil in illu eo An, libopne, illu, im jorran,

juon jar an enjel ro renana.

50 E ar komon ial non illu eo An. E ar jab kejbãrok air jen mij, a E ar lelok air mour ñon nañinmij enana.

51 Im E ar mon manji ron otemjej i Ijipt, lukuwon air kajur ilo mo ko imõn Ham.

52 A E ar tellok ro dron einwöt šip ko, im E ar tel ir ilo ene iemaren einwöt bwijin sip.

53 Im E ar tellok ir ilo ainemõn. inem r'ar jab lelñoñ; a lomalo eo e

ar kamaloñ ro dri kijirãt ir.

54 Im E ar tel ir ñon toreren jikin kwojarjar eo An, im ñon tol in, eo anbijmaroñon e ar wiaik e.

55 E ar ubakelok ro dri ailiñ ko jen imair, im E ar ajej ñon ir air jolit kin to in joñok, im E ar kőmon bwe bwijin Israel ren jokwe ilo im nuknuk ko air.

56 Mekarta r'ar melejoñ im kabata nae Anij eo eutiejtata, im r'ar jab

keibarok kien ko An.

57 A r'ar oktôklik im kômôn ilo mon einwöt ro jimair: r'ar jeor einwőt libon eo etaőik.

58 Bwe r'ar añotñote E kin air jikin kabuñ reutiej, im r'ar kamoik E kin air men in e, r'ar jekjeki.

59 Ke Anij e ar ronjake men in, E ar illu, im E ar kanuij jõjõik Israel.

60 Inem E ar illok jen imõn kaber in Sailo, im nuknuk eo E ar likit iben armij ron.

61 Im E ar ketők an kajur ñőn jebokwe, im aibujuij eo an ñon pein dri kiirat.

62 E ar bareinwöt lelok ro dron non jaji, im E ar illu nae jolit eo An. ailiñ ko re jab kir ilo etom.

63 Kijeek e ar kãñi likao ro air, im jiroñ ro air ejelok air al in belele.

64 Pris ro air r'ar buñ kin jaji. kõra ejoko beleir r'ar jab joñõt ir. 65 Inem Iroij e ar ruj einwôt juôn armij jen kiki, einwöt juon armij

ekajur eo ej lamij kin wain.

66 Im E ar jebokliklok ro dri kijirāt ir, im E ar kajok ir ñon in drio. 67 Bareinwöt E ar abwin im nuknuk ko an Josep, im E ar jab kalet bwijin Ipraim.

68 E ar kalet bwijin Juda, tol

Zaion eo E ar vokwe.

69 Im E ar kalek imőn kwojarjar eo An einwõt tol ko reutiej, einwõt lol eo E ar kabin e ñon in drio.

70 E ar bareinwõt kalet Devid korijeran, im bôk e jen worwor in

šip.

71 Jen an lore šip kokora ron rej kaninnin. E ar boke, bwe en najirik Jekob, ailiñ eo An, im Israel An iolit.

72 Ein drein e ar najirik ir ekar ñon wanik in buruen, im e ar tel ir

kin mejerik in pein.

SAM 79. Sam an Esaf.

ANIJ ro dri ailiñ ko r'ar drelonlok ilo Am jolit: tempel ekwojarjar Am r'ar kananaik e: r'ar ukot Jerusalem ñon be ko.

2 R'ar lelok ubeir ubon ro dri korijerom non bau ko in mejatoto bwe ren kijeir, kõniekin ro remõn Am ñon kiru ko in lol.

3 R'ar katorlok bötöktőkir einwőt dren iturin Jerusalem, im ejelok en kalibwin ir.

4 Kim ar erőm men in kinaklok ñon ro dri turum; men in kajok im kitőtőkake ñőu ro rej ber iturum.

5 Ietočn O Jeova, kwo naj illu ñon in drio ke? Ekamo Am e naj

urur einwöt kijeek ke?

6 Kwon katorlok Am illu ion ro dri ailiñ ko re jaje Kwe, im ion dri

beplok mweo imom.

8 Kwon jab kememej nae kim jerawiwi ko an ro jimam, Kwon kaiur Yuk, im tiriamo ko Am ren wõnmae kim, bwe r'ar kanuij kõtaik kim.

9 Kwon jibon kim, O Anij in amuij lomor, kin aibujuij in etom, im Kwon lomorem, im karreolok jerawiwi ko am kin etom.

10 Etke ro dri ailiñ ko ren ba,

Ewi Anij eo air? Irenwone kin bötöktökin ro dri korijeröm, e ar torlok, ren jelakake iben ro dri ailiñ ko iman mejem.

11 Jabjenmenoan an dri jebokwe en itok imam, ekar ñon kajur eo Am elap, Kwon kejbãrok ir ro drien

12 Im Kwon nawonan ñon ro dri turum ilo ubeir, jiljilimjuon alen air kinaklok Yuk kake, O Iroij.

13 Ein drein kim ro drom, šip ko an melaj eo Am, kim naj kamolol Yuk ñon in drio; kim naj kwalok Am nebar ñon ebeben ro otemjej.

SAM 80.

Non dri lale al; Shoshannim Eduth. Sam an Esaf. K WON eoroñ, O Seperd in Israel, Kwe kwoj tel Josep einwöt bwijin šip, Kwo jijot ion kerub ko.

Kwon romaktok. 2 Iman Ipreim im Benjamin im Menassa, Kwon kworuj Am kajur,

im iten lomorem.

3 Kwon bar kaukot kim, O Anij, im komon bwe turin mejom en romak, im naj lomorem.

4 O Jeova, Anij in jar in tõrinae ko, ietoon Am naj illu nae jar an

dri ailiñ eo Am?

5 Kw'ar najirik ir kin bred in kenıjalal, im Kw'ar lelok ñon ir limeir előñ dren in kemjalal.

6 Kwoj komon bwe kimin men in akwail iben ro dri turum; im ro dri kijirate kim rej tõnkake iben dron.

7 Kwon bar kaukot kim, O Anij in jar in torinae ko, im komon bwe

7 Bwe r'ar kañi Jekob, im kejee- turin mejom en romak, im naj lomorem.

> 8 Kw'ar boktok juon vain jen Ijipt; Kw'ar ubakelok ro dri ailiñ ko im kalibwin e.

9 Kw'ar karreo ene iman, im e ar komon okrair imlol, im e ar kobrok ene eo.

10 Tol ko r'ar libubu kin lurin, ra ko ran r'ar einwõt sidar ko an Anij.

11 E ar bukwelip ra ko an ñon lomalo, im ro nejin ñon river eo elap. 12 Etke Kw'ar kabwilők worwor ko an, im ein drein ro otemjej rej elalok rej lote?

13 Pig koman jen wijki ko ej kokkure, im kiru ko rawia jen melaj re

mõña e.

14 Kwon bar jujeltok, kim akwelap ñon Yuk, O Anij in jar in torinae ko, Kwon reilöltok jen lõñ im lale im lotok vain in.

15 Im Kwon lale men eo anbijmaroñom e ar kalibwin e, im ra eo Kw'ar kakajur ñon Kwe moke.

16 Emwij an urur ilo kijeek, emwij bukwe; re joko kin an turin mejõm enoik ir.

17 Peiom en ion armij in anbijmaroñom, ion nejin armij eo Kwoj kakajure ñon Kwe moke.

18 Ein drein kim jamin jeblaklok jen Kwe: Kwon kemour kim im

kim naj kirtok etőm.

19 Kwon bar kaukot kim O Jeova, Anij in jar in tõrinae ko; Kwon komon bwe turin mejom en romak, im nai lomorem.

SAM 81.

Non dri lale al ilo Gittit. An Esaf.

K OMIN kalaplok al ñŏn Auij, amuij kajur: komin kwalok ainiken lõñliñ ñõn Anij in Jekõb.

2 Komin kwotoke Sam ko, im boktok timbrel, im arp emon, im salteri.

3 Komin jilil ñe ekal aliñ, ñe ero-

lul aliñ, ilo ran in kwojkwoj eo am. 4 Bwe e juon kien non Israel, nan in kaiñi an Anij an Jekõb.

5 E ar likit e ilo Josep bwe en nan

in kalimur, ke e ar drioijtok ion ene Ijipt, ijo I ar rofijake konono I ar jajekake.

6 I ar bok aieran jen ine eo; emwij kõtlok pã ko pein jen kilok

7 Kw'ar kir ilo jorran im I ar kokok yuk; I ar uak yuk ilo jikin etino an jorur: I ar melejon vuk i dren ko in Meriba. Sela.

8 Komin eoroñ, O dri ailiñ eo Aő, im I naj kennan ñon yuk; O Israel elañe komin konan ronjake io!

9 E naj ejelok anij drua ibemi, im komin jamin kabuñ ñon juon anij drua.

10 Ña Jeova ami Anij, eo E ar kadrioijlok yuk jen iloan ene Ijipt: kwon walôñi loñôm im I naj kobrok e.

11 A ro droo, r'ar jab eoron ainikio, im Israel e ar jab konake Io.

- 12 Inem I ar likit ir ñon benawia in burueir, bwe ren etal wot ilo bebe ko air.
- 13 O I kõnan bwe ro droo ren eoroñ Iô, im Israel en etal ilo ial ko Aõ!

14 Inem I naj kar kõtaik ro dri jumae ir, im ukot peio nae ro rej kijrāt ir.

15 Ro rej drike Jeova re naj kar kõtaik ir mõke ñõn ir, a air ien e

naj kar ber ñon in drio.

16 E naj kar najirik ir kin wit emõnpotata, im kamat ir kin hõnni jen dreka.

SAM 82.

Sam an Esaf.

NIJ ej jutčk ilo jar an Anij; ej A ekajet i bwiljin anij ron.

- 2 Ietočn kom naj ekajet im jab jime, im kabwiloklok mejen ro dri nana? Sela.
- 3 Komin ekajet ro dri jeramel im ro ejelok jimair, komin komon wanik ñon ro dri jorran im ro ejelok
- 4 Komin lomoren ro dri jeramel im ro dri aikwij; komin kõtlok ir jen pein dri nana.

5 Re jab jela im re jab melele, rej etal ilo marok; lontak otemjej in lõl re makõtkit.

6 I ar ba, Kom anij ron, im kom otemjej ro nejin eo Eutiejtata.

7 Mekarta kom naj mij einwõt armij, im einwöt juon ian bwirok ron kom naj buñ.

8 Kwon jutôk O Anij, kwon ekajet lõl in, bwe kwo naj jolit ailiñ ko

SAM 83.

Juon al. Sam an Esaf.

O ANIJ kwon jab ikon; Kwon jab kejeklokjen im jab kakije, O Anij.

2 Bwe lo ro dri jumae Yuk rej iruij; im ro dri kijirat Yuk r'ar le-

liñlok bőrair.

- 3 Rej bebe kake mon nae ro drom, im bebe iben dron nae ro Kw'ar noj
- 4 R'ar ba, Komin itok, im jen bukwelok ir bwe ren jab juon ailin, bwe armij ren jab bar kememej etan Israel.
- 5 Bwe r'ar bebe iben dron im burueir wot juon; rej komon bujeir nae Yuk.
- 6 Mo ko im nuknuk an Idom, im ro dri Ismael, Moab im ro dri Hegar;

7 Gibal, im Ammon, im Amalek;

Pilistia iben ro dri Tair:

8 Assiria bareinwõt ej koba ibeir, r'ar jibõñ ro nejin Lot. Sela.

- 9 Kwon komon non ir einwot non Midian, einwôt ñôn Sisera, im Jebin i river Kaison:
- 10 Ro r'ar joko i Endor; r'ar erom einwöt kubwe ñon ene.
- 11 Kwon komon leatoktok ro air einwõt Ziba im Zalmunna.
- 12 Ro r'ar ba, Jen bõk mo ko imõn Anij ñon kim moke bwe ren am.
- 13 O ao Anij kwon komon ir einwõt monõknõk ilo aire, einwõt kilin wit iman kõto.

14 Einwõt kijeek ej tili wijki ko, einwõt urur ej kejo kijeek ilo tol ko.

ir kin lañ eo Am, im kalelñoñ ir kin ñot eo Am.

16 Kwon kobrok turin mejeir kin jok, bwe ren bukot etom, O Jeova.

17 Ren jok im lelñoñ ñon in drio,

aet ren kaiur ir im ren joko.

18 Bwe ren jela bwe Kwe wot, im etom Jeova, Kwo eo eutiejtata ion aolepen lölin.

SAM 84.

Non eo ej lale al. Ilo Gittit. Sam an ro nejin

ENAÑIN men in yokwe imôn kaber ko Am, O Jeova in jar in tõrinae ko.

- 2 Ao ej oñkake, aet ej kijelok wot kin worwor ko an Jeova. Buruo im koniekio re lamij non Anij emour.
- 3 Yokwe bao sparro e ar lo mweo imon; im bao swallo e ar lo juon il eo an ijo en likit niñniñ ro nejin, lokatok ko Am, O Jeova in jar ko jar in tõrinae, aõ Kiñ im aõ Anij.

4 Emőnőnő ro rej jokwe ilo mweo imom, re naj etal wot ilo nebar Yuk.

Sela.

5 Emonono armij eo an kajur ilo Kwe; eo ilo buruen ial ko ñon Zaiõn.

6 Ke rej driblok komlôl in jôñ, rej komon e jikin unin dren ko, aet wut eo mokta ej kalibubu e kin ierammon ko.

7 Rej ilok jen kajur ñon kajur, ir otemjej re naj walok iman Anij i

Zaion.

8 O Jeova Anij in jar in tõrinae ko, Kwon ronjake ao jar, Kwon eoroñ io, O Anij in Jekob.

9 Kwon lo, O Anij amuij likepijñők, im reilok ñőn mejen Am dri

kabit.

10 Bwe juon ran iloan worwor ko Am emonlok jen juon tausan ran; ña emon iba bwe in dri lale aur ilo imon ao Anij, jen ao jokwe ilo im nuknuk ko an jerawiwi.

11 Bwe Jeova Anij juon al im likepijnok: Jeova e naj letok jojj im

15 Ein drein Kwon lukwõrkwõr aibujuij; E naj drebij ejelok men eo emon jen ro rej etal ilo wanik.

> 12 O Jeova in jar in tõrinae ko, emonono armij eo ej liki Yuk.

SAM 85.

Ñon dri lale al. Sam an ro nejin Kora.

W'AR joij ñon ene eo Am, O K W'AR JOH HOA CAN Jeova, kw'ar kejeblaktok jebokwe an Jekob.

2 Kw'ar jolok nana an ro drom, Kw'ar kalibubu aolepen air jerawiwi. Sela.

3 Kw'ar boklok aolepen libopne eo Am; Kw'ar oktok jen bwil in illu eo Am.

4 Kw'ar ukot kim, O Anij in amuij lomor, im kejemlok Am libõbne ñon kim.

5 Kwo naj illu ñon kim ñon in drio ke? Kwo naj kaitoklok Am illu ñon ebeben ko otemjej ke?

6 Kwo jamin kãejmour kim bwe ro drom ren lõñliñ ilo Kwe ke?

7 O Jeova kwon kwalok Am tiriamo ñon kim, im letok ñon kim Am lomor.

8 I naj ronjake ta eo Jeova Anij e naj ba; bwe E naj konono kin ainemon non ro drou, im non ro remon Am, a ren jab bar oktok ñon men in bwebwe.

9 Emol An lomor e ebak ñon ro re'mjök E, bwe aibujuij en berwöt ilo ene am.

10 Tiriamo im mol r'ar wõnmae dron, wanik im ainemon r'ar meienmaik dron.

11 Mol ej edrek jen lõl, im wänik e ar reitok jen lõñ.

12 Aet, Jeova e naj letok men eo emon, im ene in am e naj letok an orlok.

13 Wanik e naj ilok manlok e; im naj komon juon ial non bunten neen.

SAM 86. Jar an Devid.

K WON Rajintok 1.3... uak iő, O Jeova, bwe ña I jera-Z WON kajirtok lojiliñôm im mel im aikwij.

2 Kwon kejbãrok ao bwe ña dru wānik; O Kwe ao Anij, kwon lomoren korijerom in ji liki Kwe.

3 Kwon tiriamokake ið, O Íroij, bwe ij kir ñðn Kwe iomin aolepen ran.

4 Kwon kalõñliñ an korijerõm, bwe ñõn Kwe, O Iroij ij leliñwoj aõ.

5 Bwe Kwe Iroij kwoj emôn, im konan jeorlok, im Kwoj kalonilok tiriamo non ro otemjej rej kir non Kwe.

6 Kwon eoroñ ao jar, O Jeova, im roñjake ainiken ao akwelap ko.

7 Ilo ran in að jorran I naj kir ñðn Kwe, bwe Kwo naj uak ið.

8 Ejelok ian anij ron einwot Kwe O Iroij, im ejelok jerbal einwot jerbal ko Am.

9 Ro dri ailiñ ko otemjej, Kw'ar kõmõnmõn ir, re naj itok im kabuñ imam, O Iroij, im re naj kaibujuij etõm.

10 Bwe Kwe kwo laplap, im Kwoj komon men in bwilon ko: Kwe

wõt kwo Anij.

11 Kwon tel ið, O Jeova ilo Am ial; I naj etal ilo mol eo Am: Kwon kadrebijik buruð bwe en mijök etőm.

12 I naj nebar Yuk, O Iroij ao Anij, kin aolepen buruo; I naj kaibujuij etom non in drio.

13 Bwe elap Am tiriamokake ið; Kw'ar kötlok ið jen roñ eo imlöltata.

14 O Anij ro dri jua r'ar jutôk nae iõ; im jar an armij relej r'ar kabukot aõ, im r'ar jab likit Yuk imair.

15 A Kwe O Iroij, kwo Anij e kanuij keni im joij, erumij Am illu, im Kwo obrok kin tiriamo im mol.

16 O Kwon oktök ñön ið im tiriamokake ið; Kwon letok Am kajur ñön korijeröm, im lomoren nejin köra korijeröm.

17 Kwon kwalok ñon ið kakölen in emon, inem ro rej kijirat ið ren loe, im jok kake, bwe Kwe Jeova kw'ar jiboñ ið im kainemon ið.

SAM 87.

Sam an ro nejin Kora. Juôn al.

LOÑTAK ko An ilo tol ko rokwojarjar.

2 Jeova ej yokwe aur ko in Zaion jen mo ko otemjej an Jekob.

3 Re konono kake men ko men in aibujuij kin Kwe, O jikin kwelok an Anij. Sela.

4 I naj ba kin Reab im Babulon einwot ian ro re jela ña: Lo Pilistia im Tair im Itiopia, armij in e ar lotak ie.

5 Yokwe re naj ba kin Zaion, Eñin ak eñeo e ar lotak ilo e; im Eo eutiejtata E moke naj kabin e.

6 Jeova e naj bwinir, ñe E naj je ro dri ailiñ ko, eñin e ar lotak ie. Sela.

7 Ro rej al im ro dri kajöñjöñ re naj ba, Unin dren ko otemjej aö iböm.

SAM 88.

Juôn al. Sam an ro nejin Kora; ñôn eo dri lale al; llo Mahalat Liannot. Maskil an Himan dri Ezra.

O JEOVA Auij an að lomor, I ar lamij ran im boñ imam.

2 Aõ jar en dreloñwoj iman mejõm, Kwon eoroñ aõ kir.

3 Bwe ao eloñ kin jorran ko, im ao mour ej kebaklok ñon Hedis.

4 Emwij bwini ið iben ro rej wönlöllok ñön iloan roñ eo; ña einwöt juön armij im ejelok dri jiböñ e.

5 Emwij jolok ið ña iben ro remij, einwöt dri mön re babu ilo lüp, ro Kw'ar jab bar kememej ir, im bukwelok ir jen peiöm.

6 Kw'ar likit iõ ilo roñ eo etatata, ilo jikin marok ko, ilo imlõl ko.

7 Am illu ej erro ioō, im Kw'ar kejorran iō kin no ko Am otemjej. Sela.

8 Kw'ar likit ro re jela ña bwe ren etolok, Kw'ar komon ið men in jöjöik ibeir: emwij kili ið: I ban drioijlok.

9 Meja rejokolok kin að jorran: I ar kir ñön Kwe ran otemjej. O Jeova I ar erlokwe på ko peið ñön Kwe. 10 Kwo naj kwalok men in bwilõñ ko ñõn ro remij ke? Ro re joko re naj jerkak im nebar Yuk ke?

11 Ren jelakake Am joij ilo lüp ke? Ak Am tiljek ilo kokkure ke?

12 Men in bwilöñ ko Am re naj jela ilo marok ke? Im Am wanik ilo ene in meloklok ke?

13 A I ar lamij ñon Kwe O Jeova, im ñe ejiboñ ao jar e naj iwij imam.

14 O Jeova etke Kwoj jolok wöt aö? Etke Kwoj binej mejöm jen na?

15 Ña I jorran im enañin joko jen ke ij ajiri ñon ien in; ke ij iñtan kin Am kalelñoñ io I jebarujruj.

16 Am illu ebwil e ar itok ioö: Am kalelñoñ ko r'ar bukwelok iö. 17 R'ar kabol iö einwöt dren ko iomin aolepen ran: r'ar jimor kabol iö wöt.

18 Dri yokwe im jera Kw'ar likit etolok jen ña, im ro I jela ir ilo marok.

SAM 89.

Maskil an Itan dri Ezra.

I NAJ al kin tiriamo ko an Jeova ñon in drio: kin loñio I naj kwalok Am tiljek ñon ebeben ko otemjej.

2 Bwe emwij ao ba, Naj kalek joij non in drio. Kwo naj kabin Am

tiljek ilo lõñ ko.

3 I ar kömön bujen iben aö Dri kalet, I ar kanöjnij ñön Devid korijera.

4 Ineom I naj kabin ñon in drio, im kalek tron eo am ñon ebeben ko

otemjej. Sela.

5 Im lõñ ko re naj nebar men in bwilõñ ko Am, O Jeova, bareinwõt Am tiljek ilo jar ko an ro remõn.

6 Bwe won eo ilo mejatoto re maron in keiri non Jeova? Won ian ro nejin dri kajur ron ej einwot Jeova?

7 Anij eo E kanuij aiet ilo bebe an ro remõn, im emõn ren mijõk E jen ir otemjej rej ber iturin! 8 O Jeova Anij in jar in tõrinae ko, wõn e dri kajur potata einwõt Kwe, O JAH? im Am tiljek ej iturõm.

9 Kwo iroij ion lometo ñe eju: ke no ko an relõñlok, Kwoj kõkajek-

lokjen ir.

10 Kw'ar ruje Reab ñon moton ko, einwot eo emwij air mon e. Kw'ar kejibliklok ro dri kijirat Yuk kin pein Am kajur.

11 Lõñ ko Am, ene bareinwõt Am: lõl im men ko e obrõk kaki, Kw'ar

likit loñtak ko air.

12 Eañ im irök Kw'ar kömönmön ir, Tebor im Hermön re löñliñ ilo etőm.

13 Pã e monmon ibôm, ekajur peiôm, im eutiej anbijmaroñôm.

14 Wānik im ekajet lontak ko an tron eo Am; joij im mol re ilok iman mejom.

15 Emonono dri ailiñ eo re jela ainiken in lonliñ eo; rej etal, O Jeova, ilo maram in turin mejom.

16 Ilo etom re lonlin iomin aolepen ran, im ilo Am wanik naj koutiej ir. 17 Bwe Kwe aibujuij in kajur eo air; im ilo Am mol drun eo am e naj linlok. «

18 Bwe amuij likepijñők iben Jeova, im amuij kiñ an Dri kwo-

jarjar in Israel.

19 Inem Kw'ar konono ilo visõn ñon ro remõn Am, im ba, I ar likit jiboñ ion juon ekajur potata; I ar koutiej juon dri kalet jen armij ron.

20 I ar lo Devid korijera; I ar kabit e kin ač oil ekwojarjar.

21 Im peio e naj bin iben; bareinwot peio e naj kakajur e.

22 Dri kijirat eo e jamin matortor e, im eo nejin nana e jamin kaintan e.

23 Im I naj jolöllok ro dri kijirāte iman, im mõn ro rej kitőtőkake e.

24 A Aõ tiljek im aõ joij e naj iben ; im ilo etã e naj liñlok drun eo an.

25 I naj likit pein ion lomalo eo, im anbijmaroñon ion river ko.

26 E naj kir ñon Io, Kwe jema, ao Anij im dreka in ao lomor.

27 I naj bareinwőt likit e manjiő, eo euticitata ian kiñ ro an lol.

28 Aő joij I naj kejbárok ñon e in drio, im bujen eo Ao e naj bin iben. 29 I naj komon bwe inen en ber ñon in drio, im tron eo an einwot ran ko in lõñ.

30 Elañe ro nejin rej illok jen kio, im jab etal ilo ekajet ko Ao;

31 Elañe re kejekron nan ko Aő, im jab bokake Ao men in kaiñi;

32 Inem I naj kajeik air jerawiwi kin alal, im air nana kin drenlok:

33 Ak Aő joij I jamin bők jen e ñon in drio, im I jamin likit Ao tiljek bwe en joko.

34 I jamin rupe bujen eo Aō, im I jamin ukot men eo e ar ilok jen

35 Juon Ao kanojnij kin Ao kwojarjar, I jamin riop ñon Devid.

36 Inen e naj ber ñon in drio, im

tron eo an einwôt al imaô.

37 Naj kabin e ñon in drio einwot aliñ, im einwôt dri kennan eo etiljek ilo mejatoto. Sela.

38 A Kw'ar abwin im jolok, Kw'ar

illu ñon dri kabit eo Am.

39 Kw'ar jõjõik bujen in korijerom; Kw'ar kananaik kraun eo an ñon brij.

40 Kw'ar jolõllok worwor ko an otemjej: Kw'ar kokkure me ko an.

41 Ro otemjej rej ela re rakimi e; e ar erom men in kejekron ñon ro dri turin.

42 Kw'ar leliñlok anbijmaroñon ro dri kijirāt; Kw'ar komon bwe ro otemjej rej jumae ren lõñliñ.

43 Aet Kwo ukõtliklok mejen jäji eo an, im Kw'ar jab komon bwe en

jutok ilo ketak.

44 Kw'ar kejemlok an jatoltil, Kw'ar jolöllok ñon brij tron eo an. 45 Ran ko ran in likao eo an Kw'ar kakarulok: Kw'ar kalibubu e kin jok. Sela.

46 Ietoon O Jeova, kwon tilekek ñon in drio? Ietoon Am illu en

urur einwöt kijeek?

47 O Kwon kememej ie karu aõ ien ber? Non men in jekron ot

Kw'ar komonmon ro nejin armij otemjej?

48 Armij ot e naj mour im jamin lo mij, im kõtlok an jen kajur in Hedis? Sela.

49 Irojj, ewi Am tiriamokake mokta, Kw'ar kanôjnij kaki ñon Devid ilo Am tiljek?

50 Kwon kememej O Iroij nan in kejekron ro dri korijerom; ekijkan ji inek ilo ubo nan in kinak an ro dri ailiñ ko rekajur otemjej:

51 Ro dri kijirāt r'ar kinaklok Yuk kake O Jeova, r'ar kinaklok kake jenkwon neen Am dri kabit.

52 Emonono Jeova non in drio.

Amen im Amen.

SAM 90.

Juôn jar an Moses armij in Anij.

[ROIJ, kw'ar amuij jikin jokwe iomin ebeben ko ofemjej.

2 Mokta jen an tol ko walok, ak Kw'ar komonmon lol im ene, jen in drio ñon in drio, Kwe Anij laplap.

3 Kwoj kaukot armij ñon boñolñől im ba, Komin jeblaktok, kom ro nejin armij.

4 Bwe juon tausan yio iman mejom rej einwot inne ke ejoko, im einwöt juön mmij ilo boñ.

5 Kwoj bõklok ir einwõt kin ibij liplip, re einwõt juõn kiki, ke ejiboñ re einwôt ujoij ej edreklok.

6 Ke ejiboñ ej edrek im laplok; ke ejota rej bukwe inem ej aimerlok.

7 Bwe kim etop ilo Am illu, im kim lokjenam kin Am libopne.

8 Kw'ar likit bwir ko am imam, im jerawiwi ko am retino ilo maram in mejõm.

9 Bwe ran ko am otemjej re jokolok ilo Am libopne: kim kejemlok viõ ko am einwõt juõn bwebwenato ne emwij konono kake.

10 Ran ko in yiô ko am jiljilimñoul yiô, ak kin kajur re drualitokñoul yiô, a air jua ej jerbal wôt im buromõj, bwe emõkõj bukweloke. inem kim kālok.

11 Won ejela kajur an Am illu,

im Am libopne ekar non lelnon emon mijok Yuk kake?

12 Ein drein Kwon katakin kim in bwini yiö koam, bwe kimin bök ñon kim buruen meletlet.

13 O Jeova kwon jeblaktok, ietočn? Im Kwon ukwelok ibčm

kin ro dri korijerom.

14 O Kwon kamat kim ke ejiboñ kin Am tiriamo; bwe kimin lõñliñ im mõnõnõ ran ko am otemjelok.

15 Kwon kalõñliñ kim ekar ñön ran ko ke Kw'ar kaiñtan kim, im

yiô ko kim ar lo nana iloir.

16 Am jerbal en walok ñon ro dri korijerom, im Am aibujuij ion ro

nejiir.

17 Im wölio an Jeova am Anij en ber iom, im Kwon kabin jerbal in peim iom; aet jerbal in peim Kwe kwon kabin e.

SAM 91.

E^O ej jokwe ilo jikin etino an Eo eutiejtata, e naj berwöt iomin lurin Eo dri kajur otem kajur.

2 I naj ba kin Jeova e ao likepijñok im ao me; ao Anij, I naj liki E. 3 Bwe E naj kotlok yuk jen aluk an dri ane, im jen mij eo enana.

4 E naj kalibubu yuk kin kolon bau ko An, im iomin pein kwo naj lo ainemon; mol eo An e naj am likepijñok im ken torak.

5 Kwo jamin mijok kin men in kalelñoñ ilo boñ, ak kin mori ej

kāki ilo ran.

6 Ak kin mij eo ej etetal ilo marok, ak kokkure ej jerbal ke e loliñ al.

7 Juon tausan re naj buñ iturom, im joñoul tausan i anbijmaroñom, a e jamin kebak ñon kwe.

8 Kin mejõm wõt kwo naj lale im

lo nawonan eo dri nana.

9 Bwe Kwe O Jeova aö likepijñök. Kw'ar kömön Eo eutiejtata bwe En mweo imöm.

10 Ejelok nana e naj iwij iom, ak ejelok men in kokkure naj kebak ñon mweo imom. 11 Bwe E naj jiroñ enjel ro An kin kwe, bwe ren kejbãrok yuk ilo ial ko am otemiei.

12 Re naj baur yuk ilo peir bwe kwon jab itak neõm ilo dreka.

13 Kwo naj juri laiõn im adder, laiõn emõn ridtõn im serpent kwo naj juri iomin neõm.

14 Bwe e ar likit an yokwe Ioo, inem I naj kotlok e; I naj koutiej

e bwe e ar jela etã.

15 E naj kir ñon io im I naj uak e, I naj ber iben ilo jorran: I naj kotlok im koutiej e.

16 I naj kamat e kin mour e aitok,

im kwalok ñon e Ao lomor.

SAM 92.

Juon Sam'; juon al non ran in Sabat.

MEN eo emõn in lelok kamolol ñõn Jeova, im al im nebar etõm, O Kwe kwo utiejtata.

2 In kwalok Am joij ne ejiboñ, im

Am tiljek ilo boñ otemjej.

3 Kin ken kajõñjõñ toen joñoul, im kin salteri; kin ainiken ekwojarjar ilo arp.

4 Bwe Kwe Jeova, kw'ar kalöñliñ ið kin Am jerbal; I naj lamij kin löñliñ ilo jerbal ko in peiðm.

5 Re nañin lap jerbal ko Am, O Jeova; lemnok ko Am re kanuij

imlõl.

6 Armij awia e jab jela, im dri bwebwe e jab melele men in.

7 Ke ro dri jerawiwi rej edrek einwõt ujoij, im ke ro otemjej rej kõmõn nana re jeban, men in bwe ren joko ilo kokkure ñõn in drio.

8 A Kwe O Jeova, kwoj liñtata

ñon in drio.

9 Bwe lo, ro dri kijirāt Yuk O Jeova, bwe lo ro dri kijirāt Yuk re naj joko: ro otemjej dri kõmõn nana re naj jibliklok.

10 A aõ drun Kw'ar koutiej einwõt drun kau koman awia: emwij

kabit ið kin oil ekal.

11 Bareinwöt meja r'ar lo einwöt aö kõnan ion ro dri kijirät iõ, lojiliñiö r'ar roñjake einwöt air kõnan ion ro dri komon nana rej jerkak

jumae iõ.

12 Ro dru wānik re naj edrek emōn einwōt wijki pam; re naj edrek einwōt wijki sidar in Lebanōn.

13 Ro emwij kallip ir ilo imon Jeova, re naj edrek im laplok ilo worwor ko an Anij.

14 Re naj jebar leir ñe re ridtolok,

re naj mattok im maroro:

15 În kwalok bwe Jeova ewanik; E ao dreka im ejelok jab wanik iben.

SAM 93.

EOVA e Kin: ej kanuknuk E kin utiejen; Jeova ej kanuknuke, E ar kanor E kin kajur: bareinwöt löl ebin bwe ban kamökit e.

2 Tron eo Am emwij kabin e jen ien etolok; jen ien ko moktata

Kwe.

3 Ibij ko r'ar koutiej, O Jeova; ibij ko r'ar koutiej ainikeir: ibij ko re koutiej no ko air.

4 Ilõñin ainiken dren ko relõñ, no ko rekilip an lometo, Jeova ilõñ

ekajurpotata.

5 Kennan ko Am re kanuij mol; kwojarjar ekar ñon mweo imom, O Jeova ñon in drio.

SAM 94.

O JEOVA, kwe Anij in irenwône ko, Kwe Anij in irenwône ko, Kwon romaktok.

2 Kwon jutôk, Kwe dri ekajet in lõl; Kwon nawõnan ro dri jua.

3 Jeova ietočn ro dri nana, ietočn ro dri nana ren jualčnilčn?

4 Re bakake wãn, re konono burollap; ro dri kõmõn nana otemjej re jualõñlõñ kin ir mõke.

5 Rej kõprakilkil ro dri ailiñ eo Am, O Jeova, im kaiñtan Am jolit.

6 Rej mön köra ejoko belen im drua maijet, im uröte eo ejelok jemen.

7 Im re ba, Jeova e jamin loe, im Anij in Jekõb e jamin lale. 8 Komin lale mõk, kom dri einwõt kiru iben dri ailiñ rõn, kom dri bwebwe, kom naj meletlet ñat?

9 Eo e ar karôk lojiliñin, E jamin roñ ke? Eo e ar kômônmôn mej

E jamin lo ke?

10 Eo e ar enoik ro dri ailiñ ko, E jamin kajeik ke? Aet, Eo ej katakin armij jelalokjen.

11 Jeova e jela lemnok ko an armij

rõu bwe rewan.

12 Emőnőnő armij eo Kwoj kajeik e, O Jeova, im katakin e jela kiőm.

13 Bwe Kwon maroñ in kakijeik e jen ran ko renana mae ien emwij kōbij roñ ñon ro dri jerawiwi.

14 Bwe Jeova e jamin jolok dri ailiñ ro An, im E jamin illok jen

An men in jolit.

15 Bwe ekajet e naj jeblak ñon wanik; im rootemjej ejime burueir

re naj lore.

16 Won e naj jerkak kin ña mae ro dri komon nana? Won e naj jutok kin ña nae ro rej jerbale jab wanik?

17 Elañe Jeova e ar jab að jiböñ, að e naj kar mököj in ber ilo jikin iköñ.

18 Ke I ar ba, Neið ej jirlok, Am tiriamo O Jeova e ar baur ið.

19 Ke előn lemnok ilo buruő, Am nan in kainemőn ej kalőnlin aő.

20 Tron in jerawiwi e naj komao ibom ke, eo ej komon men in kejorran kin kien?

21 Re kweloklok nae air an ro remõn, im re liakelok bõtõktõk im

ejelok ruðn.

22 A Jeova e ar að imön bar eutiej; im að Anij, dreka eo ij ko ñðn e.

23 Im E ar kejeblaklok ioir air jab wānik, im E naj bukwelok ir ilo air nana; Jeova amuij Anij e naj kokkure ir.

SAM 95.

K OMIN itok, jen al ñôn Jeova, jen kwalok ainiken lôñliñ ñôn dreka in lomor eo am.

2 Jen itok iman mejen kin kamolol; jen lamij ñon E kin Sam ko.

3 Bwe Jeova e Anij laplap; im juon Kiñ elap, eutiej jen anij otemjelok.

4 Ilo pein imlõl ko in lõl; barein-

wõt jabõn tol ko re An.

5 Lometo An, im E ar komonmon e; im pein r'ar komonmon ene emõra.

6 O komin itok, jen kabuñ im barikrik; jen bukwelõlõ iman Jeova

amuii Dri komonmon.

7 Bwe E amuij Anij, im kim ro dri ailiñ an melaj eo An, im šip ko an pein. Ranin, O emon komin roñjake ainiken.

8 Komin jab kabin buruemi, einwõt i Meriba; einwõt ran in Massa

i ene jemaren eo.

9 Ke ro jimam r'ar kabo Iô, r'ar melejoñ Iò im lo jerbal eo Ao.

10 Iomin eñoul yiô I ar illu iben ebeben eo, im ba, E ailiñ ej jebwãbwe ilo burueir, im r'ar jaje ial ko Aõ.

11 Kin men I ar kanojnij ilo Ao libopne, Re jamin dreloñ iloan Ao kakije.

SAM 96.

KOMIN al'ñon Jeova juon al ekāl; komin al ñon Jeova, kom dri lõl otemjej.

2 Komin al ñon Jeova, komin nebar etan: komin kwalok lomor

eo An jen ran ñon ran.

3 Komin ba kin An aibujuij iben ro dri ailiñ ko, jerbal ko An, men in bwilon iben ro dri ailin ko otemjej.

4 Bwe elap Jeova, im ren kanuij nebar E; ren mijok E jen anij otemjej.

5 Bwe anij ro otemjej an ro dri ailiñ ko re ekjop wot; a Jeova e ar

komonmon lon ko.

6 Műtoktok im utiejen rej iman; kajur im wõlio rej ilo jikin kwojarjar eo An.

7 Komin lelok ñon Jeova, kom ro nukin ian ro dri ailiñ ko, komin lelok ñon Jeova aibujuij im kajur.

8 Komin lelok ñon Jeova aibujuij ekar ñon etan; boktok jurtak, im dreloñtok ñon iloan worwor ko An.

9 O komin kabuñ ñon Jeova ilo wolio in kwojarjar, komin wurirrir

iman, aolepen lõl.

10 Komin ba iben ro dri ailiñ ko, Jeova e Kiñ; lõl emwij kabin e bwe ren ban kamõkit e; E naj ekajet ro dri ailiñ ko kin wanik.

11 Lõn ko ren mõnõnõ, im lõl en lõnlin; lometo en nirnir im an

obrčk.

12 Melaj eo en jualoñloñ im men otemjej iloan; inem wijki otemjej in jikin wijki ren al ilo lõñliñ.

13 Iman Jeova, bwe Ej itok; bwe Ej iten ekajet lõl. E naj ekajet lõl kin wanik, im ro dri ailin ko kin mol.

SAM 97.

FEOVA e Kiñ; lõl en lõñliñ, ailiñ ko relõñ ren mõnõnõ.

2 Kõro ko im marok rej iturin; wanik im ekajet re lontak ko in tron eo An.

3 Kijeek ej ilok imanlok, im tili

ro dri kijirāt iturin.

4 Jarom ko An r'ar kamaramlok lol; ene e ar loe im wurirrir.

5 Tol ko r'ar unlok einwõt bwil jen iman Jeova, jen iman Iroij in aolepen löl.

6 Lõn ko re kwalok An wanik, im ro dri ailiñ otemjej r'ar lo An

aibujuij.

7 Ren jok, ro otemjej rej korijer ñon men in e ko rej jekjeki, re mõke jualõñlõñ kin ekjõp ko: komin kabuñ ñon E, kom ro anij otemiei.

8 Zaion e ar ronjake im monono, im kõra ro nejin Juda r'ar lõñliñ

kin ekajet ko Am, O Jeova.

9 Bwe Kwe Jeova, kwo utiejtata ilőñin aolepen lől: Kwo kanuij liñlok ilőñ jen anij otemjelok.

10 O kom dri yokwe Jeova, komin kitőtőkake nana: Ej kejbárok air in ro remon An, Ej kotlok ir jen pein ro dri jerawiwi.

49

11 Emwij jeor maram ñon ro dru i im kabuñ i eran neen: E kwojarwanik, im monono non ro ejime burueir.

12 Komin lõñliñ ilo Jeova, kom dru wanik, im kamolol etan ekwojarjar.

SAM 98.

Juôn Sam.

KOMIN al ñon Jeova juon al ekal: bwe E ar komon men in bwilon ko: anbijmaronon in pein ekwojarjar, e ar komonmon lomor ñon E.

2 Jeova e ar kajelaik kin An lomor; E ar kwalok alikar an wanik

iman mejen ro dri ailiñ ko.

3 E ar kememej An tiriamo im An tiljek ñon imon Israel: jemlokon lõl otemjej r'ar lo lomor eo an amuij Anij.

4 Komin lelok ñon Jeova, aolepen lől; en ruplok ainikiőm im komin al ilo lonlin, aet komin al im ne-

bar.

- 5 Komin al ilo nebar ko ñon Jeova kin arp, kin arp im ainiken
- 6 Kin jilil ko, im kin ainiken kornet, komin komon ainiken lonlin iman Kiñ eo, Jeova.

7 Lometo en ñirnir, im an obrok:

lől im ro re jokwe ion.

8 Ibij ko ren itak peir; tol ko ren

jimor al im lõñliñ.

9 Iman Jeova, bwe Ej iten ekajet ene eo: E naj ekajet lôl kin wanik, im ro dri ailiñ ko kin jimwe.

SAM 99.

TEOVA e Kiñ ; ro dri ailiñ ko ren wurirrir: Ej jijot ion kerub ko; lõl en makõtkit.

2 Jeova elaplap ilo Zaion; E utiej

ilõñin ailiñ ko otemjej.

3 Ren nebar etőm elap im men in

lelñoñ: E kwojarjar.

- 4 Bareinwőt kajur an kiñ eo ej yokwe ekajet; Kwoj kabin wanik. Kwoj komonmon ekajet im wanik ilo Jekõb.

jar.

6 Moses im Aaron ian pris ro An, im Samuel ian ro rej kir ñon etan : r'ar kir ñon Jeova, im E ar uak ir.

7 E ar konono ñon ir ilo juron kõro; r'ar kejbarok kien eo An, im nan in kaiñi E ar lelok ñon ir.

8 Kw'ar uak ir O Jeova amuij Anij, Kw'ar juon Anij e ar jeorlok jen ir, meñe Kw'ar kwi kin komon ko air.

9 Komin koutiej Jeova aruij Anij, im kabuñ ñon E ilo tol eo ekwojarjar; bwe Jeova aruij Anij ekwojarjar.

SAM 100.

Sam in kamolol.

K ene ko otemjej. OMIN lamij ñon Jeova, kom

2 Komin korijer non E ilo lonlin:

komin itok iman kin al.

3 Komin jela bwe Jeova Anij: E ar komonmon kij, kij An: kij dri ailiñ ro An; im šip ko jen melaj eo An.

4 Komin dreloñ ñon loan aur ko An kin kamolol, im iloan worwor ko An kin nebar; komin kamolol E im nebar etan.

5 Bwe Jeova emõn; An tiriamo e ñon in drio, im tiljek eo An ñon ebeben ko otemjej.

SAM 101.

Sam an Devid.

NAJ al kili tirati. ñőn Kwe O Jeova I naj al ilo NAJ al kin tiriamo im ekajet: nebar ko.

2 I naj komon meletlet ilo ial e wappen: O Kwo naj itok ñon iba ñat? I naj etal iloan mweo imõ kin buruo e wappen.

3 I jamin likit iman meja jabrewõt men in drike: I kitötökake jerbal an ro rej jeorlok; e jamin

edrep ñon io.

4 Buru ankeke e naj ilok jen ña:

I jamin jela eo enana.

5 Jabrewőt eo ej riőp nae dri turin 5 Komin koutiej Jeova amuij Anij, | ilo etino, I naj kokkure. I jamin kaberber eo eutiej mejen im e jua e, aet ien emwij bebe kake e motburuen.

6 Meja re naj lale ro re tiljek ilo enin, bwe ren jokwe iba. Eo ei etal ilo ial e wappen e naj korijer ñon iő.

7 Eo ej jeor etao e jamin jokwe ilo mweo imo; eo ej konono riop jamin

kabin e iman meja.

8 Ilo jiboñ ko I naj kokkure ro dri nana otemjej in ene, im bukwelok ro dri komon jab wanik jen jikin kwelok an Jeova.

SAM 102.

Jar an eo e jorran, ke e maloñ kake, im kwalok lotan iman Jeova.

WON ronjake ao jar O Jeova, im Kwon likit aõ kir bwe en iwii ñon Kwe.

2 Kwon jab binej mejom jen ña ilo ran in aõ jorran. Kwon eoroñ iõ; ilo ran eo ke ij kir. Kwon uak

'3 Bwe ran ko ao re top ilo bat, im dri ko drič emwij tili einwet ubaj.

4 Buruo emwij jeboke einwot ujoji, im e aimerlok, bwe ij meloklok in mõña bred eo aõ.

5 Kin ainiken að ñirñir dri ko

drið rei edrep non koniekio.

6 Na ij einwot bau pelikan ilo ene jemaren: I erom einwot bau owl in jikin jeebeplok ko.

7 Ij ekil, im I ar erom einwõt bao sparro e mõke ian ion bõrwõj in

juon im.

8 Ro dri kijirāt io re kinak io iomin aolepen ran; ro rej uriekak nae io re kanojnij kin na.

9 Bwe I ar mõña brij in ubaj einwot bred, im kareik limo kin dren

in kemjalal.

10 Kin Am illu im libopne: bwe Kw'ar kwotôke ið im jolok ið.

11 Ran ko ao re einwot lur ejokolok: im ii aimerlok einwõt ujoij.

12 A Kwe O Jeova kwo naj ber ñon in drio, im Am men in kememej ñon ebeben ko otemjej.

13 Kwo naj jerkak, im joij ñon Zaion: bwe kio ien in tiriamokake tok.

14 Bwe ro dri korijerom rej monono kin dreka ko an. im re tiriamokake an bõñõlñõl.

15 Ein drein ro dri ailiñ ko re nai mijok etan Jeova, im kiñ ro otemjej in lõl. Am aibujuii.

16 Bwe Jeova e ar kalek Zaion, E ar weaktok ilo aibujuij eo An.

17 E ar oktôk ñon jar an ro ejelok ibeir, im E ar jab kejekron air jar.

18 Naj je men in ñon ebeben eo ej itok; im ro dri ailiñ, naj kômôn-

mõne, re naj nebar Jeova.

19 Bwe E ar reilöltok jen utiejen jikin kwojarjar eo An; jen lõñ Jeova e ar lale lol in.

20 Bwe En roñjake jabjenmenoan dri prison; bwe En kotlok ro em-

wij likit ir ñon mij.

21 Bwe armij ren kwalok etan Jeova i Zaion, im An nebar ilo Jerusalem.

22 Ke ro dri ailiñ ko rej kweloktok, im ailiñ ko ailiñ in kiñ, bwe ren korijer ñon Jeova.

23 E ar kamõjinolok aõ kajur ilo

ial, E ar kakarulok ran ko aő.

24 I ar ba, O ao Anij kwon jab bőklok ið ilukwón ran ko að: við ko Am ilujen ebeben ko otemjelok.

25 Moktata Kw'ar likit lontak ko an lõl: im lõñ ko jerbal in peiõm.

26 Re naj joko, a Kwo naj berwõt; aet ir otemjej re naj morlok einwõt nuknuk ko; einwõt kobe Kwo naj ukot ir, im naj mwij ukot ir wot.

27 A Kwe kwoj einwõt juõn, im

yiô ko Am re jamin jemlok.

28 Ro nejin dri korijerom ron re naj berwőt, im ineir re naj bin imam.

SAM 103.

Sam an Devid.

WON kamononoik Jeova, O A aō, im men otemjej iloō ren nebar etan ekwojarjar.

2 Kwon kamononoik Jeova O ao. im jab meloklok kin men in kejerammon ko An otemjej.

otemjej, Eo ej kãejmour yuk jen nañinmij ko am otemjej.

4 Eo ej wiaik am mour jen lup eo; Eo ej kabelbil yuk kin joij im tiria-

mokake ko.

5 Eo ej kamat loñom kin men ko remon; inem kokal am inono einwõt igõl eo.

6 Jeova ej komonmon men ko rewanik; im ekajet ko non ir otem-

jej re matortor ir.

7 E ar bakajen ial ko An ñon Moses, im komon ko An non ro nejin Israel.

8 Jeova e kanuij tiriamo im joij wõt; erumij An illu im E mweie

kin tiriamo kake.

9 E jamin enoik ien otemjej, im E jamin drebij An illu ñon in drio.

10 E ar jab komon non kim einwõt jerawiwi ko am, ak nawõnam ekar ñon bwir ko am.

11 Bwe einwot lon ko reutiej jen lõl, ein drein e killip An tiriamokake ro remjok E.

12 Einwöt rear etolok jen kabilűñ. ein drein E ar likit bwir ko am

etolok jen kim.

13 Einwőt jemeir ej tiriamokake ro nejin, ein drein Jeova ej tiriamokake ro remjok E.

14 Bwe E jela wäwen komonmon kim; E kememej bwe kim boñol-

ñől.

15 Kin armij, ran ko an einwot ujoij: einwot ebul ilo melaj, ein drein ebul.

16 Bwe kõto ej ukwi ion inem ejoko,'im jikin e jamin bar jelakajen.

17 A tiriamo an Jeova e jen in drio non in drio ion ro remjok E, im An wanik non ro nejin nejiir.

18 Non ro rej lale bujen eo An, im ñon ro re kememej kien ko An bwe

ren bokaki.

19 Jeova e ar likit tron eo An ilo lõn ko; im ailin in kin eo An e iroij ion aolep.

20 Komin nebar Jeova, komeo enjel ro An; ro remonmon ilo kajur, armij, im oil in kejatõltil turin me-

3 Eo ej jeorlok jerawiwi ko am re kamol An in nan, rej ronjake ainiken nan ko An.

> 21 Komin nebar Jeova, kom otemjej ilo jar ko An, ro dri korijeran rej komonmon ankil An.

22 Komin nebar Jeova, men in komonmon ko An otemjej ilo jikin ko otemjej, Ej iroij ioir; kwon nebar Jeova, O aõ.

SAM 104.

K WON nebar Jeova O ač. O Jeova ač Anij, kwo kanuij lap; Kw'ar kakunuk Yuk kin nebar im utiejen.

2 Kwoj kalibubu Yuk kin maram einwõt kobe; Kwoj erlokwe mejatoto einwõt nuknuk in binej.

3 Kwoj likit alal ko in mojabeo ko Am kin dren ko; Ej likit kõro ko jariot eo An; Ej etallok ion pein kõto.

4 Ej komon koto ko enjel ro An: kijeek rej urur ro dri korijeran.

5 E ar likit loñtak ko an lõl, bwe en jab makõtkit ñõn in drio.

6 Kw'ar kalibubu e kin imlõl ko einwõt kin nuknuk ko; dren ko r'ar jutok ilonin tol ko.

7 Kin Am kowe r'ar ko: kin ainiken Am jorur r'ar jaroplok.

8 R'ar wonlinlok ion tol ko, r'ar wonlollok ilo komlol ko; non jikiir Kw'ar kajur ñon ir.

9 Kw'ar likit kôtan bwe ren ban ela jen e; bwe ren jab oktoklok im kalibubu lõl.

10 E jilkinlok unin dren ko ñon komlől ko; re torlok ikőtan tol ko.

11 Re lelok limeir ñon kiru otemjej i melaj ko; ass ko rawia re jolok air maro.

12 Iturir bau ko in mejatoto re jokwe; rej al ilo ran ko ran wijki.

13 Ej kaimlolo tol ko jen mojabeo An; lõl e mat kin leen jerbal ko

14 Ej kadreklok ujoij ñon kiru ko. im mar ko in jibõñ armij, bwe en böktok kijen jen löl.

15 Im wain ei kamonono buruen

jen, im bred ej kakajur buruen mour; I naj al im nebar aõ Anij ke armii.

16 Wijki ko an Jeova remat; sidar ko in Lebanon, E ar kallipi.

17 Ijo bau ko rej komonmon il ko ileir: kin bau stork, mweo imon wijki ko, wijki for.

18 Tol ko reutiej re ñon goat ko rawia: dreka ko jikin tilekek an

kiru koni ko.

19 E ar likit aliñ ñon ien ko; al e jela an tulok.

20 Kwoj komon marok inem e boň, ke kiru otemjej in wijki ko re tőbőllok.

21 Laion ko emon ridtair re rorror kin air men in jibwe, im bukot kijeir jen Anij.

22 E tak al, rej kweloklok im re

babu iloan ron ko air.

23 Armij ej ilok ñon jerbal eo an, im ñon komon ko an mae ien ejota. 24 O Jeova, e nañin lõñ jerbal ko Am: ilo meletlet Kw'ar komonmon aolepeir; lõl e obrõk kin mweiuk ko mweiom.

25 Ijueo lometo elap im erabõkbõk, im iloan elõñ men ko retõbõlből, je ban bwinir, kiru ko redrik im relap.

26 Ijo rej ilok wa ko; ijo kiru livaiatan, eo Kw'ar komone bwe

en kuri iloan.

27 Ir otemjej rej kõtõmene Yuk, bwe Kwon lelok ñon ir kijeir ilo ien ekar.

28 Men ko Kwoj lelok ñon ir rej aini; Kwoj erlokwe peiom, re mat kin emõn.

29 Kwo binei turin meiõm, re jorran; Kwoj bok menono jen ir, rei jeblak ñon boñolñol eo air.

30 Kwoj jilkinlok jitob eo Am, inem emwij komonmon ir; im Kwoj kokal erabokbok in lol.

31 An Jeova aibujuij en berwot ñou in drio: Jeova en lonlin kin komon ko An.

32 Eo ej reilok ñon lol, inem e makõtkit; Ej uñir tol ko inem re

33 I naj al ñon Jeova iomin ien ao

ii berwot im mour.

34 Aõ kalomonlokjen en tõñel iben, I naj lõñliñ kin Jeova.

35 Ro dri jerawiwi emon kokkure ir jen lõl, ro dri nana ren joko wõt: O ao kwon nebar Jeova. Komin nebar Jeova.

SAM 105.

KOMIN kamolol Jeova, kir ñon etan, kwalok iben ro dri ailiñ ko jerbal ko An.

2 Komin al ñon E, komin al kin nebar ko ñon E: komin konono kin jerbal in bwilon ko An otem-

jei.

3 Komin jualõñliñ ilo etan ekwojarjar: buruen ro rej bukot Jeova ren lõñliñ.

4 Komin bukot Jeova im An kajur; komin bukot mejen ien otem-

jej.

5 Komin kememej jerbal in bwilõñ ko An, E ar kõmõni; men in bwilőñ ko An im ekajet ko an

6 O kom ro nejin Ebream korijeran; kom ro nejin Jekob, ro dri kalet An.

7 O Jeova amuij Anij; ekajet ko Am rei ilo aolepen löl.

8 E ar kememej ñon in drio bujen eo An, nan eo E ar kaiñi ñon juon tausan ebeben ko.

9 Bujen eo E ar komone iben Ebream, im An kanojnij ñon Aisak.

10 Im E ar kabin e ñon Jekob bwe en kien; ñon Israel bwe en bujen ñon in drio.

11 Im ba, Ñon kwe I naj lewoj ene Kenan, bukwon ami jolit.

12 Ke reit wõt armij in bwinbwin; aet kanuij eiet im re drua maijet

13 Im r'ar etetal jen ailiñ ñon ailiñ, jen ailiñ in kiñ ñon bar juon

14 E ar likit ejelok armij in kokkure ir; aet E ar enoik kiñ ro kin

15 Im ba, Komin jab uñire dri

kabit ro Aõ, im jab kõmõn nana ñõn dri kanan ro Aõ.

16 E ar kirtok ñitta ion ene eo, E ar bwilok aolepen jokwonon bred.

17 E ar jilkinlok juon eman imair; r'ar wiakake Josep bwe en dri kamakoko.

18 R'ar kejorran neen kin feter ko, r'ar likit e ilo tomere ko.

19 Mae ien ar kamol an in nan; nan in Jeova e ar melejoñ e.

20 Kiñ eo e ar jilkinlok im kötlok e; aet iroij in ro dri ailiñ ko, im likit e anemkwojan.

21 E ar kairoij e ion mweo imõn, im likit e lukuwõn mweiuk otem-

jej mweien.

22 Bwe en lukwöj iroij ro an einwõt e kõnan, im katakin ridto rõn iben ilo meletlet.

23 Bareinwöt Israel e ar itok ñon Ijipt; im Jekob e ar itoitok ilo ene'n Ham.

24 Im E ar kanuij kalõñlok ro dri ailiñ An, im likit ir rekajur jen air dri kijirāt.

25 E ar ukot burueir bwe ren drike ro dri ailiñ An; im kômôn mon ñôn ro dri korijeran.

26 E ar jilkinlok Moses korijeran, im Aaron eo E ar kalet e.

27 Irro r'ar kõmõn ibeir kakõle ko An, im men in bwilõñ ko ilo ene'n Ham.

28 E ar jilkinlok marok, im kömön bwe en marok wöt, im r'ar jab

kabata nae nan ko An.

29 E ar kõmõn dren ko air in erom bõtõktõk, im mõni ik ko air otemjej. 30 Ene eo air e ar keutak elõñ frog, ilo mojabeo ko an kiñ ro air.

31 E ar konono im r'ar itok eloñ loñ, im kij ko iloan aolepen air

töreren.

32 E ar lelok dren ebin kin wut, im kijeek eurur ilo eneir.

33 E ar mõn vain ko air bareinwõt, im wijki fig ko air; im bwilõk wijki ko in toreren ko air.

34 E ar konono im lokõs r'ar itok, im likakrok in kanker, im ejelok orair. 35 Im r'ar kãñi mar otemjej ilo eneir, im r'ar mõña leen brij otemjej.

36 Bareinwöt E ar mön manji otemjej ilo eneir, böran aolepen air kajur.

37 Im E ar kadrioijtok ir eor silver im gold ibeir, im ejelok dri mõjino ilo bwij ko air.

38 Ijipt e ar mönönö ke r'ar ilok; bwe mijök e ar buñ ion rojet.

39 E ar erlokwe kõro einwõt ken kalur ir, im kijeek in kamramlok ir ilo boñ.

40 R'ar kajitok iben im E ar bõktok bao kwel ko, im kamat ir kin bred in lõñ.

41 E ar kebellok dreka, inem dren ko r'ar torlok; r'ar torlok ilo jikin remora einwot juon river.

42 Bwe E ar kememej An in nan ekwojarjar, im Ebream korijeran.

43 Im E ar kadrioijtok ro dri ailiñ eo An kin löñliñ, im ro dri kalet ro An kin al.

44 Im E ar lelok ñon ir ene an ro dri ailiñ ko, im r'ar bok jerbal an armij ron bwe en air.

45 Bwe ren bokake nan in kaiñi ko An, im lale kien ko An. Komin nebar Jeova.

SAM 106.

K OMIN nebar Jeova! O komin kamolol Jeova, bwe E joij wõt, bwe An tiriamo ej berwõt ñõn in drio.

2 Won e maron in konono kake jerbal ko rekajur an Jeova, ak kwalok aolepen An nebar?

3 Re mõnõnõ ro rej kejbärok ekajet, im eo ej kõmõn wänik ien otemjej.

4 Kwon kememej ið O Jeova, kin joij eo Kwoj kwalok ñðn ro drom; O Kwon lotok ið kin Am lomor,

5 Bwe in lo jerammön an ro dri kalet Am, bwe in löñliñ ilo mönönö an ailiñ eo Am; bwe in jualöñlöñ iben jolit eo Am.

6 Kimuij im ro jimam r'ar jerawiwi, kim ar kömön nana, kim ar jab wänik.

- 7 Ro jimam r'ar jab melele men | in bwilon ko Am i Ijipt; r'ar jab kememej men in tiriamo ko Am relõñ; a r'ar ankeke i lomalo, aet lomalo ekilmir.
- 8 Mekarta E ar lomorir kin etan wot, bwe En kwalok kajur eo An potata.
- 9 E ar kowe lomalo ekilmir bareinwöt, inem emőralok: ein drein E ar tel ir ilujen imlõl ko einwõt ilo ene e melaj.

10 Im E ar lomorir jen pein eo e kitőtőkake ir, im wiaik ir jen pein ro dri kijirāt.

11 Im dren ko r'ar kamaloñ ro dri kijirat ir; ejelok juon iair e ar berwőt.

12 Inem r'ar tomak An in nan; r'ar al im nebar E.

13 Emõkõj air meloklok jerbal ko An, r'ar jab kõtar An bebe.

14 A r'ar kanuij kijoñ ilo ene jemaren, im melejoñ Anij ilo enen bok eo.

15 Im E ar lelok ñon ir men eo r'ar kajitok iben kaki, a E ar jilkinlok ñon ibeir mo ilo air.

16 R'ar junmare Moses bareinwõt ilo jikin air ber, im Aaron dri'mon an Jeova.

17 Lõl e ar bellok im wõrõñõlok Detan, im kalibubu jar an Ebairam. 18 Im kejo kijeek ilo jar eo air, im urur e ar tili ro dri nana.

19 R'ar komonmon kon in kau i Horeb, im kabuñ ñon men in e, men in unlok.

20 Ein drein r'ar ukot air aibujuij ñon wawen kau eo ej moña ujoij.

21 R'ar meloklok Anij air Dri lomor, eo E ar komon men ko relap i Ijipt.

22 Men in bwilôñ ko ilo ene'n Ham, men ko raiet iturin lomalo

ekilmir.

23 Kin men in E ar ba E naj kokkure ir, elañe Moses e ar jab jutok iman ijo re učta, im keječr An illu bwe En jab kokkure ir.

24 Aet r'ar kejekron ene eo ene'n yokwe, r'ar jab tômak An in nan.

25 A r'ar lotan ilo mo ko imweir, im jab eoroñ ainiken Jeova.

26 Inem E ar kwotoke pein ñon ir bwe En kokkure ir ilo ene jemaren

27 Im kokkure ineir ilo ailiñ ko im kejibliklok ir ilo ene ko.

28 R'ar kobaik ir ñon Beel Peor, im mõña men in katok ko an ro

29 Ein drein r'ar kakitőtőik E ñon illu kin komon ko air, im nañinmij eo etan pleg e ar walok i bwiljir.

30 Inem Pineas e ar jutõk im kõmõnmõn ekajet, im ein drein nañinmii eo ejokolok.

31 Inem ar watok men in ñon e kin wanik non ebeben otemjej non in drio.

32 Bareinwőt r'ar kaillu E i dren ko in Meriba, inem enana iben Moses kin ir.

33 Bwe r'ar kõtõrei an, im e ar konono einwõt dri jualõñlõñ kin tien.

34 R'ar jab kokkure ro dri ailiñ ko einwôt Jeova e ar jiroñ ir:

35 A r'ar koba iben ro dri ailiñ, im katak jerbal ko air.

36 Im r'ar korijer ñon ekjop ko air: men ko r'ar einwöt jen ñon ir.

37 Aet r'ar katok ñon dimon ron kin ro nejiir, man im kõra.

38 Im r'ar katorlok bőtőktők, ejelok ruon, aet botoktokin ro nejiir man im kõra, ro r'ar katok kaki ñon ekjop ko in Kenan; inem emwii kananaik ene eo kin bőtőktők.

39 Ein drein r'ar kananaik ir mõke kin jerbal ko air, im r'ar dri mijkave kin komon ko air.

40 Kin men in kejo illu an Jeova nae dri ailiñ eo An, im E ar jöjöik jolit eo An.

41 Im E ar ketők ir ñőn pein ro dri ailiñ ko, im ro r'ar kitőtőkake ir r'ar iroij ioir.

42 Ro dri kijirāt ir r'ar bareinwõt kokkure ir, im r'ar kumliklik iomin

43 Előñ alen E ar kötlok ir, a r'ar

ankeke ilo bebe eo air, im emwij | kin jerbal; r'ar buñ im ejelok air kõtaik ir ilo air nana.

44 Mekarta E ar lale air jorran ke

E ar roñjake air joñ.

45 Im E ar kememej kin ir bujen eo An, im ukwelok ekar ñon men in tiriamo ko An relõñ.

46 E ar kömön bwe ren men in tiriamokake iben ir otemjelok r'ar

jebokwe ir.

47 O Jeova amuij Anij, kwon lomoren kim im kokweloktok kim jen iben ro dri ailiñ ko, bwe kimin kamolol etőm ekwojarjar, im kwalok anjo ilo nebar ko Am,

48 Ren kamõnõnõik Jeova Anii in Israel, jen in drio ñon in drio. Im ro dri ailiñ otemjej ren ba, Amen. Komin nebar Jeova.

SAM 107.

KOMIN kamolol Jeova, bwe Emon, bwe An tiriamo ej ber ñon in drio.

2 Ro Jeova e ar wiaik ir, en ein drein air ba; ro E ar wiaik ir jen pein dri jumae eo.

3 Im E ar kokweloktok ir jen ene otemjej; jen rear im jen kabilűñ. jen eãñ im jen irök.

4 R'ar jebwabwe ilo ene jemaren ilo ial ijo ejelok edrek: r'ar lo ejelok jikin kwelok in jokwe.

5 R'ar kwűli im maro, air r'ar ki-

jelok iloir. 6 Inem r'ar kir ñon Jeova ilo air

jorran, im E ar kötlok ir jen intan ko air.

7 E ar tel ir ilo ial ejimwe, bwe ren ilok ñon jikin kwelok in jokwe. 8 O armij ren nebar Jeova kin An joji, im kin jerbal in bwilon ko An

ñon ro nejin armij.

9 Bwe Ej kamat eo ej oñkake, im eo e kwûli Ej kobrôk kin emôn.

10 Ro rej ber ilo marok im ilo anonin mij, im lukwoj ir kin jorran im mere:

11 Kin air kabata nae nan ko an Anij, im kötörei bebe an Eo eutiej-

12 Kin men in E ar kötaik burueir ja eo re kõnan ber ie.

dri jibõñ.

13 Inem r'ar kir ñon Jeova ilo air jorran, im E ar lomorir jen iñtan ko air.

14 E ar böktok ir jen marok im anõñin mij, im mijkõk kworõk ko

air.

15 O armij ren nebar Jeova kin An joij, im kin jerbal in bwilon ko An ñon ro nejin armij.

16 Bwe E ar ruje aur ko jinibor,

im bukwe alal in mere ko.

17 Ro dri bwebwe, kin air etal ilo jerawiwi, im kin bwir ko air, re iorran:

18 Air re drike mõña ko otemjej, im re kebaklok ñon aur ko in mij.

19 Inem rej kir ñon Jeova ilo air jorran, im E lomorir jen intan ko

20 Ej jilkinlok An in nan, im kāejmour ir, im kõtlok ir jen men ko re kokkure ir.

21 O armij ren nebar Jeova kin An joij, im kin An jerbal in bwiloñ ko ñon ro nejin armij!

22 Im ren katok kin men in katok ko in kamolol, im kwalok jerbal ko An kin al ko.

23 Ro rej wonlollok im uwe ilo wa ko i lometo, ro rej jerbal ilo dren ko relap.

24 Rein rej lo jerbal ko an Jeova, im men in bwilon ko An ilo imlol

25 Bwe Ej jiron, im kejerkak koto in lañ, eo ej koutiej no ko an.

26 Rej wonliñlok non lon, rej wonlõllok ñõn imlõl ko, air rej unlok kin air jorran.

27 Rej eep im jebwal einwõt dri karek, im ejoko aolepen air meletlet.

28 Inem rej kir ñon Jeova ilo air jorran, im Ej kõtlok ir jen intan ko air.

29 Ej komon bwe lañ eo en lur, im ein drein eriklok no ko air.

30 Inem re monono kin air ainemon: ein drein Ei kotobrok ir non

31 O armij ren nebar Jeova kin | An joij, im kin jerbal in bwilon ko An ñon ro nejin armij!

32 Ren bareinwöt koutiej E kin jar ko an armij ron, im ren nebar E ilo jikin jijõt an ridto rõn.

33 Ej ukot river im erom ene jemaren, im unin dren ko bwe ijo en ene rarok.

34 Ailiñ e wamorur, bwe en ene jemaren ejatők; kin nana an ro rej jokwe iloan.

35 Ej ukot ene jemaren ñon lwe in dren, im ene emõra ñõn unin dren ko.

36 Im ijo Ej komon bwe ro re kwūli ren jokwe ijo, bwe ren kapoj

jikin kwelok in berwot.

37 Im jeor ilo jikin kallip ko, im kalibwin bwil in grep, im bok leen r'ar edreklok.

38 Ej kejerammön ir bareinwöt, inem re kanuij lõñlok im E jab likit bwe kiru ko air ren eitlok.

39 Bar juon, rej eitlok im kotaik ir kin matortor, jorran, im buromoj.

40 Ej katorlok drike ion iroij rôn, im komon bwe ren jebwabwe ilo ene jemaren jio ejelok jal.

41 Mekarta, Ej koutiej ro dri jeramel jen air jorran, im komon non e ro nukin einwot bwijin sip.

42 Ro dru wanik re naj loe, im monono: im aolepen nana e nai

binej loñin.

43 Jabrewot eo e meletlet e naj lale men kein, im naj kalomonlokjen kin tiriamo ko an Jeova.

SAM 108.

Juon al. Sam an Devid.

BURUO ebin O Anij, I naj al, aet I naj al im nebar kin men in aibujuij eo aõ.

2 Komin ruj, salteri im arp, ña I

naj ruj e kanuij mokoj.

3 I naj kamolol Yuk, O Jeova, iben ro dri ailiñ ko; I naj al im nebar Yuk i bwiljin ro dri ailiñ ko.

4 Bwe Am tiriamo elap eutiej jen lõn ko, im Am mol ej tõbar wõt

mejatoto.

5 O Anij kwon utiej jen lõñ ko, im Am aibujuij ilõñin aolepen lõl.

6 Bwe eo e jitenburu ibôm en men in kõtlok, Kwon lomor kin anbijmaroñom im uak kim.

7 Anij e ar ba ilo An kwojarjar; I naj jualõnlõn, I naj kijbil Sikem im joñe komlôl Sukkot.

8 Gilead e Aõ: Menassa e Aõ; Ipreim e ken tõrak bõra; Juda e

Aő septer.

9 Moab e Aõ jäbi in kwolkwol; ion Idom I naj jolok Ao juj; ion Pilistia I naj lamij.

10 Won e naj boktok io non iloan jikin kwelok eor an worwor? Won

e ar tel ið ñon iloan Idom?

11 Kw'ar jab jolok kim O Anij? Im Kwo jab ilok iman jar in tõrinae ko am.

12 Kwon letok ñon kim jiboñ nae dri kijirat eo, bwe ejelok tokjen an

armij jibõñ kim.

13 Kin Anij kim naj beran im komon, bwe E eo e naj juri ro dri kijirate kim.

SAM 109.

Non dri lale al. Sam an Devid.

WON jab ikõn, O Anij in aõ nebar.

2 Bwe loñin dri nana, im loñin mon, r'ar walŏñi nae iŏ: r'ar konono ñon io kin lo in riop.

3 R'ar kabol io kin nan ko nan in kijirāt, im iri nae iõ ke ejelok unin.

4 Kin ao vokwe rej dri kijirat io, a ij lelok ið möke ñön jar.

5 Im r'ar nawonao nana kin emon, im kijirãt kin Aõ yokwe.

6 Kwon likit juon armij enana ion; im juõn dri jumae en jutõk i anbijmaroñon.

7 Ñe ekajet e, en walok im ruon;

im jar eo an en erom bwir.

8 Ran ko an ren eiet, im bar juon en bök kwönan.

9 Ro nejin en ejelok jemeir, im lio belen en joko leo an.

10 Ro nejin man ren jebwãbwe wot im oor; im ren bukot kijeir jen jikin kokkure ko air.

men otemjej an, im ro drua maijet ren rakimi tokjen jerbal ko an.

12 Ejelok en tiriamokake e, im ejelok en tiriamokake ro nejin ñe

ejelok jemeir.

13 Ren bukwelok ro nejin, im ilo ebeben eo ken ka ruo ren jeorlok etan.

14 Jeova en kememej bwir an ro jiman, im En jab jeorlok jerawiwi an jinen.

15 Ren ber iman Jeova ien otemjej, bwe En maroñ in boprae an

armij kememej ir ilo lõl.

16 Bwe e ar jab kememej in tiriamokake, a e ar matortor armij dri aikwij, im dri jeramel, im eo erup buruen, bwe en mon e.

17 Aet e ar yokwe kol im e ar itok ñon e, im e ar jab monono in kejerammon, inem men in etolok

jen e.

18 E ar kanuknuk e kin kol einwõt kin kobe eo an, im e ar dreloñlok ñon iloan einwot dren, im einwõt oil ñõn iloan dri ko drin.

19 En iben einwöt juon kobe ej kalibubu e kake, im einwõt käñor

eo ej konok e ien otemjej.

20 Men in en wonan ro dri kijirat iõ, jen Jeova, im wõnan ro re konono nana nae iõ.

21 A Kwe O Jeova Iroij, kwon komon iba kin etom; bwe Am tiriamokake emõn, inem Kwon kõtlok iõ.

22 Bwe ña dri jeramel im dri aik-

wij, im buruo elil iloo.

23 Na I joko einwõt anõñin ke eriklok, I jibliklok einwőt lokős

24 Bukio re mojino kin jitlok, im köniekiö ejelok an mattok.

25 I bareinwot men in kinak ibeir; ke rej lo ið rej jibolul börair.

26 Kwon jibon io O Jeova ao Anij, O Kwon lomorio kin Am tiriamokake.

27 Bwe ren jela bwe men in peiom wõt; bwe Kwe Jeova kw'ar kõ-

mõne.

11 Juon dri muri iben en jibwe 28 Ren kakol, a Kwon kamonončik; ne rej jerkak re naj jok, a korijerom I naj lonlin.

> 29 Ro rej kijirāt ið ren konok men in kananaik, im ren kalibubu ir mõke kin jok einwõt kin kobe.

> 30 Na I naj kanutj kamolol Jeova kin loñio; aet I naj nebar E i bwiljin jar eo elap.

> 31 Bwe I naj jutčk i anbijmaronon dri aikwij eo in lomoren jen ro rej

ekajet an.

SAM 110.

Sam an Devid.

TEOVA e ar ba ñon ao Iroij, Kwon jijõt i anbijmaroñio mae ien ij komon bwe ro rej kijirat Yuk ren eran neom.

2 Jeova e naj jilkinlok alal in kajur eo Am jen Zaion; Kwon iroij ilo bwiljin ro dri kijirat Yuk.

3 Ro drom rej monono im lewoj ir mõke ilo ran in Am kajur: ilo wõlio ko in kwojarjar, jen lojien ejibon: ibom molawi an ien emon drer.

4 Jeova e ar kanojnij im E jamin ukwelok: Kwe juon pris ñon in drio ekar ñon wawen Melkise-

5 Iroij eo i anbijmaroñôm E naj wakāri kiñ ro ilo ran in An illu.

6 E naj ekajet iben ro dri ailiñ ko: E naj kobrők jikin ko kin ubeir, E naj wie borair ilo eloñ ailiñ.

7 E naj irak jen river erik eo; kiu

men in E naj koutiej boran.

SAM 111.

OMIN nebar Jeova. I naj kamolol Jeova kin aolepen buruo, ilo jar an dri bebe re wanik, im ilo jar eo elap.

2 Jerbal ko an Jeova relaplap; emwij kabukot ir kin ro otemjej

rej monono kake.

3 Jerbal eo Au men in wijtak im utiejen: im An wanik ej ber non in drio.

4 E ar komon bwe armij ren ke-

Jeova e joij im eobrok kin tiriamo. joko.

5 E ar lelok kijeir ñon ro remjok E; E naj kememej bujen eo An ien otemjej.

6 E ar kwalok ñon ro dron kajur an jerbal ko An, ke E ar lelok ñon ir jolit an ro dri ailiñ ko.

7 Jerbal an pein mol im ekajet; nan ko An nan in katak rebin.

8 Emwij kabin ir ñon in drio, im komonmon ir ilo mol im jimwe.

9 E ar jilkintok lomor ñon ro dron: E ar kaiñi bujen ñon in drio: ekwojarjar im men in lelñoñ etan.

10 Mijok Jeova jinoin meletlet; jelalokjen emõn iben ro otemjej rej komon ein drein: An nebar ei ber ñon in drio.

SAM 112.

K OMIN nebar Jeova. Emõnõnõ armij eo ej mijõk Jeova, ej lõñliñ kake kien ko An.

2 Inen e naj kajurpotata ion lõl; ebeben ro dru wanik re naj monono.

3 Mweiuk ko im elõñ mõnni ilo mweo imon; im an wanik ej ber ñon in drio.

4 Non ro re jimwe maram ej walok ilo marok, e joij wõt, im eobrõk kin tiriamo im wanik.

5 Emõn iben armij eo ej kõmõn ilo joij im ej lelok: e naj kejbãrok

bebe eo an ilo ekajet. 6 Bwe jamin kamõkit e: ro dru wanik re naj kememej ir non in

drio. 7 E jamin mijok kin nan in kennan ko renana; erim buruen; ej liki Jeova.

8 Ebin buruen, e jamin lelñoñ, mae ien an lo an kõnan ion ro dri kijirat e.

9 E ar kejibliklok, e ar lelok ñon ro dri aikwij: an wanik e naj ber ñon in drio: drun eo an e naj utiej kin nebar.

10 Ro dri nana re naj loe, im buromoj: e naj kalollol ni ko niin, im unin dren ko.

memej jerbal in bwilon ko An; unlok; an dri nana konan e naj

SAM 113.

KOMIN nebar Jeova. Komin nebar, O kom ro dri korijeran Jeova, komin nebar etan Jeova.

2 Emonono etan Jeova jen ien in

im ñon in drio.

3 Jen tak al ñon tulok eo an, ren kamõnõnõ etan Jeova.

4 Jeova e utiej ilôñin ro dri ailiñ ko otemjej, im An aibujuij ilõñin lõñ ko.

5 Won eo einwot Jeova amuij Anij, eo An ken jijot eutiej?

6 Eo ej mõke kõtaik E bwe en lo men ko i lõñ kab ilo lõl?

7 Ej kejerkak dri jeramel jen iloan bõñõlñõl, im kwotõke dri aikwij jen be in brij.

8 Bwe En likit e iben bwirok ron, yokwe iben bwirôk ro in ro dri

ailiñ eo An.

9 Ej komon bwe kora eo ewar en lale mweo imon, im bwe en monono im keutak niñniñ ro. Komin nebar Jeova.

SAM 114.

ZE Israel e ar ilok jen Ijipt; ro nukin Jekõb jen ailiñ ijo e jejinet air konono.

2 Juda e ar jikin kwojarjar eo An,

Israel An men in iroij.

3 Lomelo e ar loe im e ko, Jordan e ar oktőklik.

4 Tol ko r'ar etőr kãlok einwőt šip koman ko, tol ko redrik einwõt kon in šip ko.

5 Kwo boj it, O lomalo, bwe kw'ar ko? Kwe Jordan bwe kw'ar ok-

tõklik?

6 Kom tol ko bwe kom ar etőrkãlok einwőt šip ko, im kom tol redrik einwõt kon in šip ko?

7 Kwon wurirrir, kwe lõl, iman mejen Jeova, iman mejen Anij in Jekőb.

8 Eo e ar ukot dreka bwe en erom lwe in dren, dreka ebin bwe en SAM 115.

TAB ñon kim O Jeova, jab [ñon kim, a ñon etom ren lelok wijtak kin Am tiriamo im kin Am mol.

2 Etke ro dri ailiñ ko ren ba, Ewi

air Anij kiō?

- 3 A amuij Anij ej ilo lõñ ko; E ar komon men ko jabrewot E ar kõnan.
- 4 Ekjöp ko air silver im gold wõt, pein armij r'ar komonmoni.
- 5 Eor loñir, a re jab konono: eor mejeir a re jab lo.
- 6 Eor lojiliñir, a re jab roñ: eor baudir a re jab atbwin.
- 7 Eor peir a re jab komon kaki: eor neir a re jab etal; im re jab ba jen ilo burueir.

8 Ro re komonmoni re eirwot; yokwe, ro otemjej rej liki ir.

9 O Israel komin liki Jeova. E wõt air jibõñ im air likepijñõk.

10 O nukin Aaron komin liki Jeova, e air jibõñ im air likepijñõk.

11 Komeo komij mijok Jeova, komin liki Jeova: E air jibõñ im air

likepijñôk.

12 Jeova e ar lemnok kin kim; E naj kejerammon kim, E naj kejerammon ro nukin Israel; E naj kejerammon ro nukin Aaron.

13 E naj kejerammõn ro rej mijõk

Jeova, ro redrik im ro relap.

14 Jeova en kalõñlok wõt kom, kom im ro nejimi.

15 Emõnõnõ kom jen Jeova eo E ar kömönmön löñ im löl.

16 Lõñ ko, lõñ ko re an Jeova, a lõl E ar letok ñon ro nejin armij.

17 Ro remij re jab nebar Jeova: ejelok ian ro rej wonlollok non jikin ikõñ.

18 A kim naj nebar Jeova jen ien in im ñon in drio: komin nebar Jeova.

SAM 116.

NA ij yokwe Jeova, bwe E ar roñjake ainikiö im aö akwelap ko.

2 Bwe E ar eoron io inem I naj kir non E toon ao mour.

3 To ko toon mij r'ar kabol io, im iñtan ko an Hedis r'ar drebij ið; I ar lo jorran im buromõj.

4 Inem I ar kir ñon etan Jeova; O Jeova, I akwelap ñon Kwe, kwon

kõtlok aõ.

5 E joij Jeova, im E wanik: amuij Anij ej tiriamokake.

- 6 Jeova ej kejbarok ro re jab kanuij meletlet; emwij kotaik io, inem E ar lomorio.
- 7 Kwon jeblaklok ñon am kakije, O aõ, bwe Jeova e ar wuilepwõi ñon yuk.
- 8 Bwe Kw'ar lomoren að jen mij, meja jen dren in kemjalal, im neiõ ien buñ.
- 9 I nal etal iman Jeova ilo enen ro remour.
- 10 Ij tomak, inem I naj konono; I ar kanuij iñtan.
- 11 Ilo ao kijorur I ar ba, Armij otemjej re dri riop.
- 12 Ta eo I naj lelok ñon Jeova kin men ko otemjej E ar letok ñon io? 13 I naj bõk kõp in lomor, im kir ñon etan Jeova.
- 14 I naj kõlla men ko I ar kanõjnij kaki ñon Jeova; aet iman mejen ro dron otemjej.

15 Men in aurök iman mejen Jeova, mij an ro remon An.

16 O Jeova, ña korijerôm ilo mol, ña korijerom, ña nejin korijerom kõra eo; Kw'ar kõtlok ið jen kworõk ko aõ.

17 I naj lewoj ñon Kwe men in katok ko in kamolol, im I naj kir ñon etan Jeova.

18 I naj kölla ñon Jeova men ko I ar kanõjnij kaki, aet iman mejen ro dron otemjej.

19 Iloan worwor ko an imon Jeova; ilo kwe, O Jerusalem. Komin nebar Jeova.

SAM 117.

KOMIN nebar Jeova, ro dri ailiñ ko otemjej: komin kaibujuij E, kom dri alliñ ko otemjej.

2 Bwe An tiriamo elap ñon kim; im mol an Jeova ej ber ñon in drio. Komin nebar Jeova.

SAM 118.

() KOMIN kamolol Jeova bwe E emőn: bwe An tiriamo ej ber ñon in drio.

2 Israel en ba kiō, Bwe An tiriamo ej ber ñōn in drio.

3 Ro nukin Aaron ren ba kio, Bwe An tiriamo ej ber ñon in drio.

4 Ro re mijôk Jeova ren ba kið, Bwe An tiriamo ej ber ñôn in drio. 5 Jen að iñtan I ar kir ñôn Jeova; Jeova e ar uak ið im E ar likit ið ilo jikið erabôkbök.

6 Jeova e ñon io; I jamin mijok, ta eo armij re maroñ in komon ñon

iõ?

7 Jeova e ñon ña iben ro rej jiboñ io: kin men in I naj lo ao konan ion ro rej kijirat io.

8 Emõn in liki Jeova jen liki

armij.

9 Emõn in liki Jeova jen liki bwirõk rõn.

10 Ro dri ailiñ otemjej r'ar kabol iő; ilo etan Jeova I naj bukwelok ir.

11 R'ar kabol iõ, aet r'ar kabol iõ; ilo etan Jeova I naj bukwelok ir.

12 R'ar kabol io einwõt loñ ko; emwij kwñni ir einwõt kijeek in kaliklik ko; ilo etan Jeova I naj bukwelok ir.

13 Kw'ar kanuij jibellok io bwe in

buñ; a Jeova e ar jibõñ iõ.

14 Jeova ao kajur im ao al, im E ar non io ao lomor.

15 Ainiken lõñliñ im lomor ilo mo ko imõn ro remõn; anbijmaroñõn Jeova e beran an kõmõn.

16 Anbijmaroñon Jeova eutiej; anbijmaroñon Jeova e beran an komon.

17 I jamin mij, ak mour wõt, im kwalok jerbal ko an Jeova.

18 Jeova e ar kanuij kajeik ič; a

E ar jab ketők iő ñőn mij.

19 Kwon kebellok ñon ið aur in wānik; I naj dreloñlok na iloir, im I naj kamolol Jeova. 20 Eñin aur an Jeova; ro dru wanik re naj dreloñ iloan.

21 I naj kamolol Yuk, bwe Kw'ar

uak ið, im Kw'ar að lomor.

22 Dreka eo ro dri kal r'ar jolok e, e in dremon jabon im.

23 Men in Jeova e ar kõmõn e, im e men in bwilõñ ilo mejem.

24 Eñin ran eo Jeova e ar kômôn e; je naj mônônô im lônliñ iomin.

25 O Jeova kimuij akwelap ñon Yuk, kwon jilkintok jerammon kio.

26 Emőnőnő eo ej itok ilo etan Jeova; kim ar kamőnőnőik Yuk jen iloan imőn Jeova.

27 Jeova e Anij, im E ar letok maram; komin lukwoj kiru in katok kin to ko ilo drun ko in lokatok eo.

28 Kwe ao Anij, im I naj kamolol Yuk; Kwe ao Anij im I naj kou-

tiej Yuk.

29 O komin kamolol Jeova, bwe E emõn, bwe An joij ej ber ñõn in drio.

SAM 119.

ALEPH.

E^{MÕNÕNÕ} ro re wãppen ilo ial eo; ro rej etal ilo kien Jeova.

2 Emõnõnõ ro rej kejbärok nan in kennan ko An, ro rej kabukot E kin aolepen burueir.

3 Aet, rej komon ejelok jab wanik,

rei etal ilo ial ko An.

4 Kw'ar kaiñi ñon kim nan in katak ko Am, bwe kimin kanuij lali.

5 O enañin emon elañe ial ko ao rebin wot, bwe in lale kien ko Am. 6 Ien eo I jamin jok, ñe ij kejbã-

rok kien ko Am otemjej.

7 I naj kamolol Yuk kin buruō ejimwe, ñe I naj katak ekajet ko Am rewānik.

8 I naj bokake nan in kaiñi ko Am; O Kwon jab illok wot jen ña.

BETH.

9 Kin ta juôn likao e naj karreoik ial eo an? Kin an kanuij lale ial eo ekar ñôn Am in nan.

10 Kin aolepen buruo I ar kabukot Yuk: O Kwon jab likit bwe in jebwabwe jen kien ko Am.

11 Am in nan I ar likit na ilo buruő, bwe in jab bwir hae Yuk.

12 Emőnőnő Kwe, O Jeova, kw'ar katakin iõ kien ko Am.

13 Kin tič I ar kwalok ekajet ko otemiej in loñom.

14 I ar lõñliñ ilo ial in nan in kennan ko Am, einwõt ilo mweiuk ko otemjej.

15 I naj kalomonlokjen kin nan in katak ko Am, im I naj lale ial ko Am.

16 I naj kalõnlin io ilo kien ko Am: I jamin melokolok Am in nan.

GIMEL.

17 Kwon wujleptok ñon korijerom bwe in mour, im I naj kejbãrok Am in nan.

18 Kwou kebellok meia, bwe in lo

men in bwilôn ko ilo kiôm.

19 Ña drua maijet ilo lõl in; Kwon jab noj kien ko Am jen ið. 20 E rup að kin an oñkake ekajet

ko Am ien otemjej.

21 Kw'ar enoik ro dri jua, emwij kokol ir, ro re jebwabwe jen kien ko Am.

22 Kwon bok jen ña kinak im kejekron; bwe I ar kejbarok nan in

kennan ko Am.

23 Bwirök rön r'ar jijöt im konono nae iõ, a ña korijerõm I ar kalomonlokien kin kien ko Am.

24 Nan in kennan ko Am men in monono iba, im re dri bebe ro ao.

DALETH.

25 Aő ej edrep ñőn bőñőlñől! Kwon kãejmour ið ekar ñon Am in nan.

26 I ar kwalok jal ko aõ, inem Kw'ar uak iõ; Kwon katakin iõ

kien ko Am.

27 Kwon kajelaik iõ ial in nan ko Am; ein drein I naj kalomõnlokjen kin jerbal in bwilõñ ko Am.

28 Aő ej unlok kin an erro; Kwon kakajur ið ekar ñðn Am in nan.

29 Kwon kadruaklok jen ið ial in riop; im letok non io kiom ilo joij. 30 I ar kalet ial in tiliek: ekajet

ko Am I ar likit imaő.

31 Ña ij edrep ñon nan in kennan ko Am, O Jeova kwon jab kajok iõ. 32 I naj etőr ilo ial in kiðm ko ñe Kwo naj kalaplok buruő.

HE.

33 O Jeova kwon katakin ið ial in nan in kaiñi ko Am, inem I nai kejbãroke ñon jemlokon.

34 Kwon letok ñon io jelalokjen, inem I naj bokake kiom, aet I naj

lale kin aolepen buruð.

35 Kwon kõmõn bwe in etal ilo ial in nan in kaiñi ko Am, bwe I mõnõnõ kake.

36 Kwon ukot buruo non nan in kennan ko Am, im jab ñon an-

kwonak.

37 Kwon kajeor meja jen lale wan, im Kwon kãejmour io ilo ial ko Am.

38 Kwon kabin Am in nan ñon korijerom, eo ij iben men in mijok Yuk.

39 Kwon kajeor ao kinaklok ij lelñoñ kake; bwe ekajet ko Am remon.

40 Lo I ar oñkake nan in katak ko Am! Kwon kãejmour io ilo Am wanik.

VAU.

41 Tiriamokake ko Am ren bareinwőt itok ñőn iba, O Jeova, aet Am lomor ekar ñon Am in nan.

42 Ein drein e naj iba nan in uak ñon eo ej kinaklok io; bwe ij liki Am in nan.

43 Im Kwon jab bok wot nan in mol jen loñio, bwe I ar kejatrikrik iõ ilo ekajet ko Am.

44 Ein drein I naj bokake kiôm ien otemiei ñon in drio im in drio.

45 Im I naj etal ilo anemkwojao; bwe I ar kabukot nan in katak ko Am.

46 I naj bareinwöt konono kin

nan in kennan ko Am iman kiñ ro, im I jamin jok.

47 Im I naj mononokake nan in

kaiñi ko Am, I ar yokwi.

48 I naj bareinwõt kwotõke peiõ ñõn kien ko Am, I ar yokwi, im I naj kalomõnlokjen kin nan in jiroñ ko Am.

ZAIN.

49 Kwon kememej nan eo ñon korijerom, bwe Kw'ar komon bwe in kejatrikrik io.

50 Eñin ao men in kainemon ilo ao jorran, bwe nan eo Am e ar

kãejmour iő.

51 Ro dri jua r'ar kanuij kajirerekake iõ, a I ar jab jeŏrlok jen kiŏm. 52 I ar kememej ekajet ko Am jen ien ko mokta O Jeova, im I ar

mõke kainemõn iõ.

53 Illu ebwil e ar drebij iõ, kin an ro dri nana illok jen kiõm.

ro dri nana illok jen kiom. 54 Nan in kaiñi ko Am re kar al

ko að, ilo imön að itoitök. 55 I ar kememej etőm, O Jeova, ilo boñ, im I ar bokake kiðm.

56 Men in e kar iba kin að kejbãrok nan in katak ko Am.

CHETH.

57 Jeova aõ kij: I ar ba, I naj kejbarok nan ko Am.

58 I ar akwelap ñon Yuk kin joij kin aolepen buruo; Kwon tiriamokake io ekar ñon Am in nan.

59 I ar kalomõnlokjen kin ial ko aõ, inem I ar ukot neið ñõn nan in kennan ko Am.

60 I ar kijorur, im jab rumijtok, in bokake nan in kaiñi ko Am.

61 To ko toon ro dri nana r'ar lukwõj io, a I ar jab meloklok kiom.

62 Ilukwon bon I naj jerkak in kamolol Yuk kin ekajet ko Am rewanik.

63 Ña dri komao iben ir otemjej remjõk Yuk, im iben ro re bokake nan in katak ko Am.

64 Lől, O Jeova, eobrok kin Am tiriamo; Kwon katakin iő kien ko Am.

TETH.

65 Kw'ar kõmõn emõn ñõn korijerõm, O Jeova, ekar ñõn Am in nan.

66 Kwon katakin ið ekajet emðu kab jelalokjen; bwe I ar tomak nan in kaini ko Am.

67 Mokta jen kejorran ið I kar jebwãbwe, a kið I bokake Am in

68 Kwe emõn im Kwoj kõmõn emõn; Kwon katakin iõ kien ko

69 Ro dri jua r'ar kine riõp nae iõ; kin aolepen buruõ I naj kejbãrok uan in katak ko Am,

70 Burueir remattok einwöt gris,

a I mõnõnõ kake kiõm.

71 Emőn iba ke kar kejorran iő, bwe in katak nan in kaiñi ko Am. 72 Kien loñőm emőnlok ñőn iő

jen tausan ko mõtõn gold im silver. JOD.

73 Peiőm r'ar kömönmön ið im kakajur ið; Kwon letok jelalokjen bwe in katak kien ko Am.

74 Ro remjök Yuk re naj lo ið im mönönð; bwe I kejatrikrik ið ilo Am in nan.

75 I jela, O Jeova, ekajet ko Am rewānik, im ilo tiljek Kw'ar kejorran ič.

76 I kajitők ibőm, Am joij im tiriamo ren kainemőn iő einwőt Am in nan ñőn ña korijerőm.

77 Tiriamokake ko Am ren itok ñon iba bwe in mour, bwe kiom men in lonliñ iba.

78 Ro dri jua ren jok, bwe r'ar komon naua ñon io ilo jab wanik; a I naj kalomonlokjen kin men in katak ko Am.

79 Ren jeblaktok ñon iba, ro remjok Yuk, im ren jela nan in kennan ko Am.

80 Buruõ en wappen ilo kien ko Am, bwe in jamin jok.

KAPH.

81 Aő e bãrôk ñon Am lomorio; bwe I kotar Am in nan.

82 Meja re ñatte ñon Am in nan ke I ba, Ñat Kwo naj kainemon

83 Bwe ña I erôm einwôt boto ilo bat; kien ko Am I ar jab melok-

84 Jete ran, ran in korijeröm? Ñat Kwo naj kömön ekajet ñön ro rei matörtör iö?

85 Ro dri jua r'ar kõbij roñ ñõn

iõ, ro re jab ekar ñõn kiõm.

86 Kien ko Am otemjej retiljek; re matőrtőr iő ilo mon; kwe kwon jibőñ iő.

87 R'ar nañin kokkure ið ion löl; a I ar jab illok jen nan in katak ko Am.

88 Kwon kãejmour ið ilo Am tiriamokake; ein drein I naj bokake nan in kennan ko Am.

LAMED.

89 Ñon in drio, O Jeova, Am in nan ebin ilo lon ko.

90 Am tiljek e ñon ebeben otemjej; Kw'ar kabin lõl in inem e berwot.

91 Rej ber rauin kin ekajet ko Am; bwe men otemjej ro dri korijerom.

92 Elañe kiðm e ar jab men in löñliñ iba, I naj kar joko ilo að jorran.

93 I jamin meloklok nan in katak ko Am; bwe kin ir Kw'ar kãejmour jõ.

94 Ña Am, Kwon lomoriō; bwe I ar kabukot nan in katak ko Am.

95 Ro dri nana r'ar kötar ið bwe ren kokkure ið; a I naj kalomönlokjen kin nan in keunan ko Am. 96 I ar lo jemlokön wäppen otemjej; a kien ko Am re kanuij erabökbök.

MEM.

97 O e nañin lap ao yokwe kiom!! I kalomonlokjen kake iomin aolepen ran.

98 Kien ko Am r'ar kameletletlok iŏ jen ro dri kijirāt iŏ, bwe re ber iba ien otemjej.

99 I meletlet jen ao dri kaki otem-

jej, bwe nan in kennan ko Am að kalomönlokjen.

100 I melele jen ridto rön, bwe I ar kejbärok nan in katak ko Am. 101 I ar drebij neiö jen ial ko renana otemjej; bwe in bokake Am

in nan.

102 I ar jab jeðrlok jen ekajet ko Am, bwe Kw'ar katakin ið.

103 E nañin tônel nan ko Am ñe I erjoñi, aet retñöl jen hõuni ilo loñio.

104 Kin nan in katak ko Am ij bõk meletlet; inem I jõjõik ial in mon otemjej.

NUN.

105 Am in nan e lamp ñon neio, im maram ñon ao ial.

106 I ar kanõjnij im kabin e, bwe I naj lale ekajet ko Am rewanik.

107 Ña I kanuij jorran; Kwon kãejmour iõ O Jeova, kin Am in nan.

108 Ij akwelap ñön Yuk O Jeova, Kwon bök men in jurtak ko in löniö, I könan lewoj; im katakin iö ekajet ko Am.

109 Aõ e ilo peiõ ien otemjej, a I jab meloklok kiõm.

110 Ro dri nana r'ar kapojõk aluk ñõn iõ; a I ar jab jebw**äbwe jen** nan in katak ko Am.

111 I ar bõk nan in kennan ko Am men in jolit iba ñõn in drio, bwe re men in lõñliñ an buruõ.

112 I ar kamõllok buruð in bokake kien ko Am ñon in drio, aet, ñon jemlokon.

SAMEK.

113 Na ij drike armij burueir ruo, a ij yokwe kiom.

114 Kwe ao jikin tilekek im likepijñok; I kejatrikrik io ilo Am in nan.

115 Komin ilok jen ña, kom dri komon nana; bwe in bokake kien ko an ao Anij.

116 Kwon jebok ið ilo Am in nan bwe in mour, im Kwon jab kajok ið kin að kejatrikrik.

117 Kwon kwotoke io im naj

lomorio, im I naj lale kien ko Am ien otemjej.

118 Kw'ar kejekron ir otemjej re jebwãbwe jen kien ko Am, bwe air

mon e riop wot.
119 Kwo jolok ro dri nana otem-

jej in löl einwöt oo; kin men in ij

yokwe nan in kennan ko Am. 120 Koniekiö e wurirrir kin mijök Yuk; im ij lelñoñ kin ekajet ko Am.

AIN.

121 I ar kömön ekajet im jimwe; Kwon jab likit iö ñön ro dri matörtör iö.

122 Kwon dri kamol ñon ña korijerom kin emon ; ro dri jua ren jab

matortorio.

123 Meja re mõjinolok ñõn Am lomor, im ñõn Am in nan rewänik. 124 Kwon kõmõn ñõn ña korije-

rom ilo Am tiriamo, im katakin io

kien ko Am.

125 Ña dri korijerŏm, Kwon letok jelalokjen bwe in jela nan in kennan ko Am.

126 Ien in ien jerbal ñon Jeova,

bwe r'ar kokkure kiôm. 127 Kin men in ij yokwe kien eo

Am, elap jen gold, aet elap jen gold erreo.

128 Kin men in ij lemnok bwe nan in katak ko Am otemjej kin men ko jotemjelok rejimwe, im I jõjõik ial ko otemjej, ial in riõp.

PE.

129 Nan in kennan ko Am re men in bwilöñ; kin men in aö ej bokaki. 130 Kebellok Am in nan ej kamaramlok, ej lelok jelalokjen ñön ro re jab kanuij meletlet.

131 I ar kanuij waloni lonio im lap ao menono, bwe I ar onkake

kien ko Am.

132 Kwon oktöktok ñön iö, im tiriamokake iö einwöt kwo kin kömön ñön ro dri yokwe etöm.

133 Kwon kabin jenkwön ko jenkwön neið ilo Am in nan; im Kwon jab likit bwe jabrewöt nana en iroij ioð. 134 Kwon wiaik ič jen matortor an armij; ein drein I naj bokake nan in katak ko Am.

135 Turin mejõm en romak ion ña dri korijerõm, im katakin iõ nan in kaiñi ko Am.

in kaini ko Am.

136 River in dren retorlok jen meja, kin air jab bokake kičm.

TZADE.

137 Kwo wanik, O Jeova, im rejimwe ekajet ko Am.

138 Kw'ar kaiñi nan in kennan ko Am ilo wanik im tiljek wot.

139 Aö kijejeto e ar tili iö, bwe ro dri kijirāt iö r'ar meloklok nan ko Am.

140 Am in nan e kanuij erreo; kin men in korijerom ij vokwe.

141 Ña erik im armij in kejekron; a I jab meloklok katak ko Am.

142 Am wanik eo wanik ej ber non in drio, im kiom emol.

143 Jorran im iñtan r'ar jibwe iỡ, a kien ko Am men in mõnõnõ iba. 144 Nan in kennan ko Am rewānik ñõn in drio; Kwon letok jelalokjen im I naj mour.

KOPH.

145 I ar kir kin aolepen buruo; Kwon uak io, O Jeova; I naj bokake nan in kaiñi ko Am.

146 I ar kir ñon Kwe, kwon lomorio; inem I naj lale nan in ken-

nan ko Am.

147 I ar iwij imam mokta jen rantak im kir ñon Kwe, I ar kejatrikrik io ilo nan ko Am.

148 Meja r'ar bõprae mmij in boñ bwe in kalomõnlokjen kin Am in nan.

149 Kwon ronjake ainikiö ilo Am tiriamo im joij. O Jeova, kwon käejmour iö ilo ekajet ko Am.

150 Re kebaktok ro rej lore nana; retolok jen kiŏm.

151 Kwoj ebak, O Jeova, im kien

ko Am otemjej remol.

152 Jen ien moktata I ar jela nan in kennan ko Am, bwe Kw'ar kabini ñon in drio.

153 Kwon lale að iñtan, im kötlok io: bwe I jab meloklok kiom.

154 Kwon akwaile aõ akwail im wiaik io: kaeimour io ilo Am in nan.

155 Lomor etolok jen ro dri nana, bwe re jab bukot nan in kaiñi ko Am.

156 Elap Am tiriamokake ko, O Jeova; Kwon kãejmour io ilo ekajet ko Am.

157 Előñ ro dri matőrtőr iő im ro dri kijirāt io; a I ar jab jeor jen nan in kennan ko Am.

i 158 I ar lo ro dri komon etao, im buromõj kake; bwe re jab lale Am in nan.

159 Kwon lale ekijkan aõ yokwe nan in katak ko Am: Kw'ar kãejmour iõ ilo Am tiriamokake.

160 Boran Am in nan, mol; im ekajet otemjej Am rewanik rej ber ñon in drio.

SHIN.

161 Bwirök rön r'ar matörtör ið ke ejelok unin; a buruo e lelñoñ kake nan ko Am.

162 I lõñliñ kin Am in nan einwõt eo ei lo elõñ men in rakim.

163 I jõjõik im drike riõp; a ij vokwe kiôm.

164 Jiljilimjuõn alen ilo ran I nebar Yuk kin ekajet ko Am rewanik.

165 Ainemon elap iben ro rej yokwe kiom, im ejelok unin lokatip ibeir.

166 I ar kejatrikrik ið kin Am lomor O Jeova, im I ar bokake nan in kaiñi ko Am.

167 Aő e ar lale nan in kennan ko Am, bwe I kanuij yokwi.

168 I ar lale nan in katak ko, im nan in kennan ko Am, bwe ial ko ao otemjej re imam.

TAU.

169 Ač kir en ebakwčj imam, O Jeova; kwon letok jelalokjen einwõt Am in nan.

170 Aõ akwelap en iwij imam; Kwon kõtlok iõ einwõt Am in nan.

171 Tiö ren konono nebar, bwe Kwo katakin io nan in kaini ko Am.

172 Loo en al kin Am in nan, bwe kien ko Am rewanik.

173 Peiőm en rerelok in jibőñ iő, bwe I ar kalet nan in katak ko Am. 174 I ar oñkake Am lomor O Jeova.

im kiom men in lonlin iba.

175 Aő en mőnőnő, inem I naj nebar Yuk; im ekajet ko Am ren jibőñ ið.

176 I ar jebwābwe einwõt šip ejoko: Kwon kabukot korijerom, bwe I jab meloklok kien ko Am.

SAM 120. Al in wonlinlok ko.

LO að iñtan I ar lamij ñðn Jeova. I inem E ar uak ið.

2 Kwon kõtlok aõ O Jeova jen tien ko re riop, im jen lo in mon.

3 Ta eo ren lewoj ñon yuk, im ta eo ren komon elonlok non yuk, kwe lo in etao?

4 Möri ko rekõñ an ro dri kajur,

im melle in wijki juniper.

5 Wo ñon ña kin ao ber ilo Mesek, kin aõ jokwe ilo moko im nuknuk an Kidar.

6 Aõ eto an jokwe iben eo ej

iõiõik ainemõn.

7 Na I kõnake ainemõn; a ke ij konono, re konake torinae.

SAM 121.

Al in wonlinlok ko.

NAJ reiliñlok ñon tol ko; ao jibőñ en itok jen ia?

2 Aő jibőñ ej itok jen Jeova, eo E ar komonmon lõn ko im lõl.

3 E jamin likit neiõm bwe en makõtkit; Eo ej kejbarok yuk E jamin kiki.

4 Lo Eo ej kejbãrok Israel E jamin mijki ak kiki.

5 Jeova am dri lale, Jeova e anoñom i anbijmaroñom.

6 Al eo e jamin mon yuk ilo ran,

ak aliñ ilo boñ.

7 Jeova e naj kejbarok yuk jen nana otemjej, E naj kejbarok am.

8 Jeova e naj kejbãrok am drioij- í non kim, ke armij ron r'ar jerkak lok im am dreloñtok jen ien in im ñon in drio.

SAM 122.

Al in wonlinlok ko; an Devid.

AR mõnõnõ ke r'ar ba ñõn iõ, Jen ilok ñon imon Jeova.

2 Neiem rej jutčk iloan aur ko am, O Jerusalem.

3 Jerusalem eo emwij kalek e einwõt jikin kwelok mõkon re kut.

- 4 Non ie bwij ko rej wonlinlok, aet bwijin ko an Jeova, kin kennan ñon Israel, bwe ren kamolol etan
- 5 Bwe ijo emwij tron ko ñon ekajet, tron ko an imõn Devid.

6 Komin jar kin an Jerusalem ainemõn; re naj jerammôn ro rej yokwe yuk.

7 Ainemõn en iloan worwor ko am, im jerammon ilo moko am

imon iroij.

8 Kin ro nuku im kin ro jera I naj ba kiō, Ainemon en iloan.

9 Kin imõn Jeova amuij Anij, I naj bukot am ainemõn.

SAM 123.

Al in wönliñlok ko.

TÕN Kwe ña ij leliñwoj meja, O Kwe kwoj jijot ilo lon ko.

- 2 Lo einwöt mejen ro dri korijeran re reilok ñon pein iroij eo air, im einwöt mejen korijeran e ledrik re reilok ñon pein liroij eo an, ein drein mejem rej reilok ñon Jeova amuij Anij mae ien Ej tiriamokake kim.
- 3 Kwon tiriamokake kim, O Jeova, kwon tiriamokake kim; bwe kim kanuij mat kin jõjõik.

4 Am e kanuij mat kin kitőtőkake an ro rej ilo ainemõn, im kin jõjõik an ro dri jua.

SAM 124.

Al in wonlinlok ko. An Devid.

LAÑE e ar jab Jeova eo E ar ibem, Israel en ba kiō; 2 Elañe e ar jab Jeova eo E ar nae kim;

3 Inem ien eo re naj kar wõrõñõlok kim ke kim mour; ke emwij kejo air illu nae kim.

4 Ien eo dren ko re naj kar kamaloñ kim: river eo e naj kar wonliñ-

lok jen am.

5 Ien eo dren ko re killip re nai kar wonlinlok ion am.

- 6 Emonono Jeova eo E ar jab lelok kim, einwôt men in jibwe, ñôn ñi ko ñiir.
- 7 Am e ar ko einwõt bao jen aluk an ro dri jibwe bao; erup aluk eo im kim ar ko.
- 8 Men in jibõñ kim ilo etan Jeova. eo E ar kömönmön löñ im löl.

SAM 125.

Al in wönliñlok ko.

RO rej liki Jeova rej einwõt tol Zaiõn eo, re ban kamõkit e, a ej ber ñon in drio.

- 2 Einwõt tol ko rej iturin im kabol Jerusalem, ein drein Jeova ej iturin ro dron jen ien in im ñon in drio.
- 3 Bwe septer in jab wanik e jamin berwőt ion jolit an ro dru wanik, bwe ro dru wanik ren jab erlokwe peir ñon jerawiwi.

4 O Jeova, kwon komon emon ñon ro dri'mon, im ñon ro e jime

burueir.

5 A kin ro rej jeõrlok ñõn ial ko air r'ankeke, Jeova e naj tellok ir iben ro rej jerbale nana, a ainemõn en ion Israel.

SAM 126.

Al in wönliñlok ko.

K E Jeova e ar ukot men in jebo-kwe an Zaiŏn, kim ar einwŏt ro rei tonak.

2 Ien eo loñem e ar obrôk kin tôñ im loem kin al ko; ien eo r'ar ba ilo ailiñ ko, Jeova e ar komon men ko relap ñon ir.

3 Jeova e ar komon men ko relap ñon kim, kimuij kaki.

67

Jeova, einwőt river ko i rők.

5 Ro rej jeor ilo dren in kemialal.

re naj marmir ilo lõñliñ.

6 Meñe ej ilok ilo ial im jõñ, im bõklok ine ko; e naj bar itok ilo lonlin im boktok kworok ko iben.

SAM 127.

Al in wönliñlok ko, an Solomon.

ELAÑE Jeova e jab kalek mweo, ro rej kaleke re jerbal bata; elañe Jeova e jab kejbarok imon kwelok eo, dri ekil ej ekil bata.

2 Men in bata ñon kom ne komij jerkak mőkőj, im babu ñe ebat, im mõña bred in jorran: bwe ein drein Ej lelok kiki ñon ro dri jitenburu iben.

3 Lo ajiri ron men in jolit jen Jeova, im leen lojien kõra wõnan jen E.

4 Einwöt möri ko ilo pein armij ekajur, ein drein ajiri ro nejin eo emon drer.

5 Emonono armij eo im nien mori eo an e obrôk kaki: re jamin jok ñe rej konono iben ro rej kijirat ir ilo kejem in worwor.

SAM 128.

Al in wönliñlok ko.

EMÕNÕNÕ jabrewõt eo ej mijõk Jeova, eo ej etal ilo ial ko An.

2 Bwe kwo naj mõña jen jerbal in peiom: kwo naj monono, im e naj emõn ibõm.

3 Lio beleőm e naj einwőt vain ej kouwa iloan mweo imom, ro nejom einwõt wijki ko redrik wijki oliv iturin tebel eo am.

4 Lo ein drein armij e naj jeram-

mon, eo ej mijok Anij.

5 Jeova e naj kejerammon yuk jen Zaion, im kwo naj lo an Jerusalem emon iomin aolepen am mour. 6 Aet kwo naj lo ro nejin nejčm ron. Ainemon en ion Israel.

SAM 129.

Al in wonlinlok ko.

NLÕÑ alen air kejorran ið jen L'ien ao inono, Israel en ba kio:

4 Kwon ukot amuij jebokwe O | 2 Előñ alen air kejorran ið jen ien ao inono, a re jañin bok anjo jen io.

3 Ro dri kõbij r'ar kõbij ilo elikiő, r'ar kaitoklok air köbij ko.

4 Jeova e wanik: E ar bukwe to ko točn ro dri nana.

5 Ren jok im jenliklik, ro otemjej

rej kijirāte Zaion.

6 Ren einwöt ujoij ion mo ko ej aimerlok mokta jen an edrekliñlok.

7 Kin e dri bukwe ujoji e jab kobrôk pein, ak eo ej lukwôj kworôk

ko ubôn.

8 Im ro rej ela re jab ba, Jeova en kejerammön yuk, kim kamönönõik yuk ilo etan Jeova.

SAM 130.

Al in wonlinlok ko.

JEN imlöl ko I ar kir ñon Kwe, O Jeova.

2 Jeova kwon rofijake ainikio: lojiliñom ren eoroñ ainiken ao akwelap ko.

3 Elañe Kwe, O Jeova, kwo naj kakõle jerawiwi ko, O Iroij, wõn

e naj jutők?

4 A jolok jerawiwi ej ibom, bwe armij ren mijok Yuk.

5 I kőtar Jeova, að ej kőtar, im ilo An in nan I kejatrikrik ið.

6 Aő ej kőtar Iroij elap jen ro dri kil re kõtar rantak, aet elap jen ro

dri kil rantak.

7 O Israel kwon kejatrikrik yuk ilo Jeova, bwe iben Jeova eor tiriamokake, im iben előñ lomor.

8 Im E naj lomoren Israel jen bwir ko an otemjej.

SAM 131.

Al in wönliñlok ko an Devid.

TEOVA, buruõ e jab jua: im meja re jab utiejlok: im I jab etetal ilo men ko relap, ak ilo men ko men in bwiloñ jen ao maroñ kake.

2 Emol I ar tőt im kőkajeklokjen ao, einwot ninnin e likitit iben jinen: að ibðm einwöt ninnin e likitit.

3 O Israel kwon kejatrikrik yuk | Devid en eoñ: I ar likit juon lamp ilo Jeova, jen ien in im ñon in drio.

> SAM 132. Al in wönliñlok ko.

TEOVA, kwon kememej kin Devid aolepen an intan:

2 Ekijkan e ar kanõjnij ñõn Jeova, im kalimur ñon Eo e kajurpotata an Jekõb.

3 Emol I jamin dreloñ iloan im nuknuk mweo imõ, im I jamin wonlinlok non iloan ao bed:

4 I jamin lelok kiki ñon meja, ak

mijki ñon kilin meja,

- 5 Mokta jen ao lo jikin ñon Jeova: imon kaber non Eo dri kajurpotata an Jekõb.
- 6 Lo kim ar ron kin e i Eprata, kim ar loe i melaj ko an jikin wijki.
- 7 Kim naj drelonlok iloan imon kaber ko An: kim naj kabuñ i eran neen.
- 8 Kwon jerkak O Jeova, ñon iloan Am jikin kakije: Kwe im dipdip in kajur eo Am.
- 9 Pris ro Am ren konok wanik: im ro remon Am, ren lamij kin
- Devid, dri korijerom, 10 Kin Kwon jab kejeőr mejen Am Dri kalet.
- 11 Jeova e ar kanôjnij ñon Devid ilo mol: E jamin illok jen e: jen leen enbwinom I naj likit ilo tron eo Am.
- 12 Elañe ro nejom rej drebij bujen eo Aō, im Aō nan in kennan eo I naj katakin ir: ro nejir re naj jijõt ilo tron eo am ñon in drio.

13 Bwe Jeova e ar kalet Zaion: E ar konake bwe en jikin jokwe An.

- 14 Eñin Aő jikin kakije ñőn in drio: I naj jokwe ijo bwe I ar kõnake.
- 15 I naj kanuij kejerammon kijen: I naj kamat ro dri jeramel an kin bred.
- 16 Bareinwöt pris ro an I naj kanuknuk ir kin lomor: im ro remon an re naj lamij kin lõnlin.

17 Ijo I naj komon bwe drun

ñon dri kabit eo Ao.

18 I naj kanuknuk ro dri kijirate kin jok: a ion e mõke kraun eo an e naj eõñ.

SAM 133.

Al in wonlinlok ko, an Devid.

To enañin emon im men in mo-🚽 nono, ñe ro jein im jatin rej ber iben dron ilo karök.

2 Ej einwöt oil e aurök ion böran, e ar torlõllok ion kworeak, aet kworeak an Aaron: e ar wonlollok ion toreren nuknuk ko an.

3 Einwöt molawi in Hermön, ej wonloltok ion tol ko in Zaion: bwe ijo Jeova e ar kajñi jerammôn, aet mour in drio.

SAM 134.

Al in wönliñlok ko.

Lo komin kamõnõuõik Jeova, kom otemjej dri korijeran Jeova, ro rej jutčk ilo boň ilo imčn Jeova.

2 Komin kwotoke peimi non jikin kwojarjar eo, im komin kamononõik Jeova.

3 Jeova en kejerammön vuk jen Zaiðn: aet Eo e ar komonmon lon im lõl.

SAM 135.

K OMIN nebar Jeova, komin ne-bar etan Jeova: komin nebar E, O komeo kom ro dri korijeran Jeova.

2 Komeo komij jutčk iloan imčn Jeova, iloan worwor ko an imon amuij Anij.

3 Komin nebar Jeova, bwe Jeova emon: komin al im nebar etan, bwe men in men in monono.

4 Bwe Jeova e ar kalet Jekõb ñõn E mõke, im Israel ñõn men in aurõk eo An.

5 Bwe I jela bwe Jeova elap, im amuij Anij eutiej jen anij ro otemiei.

6 Men ko jabrewõt Jeova e mõnono kake E ar komonmoni ilo

lõn im ilo lõl, ilo lomalo ko im ilo | 3 O komin kamolol Iroij in iroij

imlõl ko otemjej.

7 Ej kõmõn bwe tap ko ren wõnliñlok jen jabon lol ko: Ei komon jarom ko non wut: Ej boktok koto ko jen imon mweiuk ko An.

8 E ar mon manji ron i Ijipt, ar-

mij im kiru.

9 E ar jilkinlok kakõle ko im men in bwilon ko non ilujom, O liipt. ion Pero im ion ro dri korijeran otemjej.

10 E ar kokkure előñ ailiñ, im

mon kiñ rekajur:

11 Saion kiñ an ro dri Amor, im Og kin in Besan, im ailiñ in kiñ otemiei in Keneen.

12 Im lelok ene ko air bwe en men in jolit, men in jolit ñon Israel

dri ailiñ eo An.

13 Etom O Jeova, e non in drio: ememej eo am O Jeova iomin ebeben otemjej.

14 Bwe Jeova e naj ekajet dri ailiñ ro An, im naj ukwelok iben

kin ro dri korijeran.

15 Ekjõp ko an ro dri ailiñ ko silver im gold, jerbal in på ko pein armii.

16 Eor loñir, a re jab konono; eor

mejeir, a rejab lo:

17 Eor lojiliñir, a re jab roñ, im ejelok menono ilo loñir.

18 Ro rej komonmon ir re naj eirwõt, aet ro otemjej rej liki ir.

19 O imon Israel, komin kamononõik Jeova; O imõn Aaron, komin

kamõnõnõik Jeova.

20 O imon Livai, komin kamononõik Jeova; komeo kom mijõk Jeova, komin kamõnõnõik Jeova. 21 Emonono Jeova jen Zaion. Eo ej jokwe i Jerusalem. Komin kamononoik Jeova.

SAM 136.

KOMIN kamolol Jeova, bwe E emon, bwe An tiriamo e ñon in drio.

2 O komin kamolol Anij in anij ron, bwe An tiriamo e non in drio.

ron, bwe An tiriamo e ñon in drio.

4 Non Eo ej komon men in bwilõn ko relap mõke ian, bwe An

tiriamo e ñon in drio.

5 Ñon Eo e ar komonmon lon ko kin meletlet, bwe An tiriamo e ñon in drio.

6 Non Eo e ar erlokwe lõl ilõñin dren ko, bwe An tiriamo e ñon in

drio.

7 Non Eo e ar komonmon maram ko relap, bwe An tiriamo e ñon in drio.

8 Al eo bwe en iroij ilo ran, bwe An tiriamo e ñon in drio.

9 Aliñ eo im iju ko bwe ren iroij ilo boñ, bwe An tiriamo e ñon in

10 Non Eo e ar mon Ijipt ilo manjiir, bwe An tiriamo e ñon in drio.

11 Im E ar böktok Israel jen ibeir, bwe An tiriamo e ñon in drio.

12 Kin pein ekajur, im pein E ar erlokwe, bwe An tiriamo e ñon in drio.

13 Non Eo e ar kijbil lomalo ekilmir ilo mőtőn ko, bwe An tiriamo e ñon in drio.

14 Im E ar komon bwe Israel en etal iolapin, bwe An tiriamo e ñon in drio.

15 Im E ar jolok Pero im jar in tõrinae eo an na iloan lomalo ekilmir, bwe An tiriamo e ñon in drio.

16 Non Eo e ar tel ro dron ilujen ene jemaren eo, bwe An tiriamo e ñon in drio.

17 Non Eo e ar mon kiñ relap, bwe An tiriamo e ñon in drio.

18 Im E ar mon kiñ rebuñbuñ, bwe An tiriamo e ñon in drio.

19 Saion kiñ in ro dri Amor, bwe An tiriamo e ñon in drio.

20 Im Og kiñ in Besan, bwe An tiriamo e ñon in drio.

21 Im E ar lelok ene ko air men in jolit, bwe An tiriamo e ñon in

22 Men in jolit wõt ñon Israel dri korijeran, bwe An tiriamo e ñon in drio.

23 Eo e ar kememej kim ilo amuij eta, bwe An tiriamo e ñon in drio.

24 Im E ar kötlok kim jen ro dri kijirāt kim, bwe An tiriamo e ñon in drio.

25 Ej lelok kijeir ñon koniek otemjej, bwe An tiriamo e ñon in drio.

26 O komin kamolol Anij in lõñ ko, bwe An tiriamo e ñõn in drio.

SAM 137.

TURIN river ko an Babulön, kim ar jijöt, aet kim ar jöñ ke kim ar kememej Zaiön.

2 Kim ar totoik arp ko am ilo wijki ko willo ilo bwiljin ene eo.

3 Bwe ijo ro r'ar kajebokwe kim re kajitok ibem al ko; im ro r'ar kokkure kim r'ar kajitok ibem tõñ, im ba. Komin al ñõn kim juõn ian al ko in Zaiõn.

4 Ekijkan am naj al kin al in Jeova i ene an drua maijet?

5 Elañe ij meloklok yuk, O Jerusalem, anbijmaroñiö en meloklok an kabel.

6 Loiö en edrep ñon ñatiö, elañe I jab kememej yuk; elañe I jab koutiej Jerusalem jen ao löñliñ elaptata.

7 O Jeova, kwon kememej nae ro nejin Időm ran in Jerusalem, r'ar ba, Komin kokkure, komin kokkure, aet ñőn loñtak ko an.

8 O nejin kõra in Babulõn, im naj kokkure yuk, e naj mõnõnõ eo e naj nawõnan yuk einwõt am kõmõn ñõn kim.

9 E naj mõñõnõ eo e naj bõk im jolõllok na ion dreka niñniñ ro am.

SAM 138.

Sam an Devid.

I NAJ kamolol Yuk kin aolepen buruo: iman anij ron I naj al kin nebar ko non Kwe.

2 I naj kabuñ ñon tempel eo Am ekwojarjar, im kamolol etom kin Am tiriamo, im kin Am mol: bwe Kw'ar kalaplok Am in nan jen aolepen etom. 3 Ilo ran eo ke I ar kir, Kw'ar uak iŏ: Kwoj kaberan iŏ kin kajur ilo aŏ.

4 Kiñ ro otemjej in löl re naj kamolol Yuk, O Jeova, bwe r'ar roñjake nan ko an loñôm.

5 Aet, re naj al kin ial ko an Jeova, bwe elap aibujuij an Jeova.

6 Bwe meñe Jeova eutiej, Ej lale ro retā: ro dri jua E jela kajeir jen etolok.

7 Meñe I etal ilujen jorran, Kwo naj kãejmour ið: Kwo naj erlokwe peiðm nae illu an ro dri kijirāt ið: im anbijmaroñom e naj lomorio.

8 Jeova e naj kamwijlok men eo aő: Am tiriamo, O Jeova, e ñőn in drio: Kwon jab illok jen jerbal ko in pã ko peiőm.

SAM 139.

Ñon dri lale al. Sam an Devid.

O JEOVA, kw'ar kalimjek iö im jela iö.

2 Kwo jela að jijðt im að jutðk: Kwo jela að lemnok jen etolok.

3 Kwo kalimjek ač ial, im ač babu, im Kwo jela ial ko ač otemjej.

4 Bwe ejelok nan ilo loõ, im Kwe O Jeova, kwo jab jelakake wõt.

5 Kw'ar nitbwili ið ilikið im imað, im Kw'ar likit peiðm ioð.

6 Jelalokjen einwőt in I kanuij bwilőñ kake: eutiej, I jab maroñ in tőbare.

7 I naj ilok ñon ia jen Am Jitob? Ak I naj ko ñon ia jen mejom?

8 Elañe I wönliñlok ñön iloan löñ ko, Kwe ijo: elañe I likit kiniö ilo Hedis, Kwe ijo.

9 Elañe ij bok pein bau in rantak im jokwe ilo moton retoloktata in lometo:

10 Ijo peiom e naj tel io, im anbijmaroñom e naj drebij io.

11 Elañe I ba, Emol marok e naj kalibubu ið, im maram eo iturið e naj boñ:

12 Marok eo e jab noj jen Kwe, a boñ ej romak einwöt ran: marok im maram irro einwöt juŏn ibŏm.

13 Bwe ibiő e ar ibőm: Kw'ar kalibubu ið ke I ar ber i lojien jinð.

14 I naj kamolol Yuk, bwe Am kõmõnmõn iõ men in lelñoñ im bwilon: jerbal ko Am men in bwilõn: im men in, ao e kanuij jelakake.

15 Mötön enbwiniö rekajur r'ar jab tilekek jen Kwe ke emwij kõmonmon io ilo etino: im ej io ilo mőtőn ko etatata in lől.

16 Mejom r'ar lo enbwinio ke e jañin 'mwij komone: ilo buk eo Am ar jejekake ra ko rao, ar komonmõni ran im ran ien eo ke ejelok iair.

17 Bareinwőt lemnok ko Am re nañin aurôk iba, O Anij! air koba

e kanuij lap!

18 Elañe I naj bwinir, oran előñ jen oran bok ko: ke ij ruj, ña ibôm wõt.

19 Emol Kwo naj mon ro dri nana, O Anij, inem komin ilok jen ña, komeo armij bõtõktõk ko.

20 Bwe re konono nana nae Yuk. im ro dri kijirat Yuk rej kananaik

etőm.

21 O Jeova, I jab drike ro rej kijirat Yuk ke? Im I jab buromoj kin ro rej jutčk jumae Yuk ke?

22 I kijirāt ir kin kijirāt elaptata:

ij likit ir að dri kijirāt.

23 Kwon kalimjek iõ, O Anij, im jela buruő: Kwon melejoñ ið im jela lemnok ko aõ.

24 Im Kwon lo elañe jabrewőt ial enana iba: im Kwon tel io ilo ial

ei ñon in drio.

SAM 140.

Non dri lale al. Sam an Devid.

KWON kötlok ið, O Jeova, jen armij dri nana: Kwon lomorið jen armij eo dri kokkure.

2 Ro rej lemnok kin men ko renana ilo burueir: ien otemjej re kweloklok ñon dron kin torinae.

3 R'ar jimjim loir einwöt kiru serpent: uno kon mij an kiru adder iomin tieir. Sela.

4 O Jeova, kwon lomorio jen pein

ro dri nana: Kwon lomorio jen armij in kokkure eo, ro r'ar bebe in jibellok buñten neið.

5 Ro dri jua r'ar noi jen ñon jo: r'ar erlokwe juon ok iturin ial: r'ar likit aluk ko ñon io. Sela.

6 I ar ba ñon Jeova, Kwe ao Anij: kwon eoroñ ainiken akwelan ko ao.

O Jeova.

7 O Anij Iroij eo, kajur an aõ lomor: Kw'ar torok bora ilo ran in tõrinae.

8 O Jeova, kwon jab lelok ñon ro dri nana men ko re konan: Kwon jab jibõñ e ilo an bebe enana, ñe ab ren mõke koutiej ir. Sela.

9 Kin bõran ro rei kabol iõ, nana

in tieir en kalibubu ir.

10 Melle rej urur ren buñ ioir: emon jolok ir na ilo kijeek: ilo ron ko r'imlõl, bwe ren jab bar jerkak.

11 Eo ej konono nana jamin kabin e ilo lõl: nana e naj kabukot armij

in kokkure bwe en mone.

12 I jela Jeova e naj komon wanik ñon eo e jorran, im ekajet ñon eo e ieramel.

13 Emol ro dru wanik re naj kamolol etőm: ro remőn re nai jokwe iman mejõm.

SAM 141.

Sam an Devid.

TEOVA, I ar kir ñon Kwe: kwon kijorur in itok ñon iba, Kwon eoroñ ainikio ke ij kir ñon Kwe.

2 Aö jar en ber einwöt melu imam; aõ kwotõke peiõ en ein-

wõt men in katok ejota.

3 O Jeova, kwon likit ken kejbārok i loñio; Kwon kejbārok aur

4 Kwon jab ukot buruð ñðn jabrewõt men enana, im kõmõn kõmõn ko renana iben ro dri komon nana, im in jab mõña men ko renno air.

5 Ro dru wanik ren ubrare io, e naj men in yokwe; im en kowe io, e naj einwõt oil ilo bõra; bõra en jab abwin e, bwe ilo air bwir wôt aő jar e naj walok.

6 Emwij jolöllok air dri ekajet rön

iturin dreka ko, im re naj roñjake | ko re marok, einwôt ro eto ke r'ar aõ in nan, bwe retõñel.

7 Einwöt eo ej köbij im bukwe brij, ein drein dri ko drin re jibliklok iturin loñin lũp eo.

8 Bwe meja re ñon Kwe, O Anij Iroij, ij liki Yuk; kwon jab likit

ao ilo aikwij.

9 Kwon kejbãrok að jen aluk eo r'ar kapoje ñon io, im jen ko an ro dri kõmõn nana.

10 Ro dri nana ren buñ na iloan ok ko air, im ña ilo ien eo in ko.

SAM 142.

Maskil an Devid, ke e ar ber iloan roñ eo. Juon jar.

K IN ainikiö ij kir ñon Jeova; kin ainikiö ñon Jeova ij akwelap.

2 I lutoklok ao lotan iman; I

kwalok ao jorran iman.

3 Ke ao e ar kijelok ilo ña, Kw'ar jela ao ial. Ilo ial eo ijo I ar etetal, r'ar noj jen ñon io.

4 Kwon lale i anbijmaroñio im lo. bwe ejelok armij e jelakake ña; jikin tilekek e joko jen ña, ejelok armij ej tar ao.

5 I ar kir ñon Kwe O Jeova, I ar ba, Kwe ao jikin tilekek, ao kij ilo

ene an dri mour.

6 Kwon eoroñ ao lamij, bwe ar kanuij kõtaik iõ; Kwon kõtlok iõ jen ro rej matortor io, bwe re kajur jen ña.

7 Kwon kadrioijlok ao jen prison, bwe in kamolol etom. Ro remon re naj kabol iõ; bwe Kwo naj wujleptok joij ñon io.

SAM 143.

Sam an Devid.

Z WON roñjake að jar, O Jeova, K won eoron akwelap ko ao; ilo Am til ek Kwon uak ið, im ilo Am wanik.

2 Im Kwon jab dreloñ ilo ekajet iben korijerom: bwe ilo mejom jamin kowanik jabrewot armij.

3 Bwe dri kijirat eo e ar matortor ao, e ar jolollok ao mour non brij; e ar komon bwe in jokwe ilo jikin

4 Inem ao e kijelok ilo na; buruo ilo ña e men in jeebeplok.

5 I kememej ran ko mokta: I kalomonlokjen kin men ko Kw'ar komonmoni; ij lemnok kin jerbal ko an peiõm.

6 Ij erlokwe peið ñon Kwe; ao e maro kin Kwe einwot ene e mok.

Sela.

7 Kwon kijorur im uak iõ, O Jeova, ač jitčb e kijelok : Kwon jab binej mejom jen ña, ñe ab in einwot ro rej wönlöllok ñon iloan roñ eo.

8 Kwon komon bwe in ronjake Am joij ke ejiboñ ; bwe ij liki Yuk. Kwon komon bwe in jela ial eo emon in etal iloan, bwe ij lelinwoj aõ ñon Kwe.

9 O Jeova, kwon kõtlok iõ jen ro dri kijirāt ið: ña I ko ñon Kwe

bwe in tilekek.

10 Kwon katakin iõ in kõmõn ankil Am, bwe Kwe ao Anij: Am Jitõb emõn, Kwon tel iõ ilo ene in wanik.

11 O Jeova, kwon kãejmour ið kin etom; ilo Am wanik Kwon boktok

aõ jen jorran.

12 Im ilo Am joij Kwon bukwelok ro dri kijirāt io; im Kwon kokkure ir otemjej rej kejorran aõ, bwe ña dri korijerom.

! SAM 144. Sam an Devid.

E^N mõnõnõ wõt Jeova, aõ dreka, eo Ej katakin peiõ in tõrinae, im arriõ ko in iri.

2 Aő joij, im aő me, aő imőn bar eutiej, im ao Dri lomor, ao likepijñõk, im Eo ij liki E, eo ej kõtaik ailiñ ko iomio.

3 Jeova, ta armij bwe Kwon jelakake? ak nejin armij bwe Kwon lemnok kake?

4 Armij ej einwőt men in jekron; ran ko an einwőt anőñin e jokolok.

5 Kwon kõtaik lõñ ko Am O Jeova im wonloltok: Kwon unir tol ko im re naj batat.

6 Kwon jolöllok jaröm im kejibliklok ir; Kwon jolok möri ko Am im kejorran ir.

7 Kwon erlokwe pelôm jen ilôn: Kwon kötlok ið, im lomorið jen iloan dren ko relap, jen ene'n ro drua maijet.

8 Ro loñir e konan wan, im anbijmaroñir e anbijmaroñon riop.

9 I naj al juon al ekal ñon Kwe, O Anij: ilo salteri in to ko joñoul, I naj al im nebar Yuk.

10 É eo Ej lelok lomor ñon kiñ ro: Eo ej lomoren Devid jen jaji in kokkure.

kokkure.

11 Kwon lomoriö im kötlok iö jen pein ro drua maijet; ro loñir ej konono wan, im anbijmaroñir e anbij-

maroñon riop.

12 Ñe ro nejim man re naj einwöt jul ko elap air edrekliñlok ke re jab kanuij ridto: Im ro nejim köra einwöt dreka ko in dremön im, emwij jekjeki ilo wäwen dreka in imön iroij.

13 Ñe mo ko imôn kijem ren obrōk, im eor wãwen mweluk otemjej; im šip ko am ren keutak tausan ko im joñoul tausan ko ilo me-

laj ko am.

14 Ñe kau koman ko am emôn air inene; ñe ejelok kokkure ak joko, im ejelok lotan ilo ial ko am.

15 Emõnõnõ ro dri ailiñ eo, ñe einwõt in ibeir; aet, emõnõnõ ro dri ailiñ ñe air Anij Jeova.

SAM 145.

Sam in nebar. An Devid.

I NAJ koutiej Yuk, aŏ Anij, Aŏ Kiñ: im I naj kamŏnŏnŏik etōm ñōn in drio im in drio.

2 Ran otemjej I naj kamõnõnõik Yuk; im I naj nebar etõm ñõn in

drio im in drio.

3 Elaplap Jeova, im ren kanuij nebar E; im An laplap re ban bukot

im jelakajen.

4 Juon ebeben e naj nebar jerbal ko Am ñon bar juon, im naj kwalok men ko rekajur Kw'ar komonmoni. 5 I naj kalomonlokjen kin wölio in köñiajoik an utiejen eo Am, im kin men in bwilöñ ko Kw'ar jerbali.

6 Im armij re naj konono kin kajur potata in men in lelñoñ ko Kw'ar kŏmŏni; im I naj kwalok Am laptata.

7 Re naj ba kin air kememej Am emon elap, im naj al kin Am

wanik.

8 Jeova e joij, im E obrok kin tiriamo; erumij An illu, im elap An tiriamokake.

9 Jeova emõn ñõn ro otemjej, im men in joij ko An ilõñin men ko otemjej E ar kõmõnmõni.

10 Jerbal ko Am otemjej re naj kamolol Yuk, O Jeova, im ro remôn Am re naj kamônônôik Yuk.

11 Re naj ba kin aibujuij in ailiñ eo Am, im naj konono kin Am kajur.

Kajur.

12 In kwalok ñon ro nejin armij men ko rekajur E ar komonmoni, im aibujuij in utiejen eo An.

13 Ailiñ eo Am juon ailiñ e ñou in drio, im Am iroij e berwot iomin

ebeben ko otemjej.

14 Jeova ej kejerkak im drebij ro otemjej re buñ; im kajutők ro otemjej re kumliklik.

15 Mejeir otemjej rej kotar Yuk, im Kwoj lelok ñon ir kijeir ilo jen

ekar.

16 Kwoj erlokwe peiőm im kamat air kőnan ñőn men otemjej remour.

17 Jeova e wānik ilo jal ko An otemjej, im E joij ilo jerbal otemjej An.

18 Jeova ej ebak ñon ir otemjej rej kir ñon E, ñon ro otemjej rej kir ñon E ilo mol.

19 E naj kamol kõnan an ro remjõk E; e naj bareinwõt roñjake air lamij im lomorir.

20 Jeova ej kejbãrok ir otemjej rej yokwe E; a ro renana otemjej E

naj kokkure ir.

21 Loñio e naj konono im nebar Jeova; im koniek otemjej en kamononoik etan ekwojarjar non in drio im in drio. SAM 146.

K OMIN nebar Jeova; kwon nebar Jeova O ač.

2 Iomin ien aö mour I naj nebar Jeova; I naj al kin nebar ko ñön aö Anij iomin ien jabrewöt aö ber.

3 Komin jab liki bwirok ron, ak nejin armij eo ejelok jibon iben.

4 Menono an ej ilok, ej jeblak ñőn lől eo an; ilo ran eo lemnok ko an rejokolok.

5 Emõnõnõ eo Anij in Jekõb ej jibõñ e, im an kõtomene ilo Jeova,

Anij eo an.

6 Éo e ar kömönmön löñ im löl; lometo im men ko otemjej ilo ir; Eo ej kejbärok mol ñön in drio.

7 Eo ej kõmõn ekajet ñõn ro dri jorran; Eo ej lelok kijeir ñõn ro dri kwűli: Jeova ej kõtlok ro rej ilo prisõn.

8 Jeova ej kebellok mejen ro rebilu; Jeova ej kajutők ro rej kumliklik; Jeova ej yokwe ro dru

wanik.

9 Jeova ej kejbãrok ro drua maijet; Ej jibõñ ro ejoko jemeir, im ro e joko leo beleir, a ial an ro renana Ei okjõk.

10 Jeova e naj Kiñ ñon in drio; am Anij O Zaion, ñon ebeben otem-

jelok. Komin nebar Jeova.

SAM 147.

K OMIN nebar Jeova; bwe emõn al im nebar amuij Anij: bwe e men in mõnõnõ im nebar e wõlio.

2 Jeova ej kalek Jerusalem; Ej kokweloklok ro dri jolok in Israel. 3 Ej kãejmour ro erup burueir; Ej kitimi kinej ko kinjeir.

4 Ej bwini oran iju ko; Ej naetan

ir otemjej.

5 Elaplap amuij Iroij, im kajur eo An e kanuij lap. Ejelok tõreren jelalokjen eo An.

6 Jeova ej kejerkak ro eta burueir; E kotaik ñon brij ro renana.

7 Komin al im nebar Jeova kin kamolol; komin al kin nebar ko ilo arp ñon amuij Anij.

8 Eo ej kalibubu mejatoto kin eo e jamin joko.

kõro ko; Eo ej kapojõk wut ñõn brij; Eo ej kadreklok ujoij ion tol ko.

9 Ej lelok ñon kiru kijen, im ñou

bau reven ko re kir.

10 E jab lõñliñ kin kajur an ors; E jab mõnõnõ kin neen armij.

11 Jeova e mõnõnõ kake ro remjõk E; kin ro rej kejatrikrik ir ilo An tiriamo.

12 Kwon nebar Jeova, O Jerusalem, kwon nebar am Anij, O Zaion.

13 Bwe E ar kabin alal ko in aur ko am; E ar kejerammõn ro nejõm iloan.

14 Ej kõmõn ainemõn ilo tõreren ko am; Ej kamat yuk kin wit emõnpotata.

15 Ej jilkinlok kien ion lõl; An

in nan ej etőr mőkőj.

16 Ej letok sno einwõt kolan šip; Ej kijibliklok frost eo emouj einwõt brij in ubaj.

17 Ej jolok dren ebin einwőt tibrikrik ko; wőn e maroñ in jutők

iman bio eo An?

18 Ej jilkinlok An in nan im kounlok ir; Ej kõmõn bwe en ukwi kõto eo An, inem dren etorlok.

19 Ej kwalok An in nan ñon Jekob, kien ko An im ekajet ko An

ñon Israel.

20 E ar jab kõmön einwõt ñõn jabrewõt ailiñ; im ekajet ko An r'ar jab jelakajeir. Komin nebar Jeova.

SAM 148.

K OMIN nebar Jeova. Komin nebar Jeova jen lõñ ko; komin nebar E ilo jikin reutiej.

2 Komin nebar E, komeo enjel ro An; komin nebar E, jar in tõrinae

ko An.

3 Komin nebar E, al im aliñ; komin nebar E, kom iju ko in maram.

4 Komin nebar E, kom lõñ ko in lõñ ko; im dren ko ilõñin lõñ ko.

5 Ren nebar etan Jeova, bwe E ar kaiñi inem emwij kõmõnmõn jr.

6 E ar bareinwőt kabini ñőn in drio im in drio. E ar kőmőn kien eo e jamin joko.

7 Komin nebar Jeova jen lõl, komeo drakõn ko im imlõl ko otemjej:

8 Kijeek im wut ebin; sno im tap; kõto in lañ ej kamol An in nan.

9 Tol ko relap im ro redrik; wijki ko re kouwa, im sidar otemjej.

10 Kiru rawiā im kau ko otemjej; men ko retöbölböl im bau ko re kāki.

11 Kiñ ro an lõl, im ro dri ailiñ otemjej; iroij rõn im dri ekajet otemjej an lõl.

12 Man rõn im kõra rõn emõn

drer, ridto ron im ajiri ron.

13 Ren nebar etan Jeova; bwe etan wöt eliñlok, An aibujuij ilöñin löl im löñ.

14 Im E ar leliñlok drun in dri ailiñ eo An, men in nebar in ro remon otemjej An; ro nejin Israel wot, juon ailiñ ebak ñon E. Komin nebar Jeova.

SAM 149.

K OMIN nebar Jeova. Komin al ñon Jeova kin al ekal, im kin nebar eo An ilo jar an ro remon.

2 Israel, en lõñliñ ilo Eo e ar kõmõnmõne; ro nejin Zaiõn, ren

mõnõnõ kin air Kiñ.

3 Ren nebar etan ilo iep eo; ren al im nebar E kin timbrel im arp.

4 Bwe Jeova ej mõnõnõ kin ro dri ailiñ eo An; E naj kalitlit eo eta buruen kiu lomor. 5 Ro remôn ren jualöñliñ ilo aibujuij; ren al kin löñliñ ion kineir.

6 Nebar ko reutiej an Anij ren ilo loñir, im juon jaji ruo mejen ilo

peir;

7 In komon irenwone non ro dri ailin ko; im enoik ko ion armij ron;

8 In liabe kiñ ro air kin tomere ko, im bwirôk ro air kin feter ko

mal;

9 In kõmõn ñõn ir ekajet eo emwij jejekake: kõñiajoik in iben ro remõn otemjej An. Komin nebar Jeova.

SAM 150.

KOMIN nebar Jeova. Komin nebar Anij ilo jikin kwojarjar eo An: komin nebar E ilo mejatoto in kajur eo An.

2 Komin nebar E kin jerbal ko An rekajur potata. Komin nebar E ekar ñon An utiejen emontata.

3 Komin nebar E kin ainiken jilil: komin nebar E kin salteri im arp.

4 Komin nebar E kin timbrel im iep: komin nebar E kin ken kajõñjõñ eor toair im kin paip.

5 Komin nebar E kin simbal ko elap ainikeir. Komin nebar E kin simbal ko emõnõnõ ainikeir.

6 Men otemjej eor air menono ren nebar Jeova. Komin nebar Jeova.





STATE OF

Bible. O.T. Psalms. Marshall CB51
Islamds. 1899
Buk in Sam Ko
1899

GTU Library 2400 Ridge Road Berkeley, CA 94709 For renewals call (510) 649-2500

All items are subject to recall.

